



汾水
涑水
原公水
晉水
濟水一
清水
淇水
洹水
清漳水
寇水
巨馬水

澮水
文水
洞渦水
湛水
濟水二
沁水
蕩水
濁漳水
易水
聖水

水經第六

漢 桑欽撰

後魏 酈道元注

明 吳瑄校

汾水 澮水 涑水 文水

原公水 洞渦水 晉水 湛水

汾水出太原汾陽縣北管涔山

山海經曰北次二經之首在河之東其東首枕汾其名曰管涔之山其上無草木而下多玉汾水出焉而流注于河十三州志曰出武州之燕京山亦

管涔之異名也。其山重阜脩巖，有草無木，泉源道於南麓之下，蓋稚水濛流耳。又西南夾岸連山，聯峯接勢，劉淵族子曜嘗隱居於管涔之山，夜中忽有二童子入，跪曰：「管涔王使小臣奉謁趙皇帝，獻劔一口，置前再拜而去。」以燭視之，劔長二尺，光澤非常。背有銘曰：「神劔服御除衆毒，曜遂服之。」劔隨時變爲五色也。後曜遂爲胡王矣。汾水又南與東西溫谿合，水出右近谿，聲流翼注，水上雜樹交蔭，雲垂煙接，自是水流潭漲，波襄轉泛。又南逕一城，東憑墉積石，側枕汾水，俗謂之代城。城又南出二

城間，其城角倚翼枕汾流，世謂之侯莫干城。蓋語出戎方，傳呼失實也。汾水又南逕汾陽縣故城東，川土寬平，峘山夷水。故地理志：汾水出汾陽縣北山西南流者也。漢高帝十一年，封靳彊爲侯國，後立屯農，積粟在斯，謂之羊腸倉。山有羊腸坂，在晉陽西北，石磴縈委，若羊腸焉，故倉坂取名矣。漢永平中，治呼沱石曰河，按司馬彪後漢郡國志：常山南行唐縣有石曰谷，蓋咨乘呼沱之水。轉山東之費，自都盧至羊腸倉，將憑汾水以漕太原，用實秦晉。苦役連年，轉運所經，凡三百八十九隘，死者無

箕拜鄧訓爲謁者監護水功。訓隱括知其難立。具言肅宗。肅宗從之。全活數千人。和熹鄧后之立。叔父以爲訓積善所致也。羊腸卽此倉也。魏土地記曰。秀容胡人徙居之。立秀容護軍治。東去汾水六十里。南與酸水合。水源西出少陽之山。東南流注於汾水。汾水又南出山東南流。洛陰水注之。水出新興郡。西流逕洛陰城北。又西逕孟縣故城南。春秋左傳僖公二十八年。分祈氏七縣爲大夫之邑。以孟丙爲孟大夫。水又西逕狼孟縣故城南。王莽之狼調也。左右夾澗幽深。南面大壑。俗謂之狼馬。

六十里一作四十里

澗。舊斷澗爲城。有南北門。門闔故壁尚在。洛陰水又西南逕陽曲城北。魏土地記曰。陽曲胡寄居太原界。置陽曲護軍治。其水西南流注于汾水。汾水又南逕陽曲城西南注也。

東南過晉陽縣東。晉水從縣東南流注之。

太原郡治晉陽城。秦昭襄王三年立。尚書所謂旣修太原者也。春秋說題辭曰。高平曰太原。原端也。平而有度。廣延曰。大鹵太原也。釋名曰。地不生物曰鹵。盧穀梁傳曰。中國曰太原。夷狄曰大鹵。尚書大傳曰。東原底平。大而高平者。謂之太原。郡取稱

廣延當作廣疋古雅字

釋名曰鹵。鹵也。如鹵火處也。

呂氏春秋云趙襄子遊於園中至於梁馬却不進使青荊進視則豫讓佯為死人叱青荊曰吾且有事青荊退而自殺史記索隱引古本趙策云襄子使持衣與豫讓讓拔劍三躍而擊之衣盡出血

史記載其歌曰美人笑兮顏若若之榮命乎命乎曾無我贏

呂氏春秋九藪吳之具區楚之雲夢秦之陽華晉之大陸梁之圃田孟諸齊之海隅趙之鉅鹿燕之大昭周禮云正北并州其川虜池嘔夷注云嘔夷祁夷也

焉魏土地記曰城東有汾水南流水東有晉使持

節都督并州諸軍事鎮北將軍太原成王之碑水

上舊有梁清泝殞於梁下豫讓死於津側亦襄子

解衣之所在也汾水西逕晉陽城南舊有介子推

祠前有碑廟宇傾頽唯單碑獨存矣今文字剥落

無可尋也

又南洞渦水從東來注之

汾水又南逕梗陽縣故城東故榆次之梗陽縣也

魏獻子以邑大夫魏戊也京相璠曰梗陽晉邑也

今太原晉陽縣南四十里榆次界有梗陽地汾水

又南即洞渦水會者也

又南過大陵縣東

昔趙武靈王遊大陵夢處女鼓琴而歌想見其人

吳廣進孟姚焉即於此縣也王莽改曰大寧矣汾

水於縣左迤為鴈澤廣雅曰水自汾出為汾陂其

陂東西四里南北一十餘里陂南接鴈地理志曰

九澤在北并州藪也呂氏春秋謂之大理又名之

曰温洩之澤俗謂之鴈城許慎說文曰馮水出西

河中陽縣之西南入河即此水也馮水又會嬰侯

之水山海經稱謁戾之山嬰侯之水出于其陰北

流注于汜水右出汜山其水殊源共合注于嬰侯之水亂流逕中都縣南俗又謂之中都水侯甲水注之水發原平縣胡甲山有長坂謂之胡甲嶺即劉歆遂初賦所謂越侯甲而長驅者也蔡邕曰侯甲亦邑名也在祁縣侯甲水又西北歷宜歲郊逕太谷謂之太谷水出谷西北流逕祁縣故城南自縣連延西接鄔澤是為祁藪也即爾雅所謂昭餘祈矣賈辛邑也辛貌醜妻不為言與之如臯射雉雙中之則笑也王莽之示縣也又西逕京陵縣故城北王莽更名曰致城矣於春秋為九原之地也故

左傳賈辛為祁大夫將適縣魏獻子舉叔向言昔賈大夫事則貌醜者指賈大夫非賈辛也

國語曰趙文子與叔向遊於九原曰死若可作也吾誰與歸叔向曰其陽子乎文子曰夫陽子行廉直於晉國不免其身智不足稱吾其隨會乎納諫不忘其師矣故其京尚存漢興增陵於其下故曰京陵焉甲水又西北逕中都縣故城南臨城際水湄春秋昭公二年晉侯執陳無宇於中都者也漢文帝為代王都此武帝元封四年上幸中都宮殿上見光赦中都死罪以下甲水又西合為嬰侯之水逕鄔縣故城南晉大夫司馬彌牟之邑也謂之鄔水也俗亦曰慮水慮馮聲相近故因變焉又

臨城疑作城臨

西北入鄔陂而歸于汾流矣。又南過平陶縣東。文水從西來流注之。

汾水又南與石桐水合。即綿水也。水出界休縣之

綿山北流。逕石桐寺西。即介子推之祀也。昔子推

逃晉文公之賞而隱於綿上之山也。晉文公求之

不得。乃封綿為介子推田。曰以志吾過。且旌善人。

因名斯山為介山。故袁崧郡國志曰。界休縣有介

山。有綿上聚子推廟。王肅襄服要記曰。昔魯哀公祖

載其父。孔子問曰。寧設桂樹乎。哀公曰。不也。桂樹

者起於介子推。子推晉之人也。文公有內難。出國

異苑載子推逃祿
隱迹抱樹燒死文
公拊木哀嗟伐而
製履每懷割股之
功俛視其履曰悲
乎足下是下之稱
將起於此矣
按檀弓注云買
目不明貌

之狄。子推隨其行。割肉以續軍糧。後文公復國。忽

忘子推。子推奉唱而歌。文公始悟。當受爵祿。子推

奔介山。抱木而燒死。國人葬之。恐其神魂賈於地。

故作桂樹焉。吾父生於宮殿。死於枕席。何用桂樹

為。余案夫子尚非璵璠。送葬安能問桂樹為禮乎。

王肅此證近於誣矣。石桐水又西流。注于汾水。又

西南逕介休縣故城西。王莽更名之曰介美矣。城

東有徵士郭林宗。宋子浚二碑。宋沖以有道司徒

徵林宗縣也。辟司徒舉太尉。以疾辭。其碑文之云。

將蹈洪崖之遐迹。紹巢由之逸軌。翔區外以舒翼。

賈字誤當
作賈

之字疑衍

起天路以高峙稟命不融享年四十有三建寧四年正月丁亥卒凡我四方同好之人永懷哀痛乃樹碑表墓昭銘景行云陳留蔡伯喈范陽盧子幹扶風馬日磾等遠來奔喪朋友服心喪暮年者如韓子助宋子浚等二十四人其餘門人著錫衰者千數其碑文多矣皆有慙容唯郭有道無愧於色矣天下碑文多矣皆有慙容唯郭有道無愧於色矣汾水之右有左部城側臨汾水蓋劉淵為晉都尉所築也

又南過寇爵津

一作寇

起一作超

御覽引此作寇爵津

汾津名也在介休縣之西南俗謂之雀鼠谷數十里間道隘水左右悉結偏梁閣道累石就路縈帶巖側或去一丈或高六丈上戴山阜下臨絕澗俗謂之為暮般橋蓋通古之津隘又亦在今之地嶮也

偏梁御覽作編梁或去句御覽作或去一尺或高五六尺又作矣

又南入河東界又南過永安縣西

故彘縣也周厲王流于彘即此城也王莽更名黃城漢順帝陽嘉二年改曰永安縣霍伯之都也歷唐城東瓚注漢書云堯所都也東去彘十里汾水又東與彘水合水出東北太岳山禹貢所謂岳陽

也。卽霍太山矣。上有飛廉以善走事紂。惡來力見知。周王伐紂，兼殺惡來。飛廉先爲紂使，北方還無所報，乃壇於霍太山而致命焉。得石棺，銘曰：帝令處父不與殷亂，賜汝石棺以葬。死遂以葬於霍太山。有岳廟，廟甚靈。鳥雀不棲其林，猛虎常守其庭。又有靈泉以供祭事，鼓動則泉流，聲絕則水竭。湘東陰山縣有侯曇山，有上靈壇，壇前有石井，深數尺，居常無水。及臨祈禱，則甘泉湧出，周用則已。亦其比也。燕水又西流，逕觀阜北，故有邑也。原過之，從襄子也。受竹書於王澤，以告襄子。襄子齋

上有下脫
飛廉墓三字

葬於疑作
葬焉

三月親自剖竹，有朱書曰：余霍太山山陽侯天史也。三月丙戌，余將使汝反滅智氏，女亦立我於百邑也。襄子拜受三神之命，遂滅智氏，祠三神於百邑。使原過主之。世謂其處爲觀阜也。燕水又西流，逕永安縣故城南，西南流注于汾水。汾水又南逕霍城東，故霍國也。昔晉獻公滅霍，趙夙爲御，霍求公奔齊。晉國大旱，卜之曰：霍太山爲祟，使趙夙召霍君奉祀。晉復穰也。蓋霍求公之故居也。汾水又逕趙城西南，穆王以封造父。趙氏自此始也。汾水又南，霍水入焉。水出霍太山，發源成潭，漲七十步。

三月舊本
作三日
天史宋本
作大使

郡國志云河東郡
楊縣有高梁亭晉
羊舌大夫叔向邑
也此云僚公去安
未詳

而不測其深西南逕趙城南西流注于汾水
又南過楊縣東

間水東出穀遠縣西山西南逕楊縣霍山南又西
逕故城北晉大夫僚公去安之邑也應劭曰故楊
侯國王莽更名有年亭也其水西流入于汾水汾
水逕楊城西不於東矣魏土地記曰平楊郡治楊
縣郡西有汾水南流者是也

西南過高梁邑西

黑水出黑山西逕楊城南又西與巢山水會山海
經曰牛首之山勞水出焉西流注于滴水疑是水

間水疑作
澗水

今竹書作二十年

也滴水即巢山之水也水源東南出巢山東谷北
逕浮山東又西北流與勞水合亂流西北逕高梁
城北西流入于汾水又南逕高梁故城西故高梁
之墟也春秋僖公二十四年秦穆公納公子重耳
於晉害懷公於此竹書紀年晉出公三十年智伯
瑤城高梁漢高帝十二年以為侯國封恭侯酈介
於斯邑也

又南過平陽縣東

汾水又南逕白馬城西魏刑白馬而築之故世謂
之白馬城今平陽郡治汾水又南逕平陽縣故城

東晉大夫趙鼂之故邑也。應劭曰：縣在平河之陽。堯舜並都之也。竹書紀年：晉烈公元年，韓武子都平陽。漢昭帝封度遼將軍范明友為侯國。王莽之香平也。晉立平陽郡，治此矣。水側有堯廟，前有碑。魏土地記曰：平陽城東十里，汾水東原上有小臺。臺上有堯神屋石碑，永嘉三年，劉淵徙平陽於汾水，得白玉印，方四寸，高二寸二分，龍紐，其文曰：有新寶之印。主莽所造也。淵以為天授，改永鳳二年為河瑞元年。汾水南與平陽合，水出平陽西壺口山。尚書所謂壺口治梁及岐也。其水東逕狐谷亭。

北春秋時狄侵晉，取狐厨者也。又東逕平陽城南，東入汾，俗以為晉水，非也。汾水又南，歷襄陵縣，故城西。晉大夫邾犇之邑也。故其地有犇氏鄉亭矣。縣蓋即陵以名氏也。王莽更名曰幹昌也。

又南過臨汾縣東。

天井水出東陘山，西南北有長嶺，嶺上東西有通道，即鉏蹻也。穆天子傳曰：乙酉，天子西絕鉏蹻，西南至鹽是也。其水三泉，奇發西北，流摠成一川，西逕堯城南，又西流入汾。

又屈從縣南西流。

穆天子傳：蹻作蹻，鉏音邢，郭注云：即井鉏之山。

又汾水又經絳縣故城北竹書紀年梁武王二十五
 年絳中地墜西絕於汾汾水西逕虜祁宮北橫水
 有故梁截汾水中凡有三十柱柱徑五尺栽與水
 平蓋晉平公之故梁也物在水故能持久而不敗
 也又西逕魏正平郡南故東州治大和中皇都徙
 洛罷州立郡矣又西逕正橋澮水入焉

梁武王當
作梁惠成

正橋一作
王橋

又西過長修縣南

汾水又西與古水合出臨汾縣故城西黃阜下其
 大若輪西南流故橫溝出焉東注于汾今無水又
 西南逕魏正平郡北又西逕荀城東古荀國也汲

郡古文晉武公滅荀以賜大夫原氏也古水又西

南入于汾汾水又西南逕長修縣故城南漢高帝

十一年以為侯國封莊恬也有修水出縣南而西

南流入汾汾水又西逕清原城北故清陽亭也城

北有清原晉侯蒐清原作三軍處也汾水又逕冀

亭南昔曰季使過冀野見郤缺耨其妻饁之相敬

如賓言之文公文公命之為卿復與之冀京相璠

曰今河東皮氏縣有冀亭古之冀國所都也杜預

釋地曰平陽皮氏縣東北有冀亭即此亭也汾水

又西與華水合水出北山華谷西南流逕一故城

逕一作
逕於

西俗謂之梗楊城非也。梗楊在榆次，在此非案。故漢上谷長史侯相碑云：侯氏出自倉頡之後，踰殷

歷周，各以氏分。或著楚魏，或顯齊秦。晉卿士薦斯

其裔也。食于華陽。今蒲坂北亭也。即是城也。其水

西南流，注于汾。汾水又逕稷山北，在水南四十許

里。山東西二十里，南北三十里，高十三里。西去介

山一十五里。山上有稷祠，山下稷亭。春秋宣公十

五年，秦桓公治兵于稷，以略狄土，是也。

又西過皮氏縣南。

汾水西逕鄧丘北，故漢氏之方澤也。賈逵云：漢法

三年祭地，汾陰方澤。澤中有方丘，故謂之方澤。丘

即鄧丘也。許慎說文稱從邑發聲。河東臨汾地名

矣。在介山北，山即汾山也。其山特立，周七十里，高

三十里。穎言在皮氏縣東南側，可三十里，乃非也。

今準此山，可高十餘里。山上有神廟，廟側有靈泉。

祈祭之日，周而不耗。世亦謂之子推祠。楊雄河東

賦曰：靈輿安步，周流容與。以覽于介山，嗟文公而

愍推兮，勤大禹於龍門。晉太康記及地道記與永

初記並言子推所逃，隱於是山，即實非也。余按介

推所隱者綿山也。文公環而封之，為介推田，號其

山曰介推山。

左傳：秦桓公伐晉，晉侯治兵於稷，以略狄土。

此非宋本，在宋本。

此非宋本，在宋本。

左傳：秦桓公伐晉，晉侯治兵於稷，以略狄土。

此非宋本，在宋本。

此非宋本，在宋本。

山為介山杜預曰在西河介休縣者是也汾水又西逕耿鄉城北故殷都也帝祖乙自相徙此為河所毀故書叙曰祖乙圮于耿杜預曰平陽皮氏縣東南耿鄉是也盤庚以耿在河北迫近山川乃自耿遷亳後晉獻公滅之以封趙夙後襄子與韓魏分晉韓康子居平陽魏桓子都安邑號為三晉此其一也漢武帝行幸河東濟汾河作秋風辭於斯水之上汾水又西逕皮氏縣南竹書紀年魏襄王十二年秦公孫爰率師伐我圍皮氏翟章率師救皮氏圍疾西風十三年城皮氏者也漢河東太守

潘舊本作番

潘係穿渠引汾水以溉皮氏縣故渠尚存今無水又西至汾陰縣北西注于河東南注于西北注于

水南有長阜背汾帶河阜長四五里廣二里餘高十丈汾水歷其陰西入河漢書謂之汾陰睢應劭曰睢丘類也汾陰男子公孫祥望氣寶物之精上見詳言之於武帝武帝於水獲寶鼎焉遷於甘泉宮改其年曰元鼎即此處黑木巖木尊就東北黑

澮水出河東絳縣東澮交東高山晉士

澮水東出詳高山亦曰河南山又曰澮山西逕翼城南按詩譜言晉穆侯遷都于絳翼孫孝侯改絳

翼舊本作暨宋本作

爲翼。翼爲晉之舊都也。後獻公又北廣其城方二
 里。又命之爲絳。故司馬遷史記年表稱獻公九年
 始成絳都。左傳莊公二十六年晉士蔿城絳。以深
 其宮。是也。其水又西南合黑水。嶺水導源東北。黑
 水谷西南流。逕翼城北。右引北川水。出平川南流。
 注之。亂流西南入澮水。澮水又西南與諸水合。謂
 之澮。交竹書紀年曰。莊伯十二年翼侯焚曲沃之
 禾而還。作爲文公也。又有賀水。東出近川西南至
 澮。交入澮。又有高泉水。出東南近川西北。趣澮。交
 注澮。又南紫谷水。東出白馬山。白馬川遁甲關山。

圖曰。絳山東距白馬山。謂是山也。西逕榮庭城南。
 而西出紫谷。與乾河合。卽教水之枝川也。史記白
 起傳稱起涉河。取韓安邑。東至乾河。是也。其水西
 與田川水合。水出東谿。西北至澮。交入澮。又有女
 家水。出于家谷。竹書紀年曰。莊伯以曲沃叛伐翼。
 公子萬救翼。若叔軫追之。至于家谷。有范壁水。出
 於壁下。並西北流。至翼廣城。昔晉軍北入翼廣。以
 築之。因卽其姓以名之。二水合而爲西北流。至澮
 交入澮。澮水又西南與絳水合。俗謂之白水也。非
 也。水出絳山東。至寒泉。奮湧揚波。北注縣流。奔壑。

十一許丈。青崖若點黛。素湍如委練。望之極爲奇觀矣。其水西北注。流于澮。應劭曰。絳水出絳縣西南。蓋以故絳爲言也。史記稱智伯率韓魏引水灌晉陽。不沒者三版。智氏曰。吾始不知水可以亡人國。今乃知之。汾水可以浸平陽。絳水可以浸安邑。時韓居平陽。魏居安邑。魏相子肘。韓康子。韓康子履。魏相子肘。足接於車上。而智氏以亡。魯定公問一言可以喪邦。有諸。孔子以爲幾乎。余覩智氏之談矣。汾水灌平陽。或亦有之。絳水澆安邑。未識所由也。

澆一作浸

西過其縣南

春秋成公元年。晉悼公謀去故絳。欲居郇瑕。魏獻子曰。土薄水淺。不如新田。有汾澮以流其惡。遂居新田。又謂之絳。卽絳陽也。蓋在絳澮之陽。漢高帝六年。封越騎將軍華無害爲侯國。縣南對絳山。面背二水。古文瓚語曰。晉平公與齊景公乘至于澮。上見乘白驂八駟以來。有犬狸身而狐尾。隨平公之車。公問師曠對首陽之神。有犬狸身狐尾。其名曰者。飲酒得福。則徼之。蓋於是水之上也。又西南過虎祁宮南。

面背驂作

名曰一作
逢君

太平廣記引汲冢
瑣語云。晉平公至
澮。上見人乘白驂
八駟以來。有狸身
而狐尾。去其車而
墮。公之車公問師
曠。曠曰。狸身而
狐尾。其名曰首陽
之神。飲酒於霍山
而歸。其逢君於澮
乎。君其有喜。

宮在新田絳縣故城西四十里晉平公之所構也。時有石言於魏榆晉侯以問師曠曠曰石不能言或憑焉臣聞之作事不時怨讟動于民則有非言之物言也。今宮室崇侈民力彫盡石言不亦宜乎。叔向以爲子野之言君子矣。其宮地背汾面澮西則兩川之交會也。竹書紀年曰晉出公五年澮絕于梁卽是水也。

又西至王橋注于汾水。

晉智伯瑤攻趙襄子襄子奔保晉陽原過後至遇三人於此澤自帶以下不見持竹二節與原過曰

爲我遺無卹原過受之於是澤所謂王澤也。

涑水出河東聞喜縣東山黍葭谷

涑水所出俗謂之華谷至周陽與洮水合水源東出清野山世人以爲清襄山也其水東大嶺下西流出謂之哈口又西合涑水鄭使子產問晉平公疾平公曰卜云臺台爲祟史官莫知敢問子產曰高辛氏有二子長曰閼伯季曰實沈不能相容帝遷閼伯于商丘遷實沈于大夏臺台實沈之後能業其官帝用嘉之國汾川由是觀之臺台汾洮之神也賈逵曰汾洮二水名司馬彪曰洮水出聞喜

左傳作臺駘

水經

卷之六

六

縣故王莽以縣爲洮亭也然則涑水殆亦洮水之兼稱乎帝用漢之國分川也其賻之臺台亦洮之又西過周陽邑南漢書武于大夏臺台實武之其城南臨涑水北倚山原竹書紀年晉獻公二十五年正月翟人伐晉周有白兔舞于市卽是邑也漢景帝以封田勝爲侯國也涑水西逕董澤陂南卽古池東西四里南北三里春秋文公六年蒐于董澤卽斯澤也涑水又與景水合水出景山北谷東山海經曰景山南望鹽販之澤北望少澤其草多諸蕓秦椒其陰多赭其陽多玉郭景純曰鹽販之

澤卽解縣鹽池也按經不言有水今有水焉西北流注于涑水也公十二年四月晉剋剋呂師秦

又西南過其縣南矣水又西至王宮城北涑水又西逕仲邨邨北又西逕桐鄉城北竹書紀年曰翼侯伐曲沃大捷武公請城于翼至洞庭乃

今竹書云武公請城于翼至桐而還

洞讀作桐庭當作渴

返者也漢書曰漢武帝元鼎六年將幸緱氏至左邑桐鄉聞南越破以爲聞喜縣者也涑水又西與沙渠水合水出東南南近川西北流注于涑水涑水又西南逕左邑縣故南城故曲沃也晉武公自晉陽徙自秦改爲左邑縣詩所謂從子于鵠者也春

秋傳曰下國有宗廟謂之國在絳曰下國矣卽新城也王莽之洮亭也涑水自城西注水流急濬輕津無緩故詩人以爲激揚之水言不能流移束薪耳水側卽狐突遇申生處也春秋傳曰秋狐突適下國遇太子太子登僕使曰夷吾無禮吾請帝以畀秦對曰神不歆非類君其圖之君曰諾請七日見我於新城西偏及期而往見於此處故傳曰鬼神所憑有時而信矣涑水又西逕王官城北在南原上春秋左傳成公十三年四月晉侯使呂相絕秦曰康猶不悛入我河曲伐我涑川俘我王官故有

宋本使字在登僕上

河曲之戰是矣今世人猶謂其城曰王城也又西南過安邑縣西

安邑禹都也禹娶塗山氏女思戀本國築臺以望之今城南門臺基猶存余案禮天子諸侯臺門隅阿相降而已未必一如書傳也故晉邑矣春秋時魏絳自魏徙此昔文侯縣師經之琴於其門以爲言戒也武侯二年又城安邑蓋增廣之秦始皇使左更白起取安邑置河東郡王莽更名洮陽縣曰河東也有項寧都學道昇仙忽復還此河東號曰升仙漢世又有閔仲叔隱遯市邑罕有知者後以

劉向說苑云師經鼓琴魏文侯起舞曰使我言而無見違師經援琴而撞文侯中流潰之文侯將烹經經曰堯舜惟恐言之而人不違桀紂惟恐言之而人違之臣撞桀紂非撞吾君也文侯令縣琴於城門以爲寬人戒

識瞻而去。涑水又西南逕監鹽縣故城。城南有鹽池。水承鹽水出東南，薄山西北流，逕巫咸山北。地理志曰：山在安邑縣東海外。西經曰：巫咸在女丑北，右手操青蛇，左手操赤蛇。在登葆山，羣巫所從上下也。大荒西經云：大荒之中有靈山，巫咸即巫盼、巫彭、巫姑、巫真、巫禮、巫抵、巫謝、巫羅，十巫從此升降，百藥爰在。郭景純曰：言羣巫上下靈山采藥往來也。蓋神巫所遊，故山得其名矣。谷曰：嶺上有巫咸祠，其水又逕安邑故城南，又西流注于鹽池。地理志曰：鹽池在安邑西南，許慎謂之鹽監，長五

監疑作鹽

即上脫巫字

巫真巫禮一作巫貞巫孔

谷曰疑作谷

今許慎說文解鹽字云：鹽，鹽池也。在河東，袤五十一里。

廣七里，周百十六里，從鹽省，古聲。

十一里，廣六里，周一百一十四里。從鹽，古聲。呂宿曰：沈沙煮海謂之鹽，河東鹽池謂之解鹽。今池水東西七十里，南北十七里，紫色澄渟，渾而不流水，出石鹽自然，印成朝取，夕復終無減損。唯水暴雨澍，甘潦奔洑，則鹽池用耗，故公私共竭水，徑防其淫濫，故謂之鹽水，亦為竭水也。故山海經謂之鹽販之澤也。澤南面層山，天巖雲秀，池谷泉深，左右壁立，間不容軌，謂之石門，路出其中，名之曰徑。南通上陽北，墜鹽澤池，西又有一池，謂之女鹽澤。東西二十五里，南北二十里，在猗氏故城南。春秋成

池谷一作地谷

公六年晉謀去故絳大夫曰郇瑕地沃饒近鹽服
虔曰土平有漑曰沃鹽鹽也土人鄉俗引水裂沃
麻分灌川野畦水耗竭土自成鹽即所謂鹽鹺也
而味苦號曰鹽田鹽鹽之名始資是矣本司鹽都
尉治領兵一千餘人守之周穆王漢章帝並幸安
邑而觀鹽池故杜預曰猗氏有鹽池後罷尉司分
猗氏安邑置縣以守之

又南過解縣東又西南注于張陽池

涑水又西逕猗氏縣故城北春秋文公七年晉敗
秦于令狐至于剗首先蔑奔秦士會從之闞駟曰

猗氏牛也謂牛馬
豬羊驢五畜之猗

令狐即猗氏也剗首在西三十里縣南對澤即猗
頓之故居也孔叢曰猗頓魯之窮士也耕則常饑
桑則常寒聞朱公富往而問術焉朱公告之曰子
欲速富當畜五特於是乃適西河大畜牛羊于猗
氏之南十年之間其息不可計貲擬王公馳名天
下以興富於猗氏故曰猗頓也涑水又西逕郇城
詩云郇伯勞之蓋其故國也杜元凱春秋釋地云
今解縣西北有郇城服虔曰郇國在解縣東郇瑕
氏之墟也余按竹書紀年云晉惠公十有五年秦
穆公率師送公子重耳圍令狐桑泉曰衰皆降焉

特當作特

裂字疑衍

秦師狐毛與先軫禦秦至于廬柳乃謂秦穆公使公子繫來與師言退舍次于郇盟于軍京相璠曰春秋土地名桑泉曰衰並在解東南不言解明不至解可知春秋之文與竹書不殊今解故城東北二十四里有故城在猗氏故城西北鄉俗名之爲郇城考服虔之說又與俗符賢於杜氏單文孤證矣涑水又西南逕解縣故城南春秋晉惠公因秦返國許秦以河外王城內及解梁卽斯城也涑川又西南逕瑕城晉大夫詹嘉之故邑也春秋僖公三十年秦晉圍鄭鄭伯使燭之武謂秦公曰晉許

涑川一作涑水

今竹書無陽字

史記作孫邀無林字

君焦瑕朝濟而夕設版者也京相璠曰今河東解縣西南五里有故瑕城涑川又西南逕張陽城東竹書紀年齊師逐鄭太子齒奔城張陽南鄭者也漢書之所謂東張矣高祖二年曹叅假左丞相別與韓信東攻魏將孫林邀軍東張大破之蘇林曰屬河東卽斯城也涑水又西南屬于陂陂分爲二城南面兩陂左右澤渚東陂世謂之晉興澤東西二十五里南北八里南對鹽道山其西則石壁千尋東則磻谿萬仞方嶺雲迴奇峯霞舉孤標秀出羣絡羣山之表翠栢蔭峯清泉灌頂郭景純云世所

涑川一作涑水

謂鴛漿也。發于上而潛于下矣。厥頂方平，有良藥神農本草曰：地有固活女疎銅芸紫苑之族也。是以緇服思玄之士，鹿裘念一之夫，代往遊焉。路出北巘，勢多懸絕，來去者咸援蘿騰峯，尋葛降溪，於東則連木，乃陟百梯，方降巖側，縻鎖之跡，仍今存焉。故亦曰百梯山也。水泉山北流五里而伏，云潛通澤渚，所未詳也。西陂卽張澤也。西北去蒲坂一十五里，東西二十里，南北四五里，冬夏積水，亦時有盈耗也。

文水出大陵縣西山文谷，東到其縣，屈南到平陶縣

東北東入于汾

文水逕大陵縣故城西而南流，有沁水注之。縣西南山下，武氏穿井給養，井至幽深。後一朝水溢，平流東南注文水，又南逕平陶縣之故城，東西逕其城內，南流出郭。王莽更曰多穰也。文水又南逕縣右，會隱泉口水，謁泉山之上頂，俗云暘雨愆時，是謁是禱，故山得其名，非所詳也。其山石岸地嶮，壁立天固，崖平有一石室，去地可五十餘丈，爰有層松飾巖，列栢綺望，唯西側一處得歷級升陟。頂上平地一十許頃，沙門釋僧光表建二刹，泉發於兩

寺之間東流瀝石。汭注山下。又東津渠隱沒而不
恒流。故有隱泉之名矣。兩澤豐澍。則通入文水。又
南逕茲氏縣故城。東爲文湖。東西一十五里。南北
三十里。世謂之西河。在縣直東一十里。湖之西側
臨湖。又有一城。謂之猪城。水澤所聚。謂之都。亦曰
猪。蓋卽水以名城也。文湖又東逕中陽縣故城。東
案晉書地道記。太康地記。西河中有陽縣舊縣也。
文水又東南流。與勝水合。水出西狐岐之山東。逕
六壁城。南魏朝舊置六壁於其下。防離石諸胡。因
爲大鎮。太和中罷鎮。仍置西河郡焉。勝水又東合

又東一作
入東

西河當作
西湖

陽泉水出西山陽谿。東逕六壁城北。又東南流。注
于勝水。勝水又東逕中陽故城南。又東合文水。文
水又東南入于汾水也。

原公水出茲氏縣西羊頭山。東過其縣北。

縣故秦置也。漢高帝更封沂陽侯嬰爲侯國王。莽
之茲同也。魏黃初二年。西河恭王司馬子盛。廟碑
文云。西河舊處山林。漢末擾攘。百姓失所。魏興更
開疆宇。分割太原四縣以爲邦邑。其郡帶山側。塞
矣。王以咸寧四年。改命爵土。其年十二月。喪國臣
太農閻崇。離石令宗羣等二百三十四人。刊石立

碑以述勲德碑北廟基尚存也

又東入于汾

水注文湖不至汾也

洞渦水出沾縣北山

其水西流與南谿水合水出南山西北流注洞渦

水又西北黑水西出山三合源舍同歸一川東流

南屈受陽縣故城東按晉太康地記樂平郡有受

陽縣盧諶征艱賦所謂歷受陽而總轡者也其水

西南入洞渦水又西蒲水南出蒲谷北流注之于

洞渦又西與原過水合逕北便水流也水西阜上

宋本作合
三源無舍
字疑當作
出西山三
源合舍

逕北舊本
作近北

有原過祠蓋懷道協靈受書天使憂結宿情傳芳

後日棟宇雖淪擗木猶茂故層慈水取名焉其水

南流注于洞渦水也

西過榆次縣南又西到晉陽縣南

榆次縣故塗水鄉晉大夫智徐吾之邑也春秋昭

公八年晉侯築虎祁之宮有石言晉之魏榆服虔

曰魏晉也榆州里名也漢書曰榆次十三州志以

為塗陽縣矣王莽之太原亭也縣南側水有鑿臺

韓魏殺智伯瑤於其下剝腹絕腸折頭措頤處也

其水又西南流逕武觀城西北盧諶征艱賦曰逕

武館之故郭問厥墮之遠近洞渦水又西南爲淳湖謂之洞渦津澤而涂水注之水出陽邑東北大嶧山涂谷西南逕蘿磬亭南與蔣谷水合水出縣東南蔣谿魏土地記曰晉陽城東南一百一十里至山有蔣谷大道度軒車嶺通于武鄉水自蔣谿西北流西逕箕城北春秋僖公三十三年晉人敗狄于箕杜預釋地曰城在陽邑南水北卽陽邑縣故城也竹書紀年曰梁惠成王九年與邯戰榆次陽邑者也王莽之繁穰矣蔣谿又西合涂水亂流西北入洞渦澤也

磬一作磨

西入于汾出晉水下口者也

劉琨之爲并州也劉淵引兵邀擊之合戰於洞渦卽是水也

晉水出晉陽縣西縣壅山

縣故唐國也春秋左傳稱唐叔未生其母邑姜夢帝謂已曰余名而子曰虞將與之唐屬之叅及生名之曰虞呂氏春秋曰叔虞與成王居王援桐葉爲珪以授之曰吾以此封汝虞以告周公周公請曰天子封虞乎王曰余戲耳公曰天子無戲言時唐滅乃封之於唐縣有晉水後改名爲晉故子夏

敘詩稱此晉也而謂之唐。儉而用禮。有堯之遺風也。晉書地道記及十三州志並言晉水出龍山一水結紉山在縣西北非也。山海經曰縣壘之山晉水出焉。今在縣之西南。昔智伯之遏晉。以水灌晉陽。其川上源。後人踵其遺蹟。蓄以為沼。沼西際山枕水。有唐叔虞祠。水側有涼堂。結飛梁於水上。左右雜樹交蔭。希見曦景。至有淫朋密友。羈遊宦子。莫不尋梁契集。用相娛慰。於晉川之中。最為勝處。又東過其縣南。又東入于汾水。

汾水分為二流。北瀆即智氏故渠也。昔在戰國襄

汾水舊本作湖水

涼堂御覽作涼臺

宋本一字下有云壘一作壘

子保晉陽。智氏防山以水之。城不沒者三版。與韓魏望歎於此。故智氏用亡。其瀆乘高東北注入晉陽城。以周圍漑。漢末赤眉之難。郡掾劉茂真太守孫福之於城門西下空穴中。其夜奔孟。即是處也。東南出城流注于汾水也。其南瀆於石塘之下。伏流逕舊谿。東南出逕晉陽城南。城在晉水之陽。曰晉陽矣。經書晉荀吳帥師敗狄於大鹵。杜預曰大鹵晉陽縣也。為晉之舊都。春秋定公十三年。趙鞅以晉陽叛。後乃為趙矣。其水又東南流入于汾。湛水出河內軹縣西北山。

其湛水出枳縣南源湛谿俗謂之湛水也是蓋聲盡鄰故字讀俱變同于三豕之誤耳其水自谿之南流

東過其縣北又東過皮縣之北

湛水南逕向城東而南注

又東過毋辟邑南

源經所注斯乃汨川之所由非湛水之間關也是經之誤證耳湛水自向城東南逕湛城東時人謂之湛城亦或謂之隰城矣谿曰隰澗隰城在東言此非矣後漢郡國志曰河陽縣有湛城是也

汨川舊本作汨川

又東南當平陰縣之東北南入于河

湛水又東南逕鄧南流注于河故河濟有鄧津之名矣

水經第六

[Faint bleed-through text from the reverse side of the page]

水經第七

[Faint bleed-through text from the reverse side of the page]

濟水一

濟水出河東垣縣東主屋山為沅水

山海經曰聯水出焉西北流注于秦澤郭景純云
聯沅聲相近即沅水也潛行地下至共山南復出
于東丘今原城東北有東丘城孔安國曰泉源為
沅流去為濟春秋說題辭曰濟齊也齊度也負也

山海經作秦澤聯
作灑音董史記夏
紀兗州作沅州沅
當讀如兗故聲相
近

風俗通曰濟出常山房子縣贊皇山廟在東郡臨
邑縣濟齊其度量也余按二濟同名也所出不同
鄉源亦別斯乃應氏之非矣今濟水重源出溫城西
北平地水有二源東源出原城城東北昔晉文公
伐原以信而原降卽此城也俗以濟水重源所發
因復謂之濟源城其水南逕其城東故縣之原鄉
杜預曰沅水縣西北有原城者是南流與西源
合而源出原城西東沅水注之水出西南東北流
注于濟濟水又東逕原城南東合北水亂流東南
注分爲二水一水東南流俗謂之爲沅水卽沅水

漢音賜

也沅沅聲相近傳呼失實也濟水又東南逕郟城
北而出於溫矣其一水枝津南流注于澳水出原
城西北原山勳掌谷俗謂之爲白澗水南逕原城
西春秋會于澳梁謂是水之墳梁也爾雅曰梁莫
大於澳梁梁水堤也澳水又東南逕陽城東與南
源合水出陽城南溪陽亦樊也一曰陽樊國語曰
王以陽樊賜晉陽人不服文公圍之倉葛曰陽有夏
商之嗣典樊仲之官守焉君而殘之無乃不可乎
公乃出陽人春秋樊氏叛惡王使虢公伐樊執仲
皮歸于京師卽此城也其水東北流與漫流水合

水出軹關南東北流又北注于漫謂之漫流口。澳水又東合北水亂流東南左會濟水枝渠。澳水又東逕鍾繇塢北世謂之鍾公壘。又東南塗溝水注之水出軹縣西南山下北流東轉入軹縣故城中。又屈而北流出軹郭漢文帝元年封薄昭爲侯國也。又東北流注于澳。澳水又東北逕波縣故城北。漢高帝封公上不害爲侯國。澳水又東南流天漿水澗水注之水出軹南畢畢向城北在畢上俗謂之韓王城非也。京相璠曰或云今河內軹西有地名向今無杜元凱春秋釋地亦言是矣。蓋相襲之向。

故不得以地名而無城也。闕駟十三州志曰軹縣南山西曲有故向城卽周向國也。傳曰向姜不安于莒而歸者矣。汲郡竹書紀年曰鄭侯使韓辰歸晉陽向。二月城陽向。更名陽爲河雍向爲高平卽是城也。其水有二原原俱導各出一溪東北流合爲一川名曰天漿溪。又東北逕一故城俗謂之治城。又亦曰治水。又東流注于澳。澳水又東南流右會同水。水出南源下東北流逕白騎塢南塢在原上爲二谿之會。北帶溪隍。三面咀嶮。唯西被築而已。東北流逕安國城西。又東北注澳水。澳水東南逕安

國城東又南逕無辟邑西世謂之無北城亦曰馬
驛城皆非也朝廷以居廢太子謂之河陽庶人也
渙水又南注於河也飛聖曰白鶴山南無北城亦會同
又東至溫縣西北爲濟水又東過其縣北
濟水於溫城西北與故瀆分南逕溫縣故城西周
畿內國司寇蘇忿生之邑也春秋僖公十年秋滅
溫溫子奔衛周襄王以賜晉文公濟水南歷虢公
臺西皇覽曰溫城南有虢公臺基趾尚存濟水南
流注于河郭緣生述征記曰濟河內溫縣注于河
蓋公歷之實證非爲謬說也濟水故瀆於溫城西

北東南出逕溫城北又東逕虢公冢北皇覽曰虢
公冢堆溫縣郭東濟水南大冢是也濟水當王莽
之世川瀆枯竭其後水流逕通津渠勢改尋梁脉
水不與昔同今集四西水更知

堆宋本作在

屈從縣東南流過墳城西又南當鞏縣北南入于河
濟水故瀆東南合奉溝水水上承朱溝於野王城
西東南逕陽鄉城北又東南流逕陽鄉城北又東
南逕李城西秦攻趙邯鄲且降傅舍吏子李同說
平原君勝分家財饗士得敢死者三千人李同與
赴秦軍秦軍退李同歿封其父爲李侯故徐廣曰

河內平臯縣有李城。卽此城也。於城西南爲陂水。淹地百許頃。蕪葭萑葦生焉。號曰李陂。又逕墳城。西屈而東北流。逕其城北。又東逕平臯城南。應劭曰：邢侯自襄國徙此。當齊桓公時，衛人伐邢，邢遷于夷儀。其地屬晉，號曰邢丘。以其在河之臯處，勢平夷，故曰平臯。瓚注：漢書云：春秋狄人伐邢，邢遷夷儀，不至此。今襄國西有夷儀城，去襄國一百餘里。邢，是丘名，非國也。余案春秋宣公六年，赤狄伐晉，圍邢丘。昔晉侯送女於楚，送之邢丘。卽是此處也。非無城之言。竹書紀年曰：梁惠成王三年，鄭

邢是丘名
舊本作平
臯是邢丘

城邢丘。司馬彪後漢郡國志云：縣有邢丘，故邢國。周公子所封矣。漢高帝六年，封碭郡長項伯爲侯國，賜姓劉氏。武帝以爲縣，其水又南注于河也。與河合流。又東過成臯縣北，又東過滎陽縣北，又東至北礫磧南，東出過滎陽北。

釋名曰：濟，濟也。源出河北濟河而南也。晉地道志曰：濟自大伾入河，與河水鬪，南洑爲滎澤。尚書曰：滎波旣豬，孔安國曰：滎波水以成豬，鬪，駟曰滎波。滎澤名也。故呂忱云：滎水在滎陽也。謂是水也。昔大禹塞其淫水，而於滎陽下引河東南以通淮泗。

玉海二十一卷內引水經注云浚儀縣竹書紀年梁惠成王三十一年三月為大溝於北郭以行圃田之水陳留風俗傳曰縣北有浚水象而儀之故曰浚儀續述征記曰汴河到浚儀而分汴東注河南流建寧四年於敖城西北壘石為門以遏渠口謂之石門故世亦謂之石門水門廣十餘丈西去河三里石銘云建寧四年十一月黃場石

郡國志注引西征記云滎陽有廣武城在三皇山上或謂之三皇山上有二城曰東廣武西廣武各在山一頭相去二百餘步

濟水分河東南流。漢明帝之世司空伏恭薦樂浪人王景字仲通好學多藝善能治水。顯宗詔與謁者王昊始作浚儀渠。昊用景法水乃不害。此即景作所修故瀆也。渠流東注浚儀故復謂之浚儀渠也。明帝永平十五年東巡至無鹽帝嘉景功拜河隄謁者。漢靈帝建寧四年於敖城西北壘石為門以遏渠口。謂之石門。故世亦謂之石門水。門廣十餘丈西去河三里石銘云建寧四年十一月黃場石也。而主吏姓名磨滅不可復識。魏太和中又更修之。撤故增新。石字淪落無復在者。水北有石門

亭戴延之所云新築城周城三百步滎陽太守所鎮者也。水南帶三山即皇室山亦謂之為三室山也。

皇室一作三皇

濟水又東逕西廣武城北

郡國志滎陽縣有廣武城城在山上漢所城也。高祖與項羽臨絕澗對語責羽十罪羽射漢祖中脅處也。山下有水北流入濟世謂之柳泉也。

濟水又東逕東廣武城北

楚項城之漢破曹咎羽還廣武為高祖置太公其上曰漢不下吾烹之高祖不聽將害之項伯曰為

天下者不顧家。但益怨耳。羽從之。今名其壇曰項
羽堆。亦城之間有絕澗。斷山謂之廣武澗。項羽叱
婁煩於其上。婁煩精魄喪歸矣。

濟水又東逕敖山北。

詩所謂薄狩于敖者也。其山上有城。卽殷帝仲丁
之所遷也。皇甫謐帝王世紀曰。仲丁自亳徙囂于
河上者也。或曰敖矣。秦置倉於其中。故亦曰敖倉
城也。

濟水又東合榮瀆。

瀆水受河水。有石門。謂之爲榮口石門也。而地形

書作榮波

殊卑。蓋故榮播所道。自此始也。門南際河。有故碑

云。惟陽嘉三年二月丁丑。使河隄謁者王誨疏達

河川。述荒庶土。云大河衝塞。侵齧金隄。以竹籠石

葺葦土而爲遏。壞隄無已。功消億萬。請以濱河郡

徒。疏山采石。壘以爲鄣。功業旣就。徭役用息。未詳

詔書。許誨立功。府鄉規基。經始詔榮加命。遷在沈

州。乃簡朱軻。授使司馬。登令續茂。前緒稱遂。休功

登。以伊洛合注大河。南則緣山。東過大伾。回流北

岸。其勢鬱蒙。濤怒湍急。激疾一有決溢。彌原淹野。

蟻孔之變。害起不測。蓋自姬氏之所常虞。昔崇鮫

述當作遂

玉海引此
無未詳二
字疑行
詔榮當作
遷在疑作
遷在疑作

所不能治。我二宗之所勛勞。於是乃跋涉躬親。經之營之。比率百姓議之于臣。伐石三谷。水匠致治。立激岸側。以捍鴻波。隨時慶賜。說以勸之。川無滯。越水土通演。役未踰年。而功程有畢。斯乃元勳之嘉課。上德之弘表也。昔禹修九道。書錄其功。后稷躬稼。詩列于雅。夫不憚勞謙之勤。夙興厥職。充國惠民。亦得湮沒而不章焉。故遂刊石記功。垂示于後。其辭云云。使河堤謁者山陽東昏司馬登字伯志。代東萊典城王誨字孟堅。河內太守守城向豺字伯尹。丞汝南鄧方字德山。懷令劉丞字季意。河

堤掾匠等造。陳留浚儀邊韶字孝先。頌石銘歲遠。字多淪。缺其所滅。蓋闕如也。滎瀆又東南流注于浦。今無水。次東得宿須水口。水受大河渠側。有扈城水。自亭東南流注于濟水。今無水。宿須在河之北。不在此也。蓋名同耳。自西緣帶山隰。秦漢以來。亦有通否。濟水與河渾濤東注。晉太和中。栢溫北伐。將通之。不果而還。義熙十三年。劉公西征。又命寧朔將軍劉遵考。仍此渠而漕之。始有激湍東注。而終山崩。壅塞。劉公於北十里。更鑿故渠。通之。合則南瀆通津川澗。是導耳。濟水於此。又兼邲目。春

秋宣公十三年晉楚之戰。楚軍于邲。卽是水也。昔
卞京相璠曰在敖北。北十里更楚。楚軍于邲。卽是水也。昔

濟水又東逕滎陽縣北。曹太祖與徐榮戰不利。曹洪授馬於此處也。

濟水又東南礫石溪水注之。東武晉太和中武關北

水出滎陽城西南李澤澤中有水卽古馮池也。地

理志曰滎陽縣馮池在西南是也。東北流歷敖山

南春秋晉楚之戰設伏于敖前。謂是也。逕號亭北

池水又東北逕滎陽縣北斷山東北注于濟。世謂

之礫石澗卽經所謂礫溪矣。經云濟出其南非也。

濟水又東索水注之。

水出京縣西南嵩渚山與東關分水卽古旃水也。

其水東北流器難之水注之。山海經曰小涇之山

器難之水出焉。而北流注于侵。卽此水也。其水北

流逕金亭。又北逕京縣故城西入于梅。然之水。城

故鄭邑也。莊公以居弟段。號京城大叔。祭仲曰京

城過百雉國之害也。城北有壇山。趙世家成侯

二十年魏獻滎陽。因以爲壇臺。其水亂流北

逕小索亭。西京相璠曰京有小索亭。世語以爲本

索氏兄弟居此。故號小索者也。又爲索水。索水又

于侵下一
本有水字

北逕大柵城東晉滎陽民張卓董邁等遭荒鳩聚
流離堡固名爲大柵塢。至太平真君年。潁州刺史
崔白自虎牢移州治此。又東開廣舊城。創制改築
焉。太和十七年遷都洛邑。省州置郡。索水又屈而
西流。與梧桐澗水合。出西南梧桐谷。東北流注于
索斯水。亦時有通塞而不常流也。索水又北屈東
逕大索城南。春秋傳曰鄭子皮勞叔向於索水。卽
此城也。晉地道志所謂京有大索小索亭。漢書京
索之間也。索水又東逕號亭南。應劭曰滎陽故號
之國也。今號亭是也。故馬淵郡。國志曰縣有號亭。俗

謂之平眺城。城內有大家名管叔。家或亦謂之爲
號眺城。非也。蓋號眺字相類。字轉失實也。風俗通
曰俗說高祖與項羽戰於京索。遁於薄中。羽追求
之時。鳩止鳴其上。追之者以爲必無人。遂得脫。及
卽位。異此鳩。故作鳩杖以扶老。案廣志楚鳩一名
嗥。嗥號眺之名。蓋因鳩以起目焉。所未詳也。索水
又東北流。須水古入馬水近出京城東北二里。榆
子溝亦曰柰榆溝也。又亦或謂之爲小索水。東北
流。木蓼溝水注之。水上承京城南淵。世謂之車輪
淵。淵水東北流。謂之木蓼溝。又東北入于須水。須

水又東北流於滎陽城西南北注索索水又東逕
滎陽縣故城南漢王之困滎陽也紀信曰臣詐降
楚王宜間出信乃乘王車出東門稱漢降楚楚軍
稱萬歲震動天地王與數十騎出西門得免楚圍
羽見信大怒遂烹之信冢在城西北三里故蔡伯
喈述征賦曰過漢祖之所隘予紀信於滎陽其城
跨倚岡原居山之陽王莽立爲新隊備周六隊之
制魏正始三年歲在甲子被癸丑詔書割河南郡
鞏縣自闕以東創建滎陽郡并戶二萬五千以南
鄉築滎陽城鄉亭侯李勝字公照爲郡守顧原武典

按會稽記縣東有射的山山有石辟方二丈的如射侯也則此石的即其類也

農校尉政有遺惠民爲立祠於城北五里號曰李
君祠廟前有石蹠蹠上有石的石的銘具存其略
云百族欣戴咸推厥誠今猶祀禱焉索水又東逕
周苛冢北漢祖之出滎陽也令御史大夫周苛守
之項羽拔滎陽獲苛曰吾以公爲上將軍封三萬
戶侯能盡節乎苛瞋目罵羽羽怒烹之索水又東
流北屈西轉北逕滎陽城東而北流注濟水杜預
曰旃然水出滎陽成臯縣東入汴春秋襄公十八
年楚伐鄭石師涉潁次于旃然卽是水也濟渠水
斷汴溝唯承此始故云吸受旃然矣亦謂之鴻溝

濟水伏流自河而出故謂之出河之濟

水蓋因漢楚分王指水為斷故也。郡國志曰：滎陽有鴻溝水，是也。蓋因城地而變名為川流之異。目濟水又東逕滎陽澤北，故滎水所都也。京相璠曰：滎澤在滎陽縣東南，與濟隧合。濟隧上承河水於卷縣北，河南逕卷縣故城東，又南逕衡雍城西。春秋左傳：襄公十一年，諸侯伐鄭，西濟於濟隧。杜預闕其地而名之水也。京相璠曰：鄭地也。言濟水滎澤中北流，至恒雍西，與出河之濟會，南去新鄭百里斯蓋。滎播河濟往復逕通矣。出河之濟，即陰溝之上源也。濟隧絕焉，故世亦或謂其故道為十字。

呂氏春秋云：狄人殺衛懿公，食之遺其肝，弘演使返報命，肝下自剖其腹納懿公之肝。左傳作二年。

溝自于岑造入，激堤於河陰。水脉徑斷，故瀆難尋。又南會于滎澤，然水既斷，民謂其處為滎澤。春秋衛侯及翟人戰於滎澤，而屠懿公。弘演報命，納肝處也。有垂隴城，濟瀆出其北。春秋文公三年，晉士穀盟于垂隴者也。京相璠曰：垂隴，鄭地。今滎陽東二十里有故隴城，即此是也。世謂之都尉城，蓋滎陽典農都尉治，故變垂隴之名矣。澤際又有沙城，城左佩濟瀆。竹書紀年：梁惠成王九年，王會鄭釐侯于巫沙者。瀆際有故城，世謂水城，非也。史記：秦昭王四十二年，魏冉攻魏，走芒卯入北宅，即故宅。

陽城也。竹書紀年曰：惠王十三年，王及鄭釐侯盟于巫沙，以釋宅陽之圍。歸釐于鄭者也。竹書紀年：晉出公六年，濟鄭伐衛，荀瑤城宅陽，俗言水城非矣。濟水自澤東出，卽是始矣。王隱曰：河決爲滎，濟水受焉，故有濟堤矣。爲北濟也。濟水又東南逕釐城東。春秋經書公會鄭伯于時來，左傳所謂釐也。京相璠曰：今滎陽縣東四十里有故釐城也。濟水又合黃水。黃水發源京縣黃淮，止東南流，名祝龍泉。泉勢沸湧，狀若巨鼎湯湯，西南流，謂之龍項口。世謂之京水也。又屈而北，注魚子溝水入焉。水出石

止一作山
宋本作上

魚子溝水
宋本作於
濟魚水

暗澗，東北流，又北與漑漑水合。水出西谿，東流水。上有連理樹，其柞櫟也。南北對生，凌空交合。谿水歷二樹之間，東注注于魚水。魚水又屈而西北，注黃水。黃水又北逕高陽亭，東又北至故市縣，重泉水注之。水出京城西南小陸山，東北流，又北流逕高陽亭，西東北流，注于黃水。又東北逕故市縣，故城南谿。高帝六年，封閻澤，母赤爲侯國，屬縣也。黃水又東北至滎澤，南分爲二水：一水北入滎澤，下爲船塘，俗謂之郟城，陂東西四十里，南北二十里。竹書穆天子傳曰：甲辰，天子浮于滎水，乃奏廣樂。

其字下脫
樹字

小陸宋本
作少陸
故市當作
敬市

按漢書年表高帝六年封閻澤赤爲敬市侯

是也。一水東北流，即黃雀溝矣。穆天子傳曰：壬寅，天子東至于雀梁者也。又東北與靖水、枝津合。二水之會為黃泉，北流注于濟水。

又東過陽武縣北。

濟水又東南流入陽武縣，歷長城東南，流蒗蕩渠出焉。

濟水又東北流，南濟也。逕陽武縣故城南。

王莽更名之曰陽桓矣。又東為白馬淵，淵東二里，南北一百五十步，泉流名為白溝。又東逕房城北。穆天子傳曰：天子里圃田之路，東至于房，疑即斯。

淵東下疑脫西字

城也。郭注云：以為趙郡房子也。余謂穆王里鄭圃而郭以趙之房邑為疆，更為非矣。

濟水又東逕封丘縣南。

又東逕大梁城北，東左逕倉垣城。又東逕小黃縣

東左宋本作東南說濟疑作臨溝

之故城北。縣有黃亭，說濟又謂之曰黃溝。縣故陽武之東黃鄉也。故水以名縣。沛公起兵野戰，喪皇妣于黃鄉。天下平定，乃使使者梓宮招魂幽野。於是丹旒目水濯洗入于梓宮。其浴處有遺髮焉。故

丹旒當作丹蛇

謚曰昭靈夫人。因作寢以寧神也。

濟水又東逕東昏縣故城北。

康留風俗傳云有丹蛇在水自灑濯之入於梓宮

武陽縣之戶牖鄉矣。漢丞相陳平家焉。平少爲社
宰。以善均肉稱。今民祠其社。平有功於高祖。封戶
牖侯。是後置東昏縣也。王莽改曰東明矣。
濟水又東逕濟陽縣故城南。

故武父城也。城在濟水之陽。故以爲名。王莽改之
曰濟前者也。光武生濟陽宮。光明照室。卽其處也。
東觀漢記曰。光武以建平元年生於濟陽縣。是歲
有嘉禾生。一莖九穗。大於凡禾。縣界大熟。因名曰
秀。

又東過封丘縣北。北濟也。

左傳作十年

自滎澤東逕滎陽卷縣之武修亭。南春秋左傳成
公十五年。鄭子然盟于修澤者也。鄭地矣。杜預曰。
卷東有武修亭。

濟水又東逕原武縣故城南。
春秋之原圃也。穆天子傳曰。祭父自圃。鄭來謁天
子。夏庚午。天子飲于滄上。乃遣祭父如圃。鄭是也。
王莽之原相矣。濟瀆又東逕陽武縣故城北。又東
絕長城築也。案竹書紀年。梁惠成王十二年。龍賈
率師築長城于西邊。自亥谷以南。鄭所城矣。竹書
云。是梁惠王十五年築也。郡國志曰。長城自卷逕

陽武到密者是矣。濟瀆又東逕酸棗縣之烏巢澤北。

澤棗宋本
作澤在酸

澤有故亭。晉太康地記曰：澤棗之東南昔曹太祖納許攸之策，破袁紹軍處也。濟瀆又東逕封丘縣。

南燕縣之延鄉也。其在春秋為長丘焉。應劭曰：左

傳宋敗狄于長丘，獲長狄緣斯是也。漢高帝封翟

盱，濮水出焉。濟瀆又東逕大梁城之赤亭北而東

注。

又東過平丘縣南北濟也。

縣故衛地也。春秋魯昭公十三年，諸侯盟于平丘。

是也。縣有臨濟亭，田儋歿處也。又有曲濟亭，皆臨

側。

濟水者，又東過濟陽縣北濟也。

自武父城北，圜稱曰闕駟，曰在縣西北，鄭邑也。東

逕濟陽縣故城北，陳留風俗傳曰：縣故宋地也。竹

書紀年：梁惠成王三十年，城濟陽。漢景帝中元六

年，封梁孝王子明為濟川王。應劭曰：濟川今陳留

濟陽縣是也。

又東過宛，眇縣南，又東過定陶縣南，南濟也。

濟瀆自濟陽縣故城南，東逕戎城北。春秋隱公二

按隋經籍志闕駟撰
十三州志議郎闕駟撰
陳留風俗傳闕駟稱
曰下應有別文

年公會戎于潛杜預曰陳留濟陽縣東南有戎城。是也。

濟水又東北荷水東出焉。

濟水又東北逕宛。宛縣故城南。呂后元年封楚元王子劉執為侯。國王莽之濟平亭也。

濟水又東逕秦相魏冉冢南。

冉秦宣太后弟也。代客卿壽燭為相。封於穰。益封于陶。號曰穰侯。富於王室。范雎說秦。秦王悟其擅權。免相就封。出關輜車千乘。卒于陶。而因葬焉。世謂之安平陵。墓南崩碑尚存。

濟水又東北逕定陶恭王陵南。

漢哀帝父也。帝即位。母丁太后建平二年崩。上曰宜起陵于恭皇之園。送葬定陶。貴震山東。王莽秉政。貶號丁姬。開其槨。戶火出炎四五丈。吏卒以水沃滅。乃得入。燒燔槨中器物。公卿遣子弟及諸生四夷十餘萬人。操持作具。助將作掘平。共王母傅太后墳。及丁姬冢。二旬皆平。莽又周棘其處。以為世戒云。時有羣鷺數千。銜土投于丁姬窀穸中。今其墳冢巍然尚秀。隅阿相承。列郭數周。面開重門。南門內夾道有崩碑二所。世尚謂之丁昭儀墓。又謂

之長隧陵蓋所毀者傳太后陵耳丁姬墳墓事與書違不甚過毀未必一如史說也瀆南魏郡治也世謂之左城亦名之曰葬城蓋恭王之陵寢也

濟水又東北逕定陶縣故城南

側城東注也縣故三驪國也湯追桀伐三驪即此

周武王封弟叔振鐸之邑也故曹國漢宣帝甘露

二年更濟陰為定陶國王莽之濟平也戰國之世

范蠡既雪會稽之耻乃變姓名寓之於陶為朱公

以陶天下之中諸侯四通貨物之所交易也治產

致千金富好行德子孫修業遂致巨萬故言富者

皆曰陶朱公也

又屈從縣東北流南濟也

又東北右合河水水瀆上承濟水於濟陽縣東世

謂之五丈溝又東逕陶丘北地理志曰禹貢定陶

西南有陶丘陶丘亭在南墨子以為釜丘也竹書

紀年魏襄王十九年薛侯來會王于釜丘者也尚

書所謂導河水自陶丘北謂此也河水東北出於

定陶縣北屈左合汜水汜水西分濟瀆東北逕濟

陰郡南爾雅曰濟別為澹呂忱曰水決復入為汜

廣異名也汜水又東合于河瀆昔漢祖既定天下

注也疑作宋本作故曹國也

即帝位於定陶汜水之陽張晏曰汜水在濟陰界取其汜愛弘大而潤下也汜水名於是乎在矣汜水又東北逕定陶縣南又東北右合黃水枝渠渠上承黃溝東北合河而北注濟瀆也

水經第七

水經第八

漢 桑 欽撰

後魏酈道元注

明 吳 瑄校

濟水二

濟水又東至乘氏縣西分為二

春秋左傳僖公二十八年分曹地東傳於濟濟水

自是北東流出巨澤其一水南流其一水從縣東

北流入鉅野澤

南為荷水北為濟瀆

左傳作三十二年

南流上宋本有東字

荷當作荷

史記年表煮棗靖侯赤索隱曰漢表作革朱音棘棘子成之後

逕乘氏縣與濟渠濮溝合北濟自濟陽縣北東北

逕煮棗城南郡國志曰宛胸縣有煮棗城即此也

漢高祖十二年封革朱為侯國

北濟又東北逕宛胸縣故城北

又東北逕呂都縣故城南王莽更名之曰祁都也又

東北逕定陶縣故城北漢景帝以濟水出其北東

注中元六年分梁於定陶置濟陰郡指為濟而定

名也

又東北與濮水

上承濟水於封丘縣即地理志所謂濮渠水首受濟

濮溝當作濮渠

濮水下疑有合字或會字

者也闕駟曰首受別濟即北濟也其故瀆自濟東

北流左迤為高梁陂方三里濮水又東逕匡城北

孔子去衛適陳遇難於匡者也又東北左會別濮

水受河於酸棗縣故杜預云濮水出酸棗縣首受

河竹書紀年曰魏襄王十年十月大霖雨疾風河

水溢酸棗郭漢世塞之故班固云大堙酸棗也今

無水其故瀆東北逕南北二棣城間左傳襄公五

年楚子囊伐陳公會于城棣以救之者也濮渠又

東北逕酸棗縣故城南韓國矣圈稱曰昔天子建

國名都或以姓名或以山林故豫章以樹氏都酸

姓名古本作合名玉海引此亦作合名

棗以棘名邦故曰酸棗也漢官儀曰舊河堤謁者居之城西有韓王望氣臺孫子荆故臺賦叙曰酸棗寺門外夾道左右有兩故臺訪之國老云韓王聽訟觀臺高一十五仞雖樓泯滅然廣基似於山嶽召公大賢猶舍甘棠區區小國而臺觀隆崇驕盈於世以鑒來今故作賦曰葭丘陵之邈迤亞五嶽之嵯峨言壯觀也城北韓之市地也聶政爲濮陽嚴仲子刺韓相俠累遂披面而死其姊哭之於此城內後有漢酸棗令劉孟陽碑濮水北稱成陂陂方五里號曰同池陂又東逕胙亭東注故胙國

雖樓下當有榭字

秦策作虛桃

也富辰所謂邢茅胙祭周公之胤也濮渠又東北逕燕城內故南燕姑姓之國也有北燕故以南氏縣東爲陽清湖陂南北五里東西三十里亦曰燕城湖逕桃城南卽戰國策所謂酸棗桃虛也漢高帝十二年封劉襄爲侯國而東注于濮俗謂之朝平溝濮渠又東北又與酸水故瀆會酸瀆首受河於酸棗縣東逕酸棗城北延津南謂之酸水竹書紀年曰秦蘇胡率師伐鄭韓襄敗秦蘇胡于酸水者也酸瀆水又東北逕燕城北又東逕滑臺城南又東南逕瓦亭南春秋定公八年公會晉師於瓦魯

桃虛古本作虛桃

尚執羔。自是會始也。又東南會于濮。世謂之百尺。灑濮渠之側有漆城。竹書紀年。梁惠成王十六年。邯鄲伐衛。取漆。富兵城之者也。或亦謂之濮苑亭。春秋甯武子與衛人盟于苑濮。杜預曰。長垣而南。近濮水也。京相璠曰。衛地也。似非關苑而不知其所。竹書紀年。梁惠成王五年。公子景賈率師伐鄭。韓明戰于陽。我師敗。逋澤北壇陵亭。亦或謂之大陵城。非所究也。又有桂城。竹書紀年。梁惠成王十七年。齊田期伐我東鄙。戰于桂陽。我師敗。逋亦曰桂陵。案史記。齊威王使田忌擊魏。敗之桂陵。齊於

于陽一作韓

是疆。自稱爲王。以令天下。濮渠又東逕蒲城北。故衛之蒲邑。孔子將之衛。子路出於蒲者。也。韓子曰。魯以仲夏起長溝。子路爲蒲宰。以私粟饋衆。孔子使子貢毀其噐焉。余案家語言。仲由爲蒲宰。脩溝瀆。與之簞食瓢飲。夫子令賜止之。無魯字。又入其境。三稱其善。身爲大夫。終死衛難。濮渠又東逕韋城南。卽白馬縣之韋鄉也。史遷記曰。夏伯豕韋之故國矣。城西出而不方。城中有六大井。皆隧道下。俗謂之江井也。有馳道。自城屬于長垣。濮渠東絕。東馳道。逕長垣縣故城北。衛地也。故首垣矣。秦更

後漢書云吳祐字季英年二十喪父居無擔石常牧豕長垣澤中後舉孝廉官河間相

左傳云延陵季子去鄭適衛說蘧伯玉史狗史繡公子荆公子發公子朝曰衛多君子未有患也此云觀典府賓亭父疇未詳

從今名王莽改為長固縣陳留風俗傳曰縣有防垣故縣氏之孝安帝以建光元年封元舅來俊為侯國縣有祭城濮渠逕其北鄭大夫祭仲之邑也杜預曰陳留長垣縣東北有祭城者也圈稱又言長垣縣有羅亭故長羅縣也漢封後將軍常惠為侯國地理志曰王莽更長羅為惠澤後漢省并長垣有長羅澤即吳季英牧猪處也又有長羅置蘧伯玉置陳留風俗傳曰長垣縣有蘧伯鄉一名新鄉有蘧亭伯玉祠伯玉冢曹大家東征賦曰到長垣之境界兮察農野之居民覩蒲城之丘墟兮生

來俊一作宋俊

荆棘之藜藜蘧氏在城之東南兮民亦饗其丘墳唯令德之不朽兮身既沒而名存昔吳季札聘上國至衛觀典府賓亭父疇以衛多君子也濮渠又東分為二瀆北濮出焉濮渠又東逕須城北衛詩云思須與曹也毛云須衛邑矣鄭云自衛而東逕邑故思濮渠又北逕襄丘亭南竹書紀年曰襄王七年韓明率師伐襄丘十年楚庶章率師來會我次于襄丘者也濮水東逕濮陽縣故城南昔師延為紂作靡靡之樂武王伐紂師延東走自投濮水而死矣後衛靈公將之晉而設舍於濮水之上夜

聞新聲召師消受之。於是水也。濮水又東逕沛陰
離狐縣故城南。王莽之所謂瑞狐也。郡國志曰：故
屬東郡。濮水又東逕葭密縣故城北。竹書紀年：幽
王十三年，魯季孫會晉文公於楚丘，卽葭密。遂城
之。濮水又東北逕鹿城南。郡國志曰：濟陰乘氏縣
有鹿乘鄉。春秋僖公二十一年盟于鹿上。京杜並
謂此亭也。濮水又東與句瀆首受濮水。枝渠於句
陽縣東南。逕句陽縣故城南。春秋之穀丘也。左傳
以爲句瀆之丘矣。縣處其陽，故縣氏焉。又東入乘
氏縣。左會濮水與濟同入鉅野。故地理志曰：濮水

瑞狐一作
孤瑞

幽王舊本
作幽公
宋本無十
字
文公一作
幽公

自濮陽南入鉅野，亦經所謂濟水。自乘氏縣兩分
東北入於鉅野也。

濟水故瀆又北，右合洪水。

上承鉅野，薛訓渚，歷澤西北，渚又北，逕闕鄉城西。
春秋栢公十有一年，經書公會宋公于闕。郡國志
曰：東平陸有闕亭，皇覽曰：蚩尤冢在東郡壽張縣
闕鄉城中，冢高七尺，常十月祠之，有赤氣出如絳。
民名爲蚩尤旗。十三州志曰：壽張有蚩尤祠，又北
濟瀆合，自渚迄于北口，一百二十里，名曰洪水。栢
温以太和四年，率衆北入，掘渠通濟。至義熙十三

年劉武帝西入長安。又廣其功。自洪口已上。又謂之相公。濟濟自是北注也。春秋莊公十八年。經書夏公追戎於濟。西京相璠曰。濟水自鉅野至濟北是也。然中冓高士入常。十尺師之。有未出。或終之。春。林公十。亦一。手。登。善。公。會。宋。公。于。國。國。志。

又東北過壽張縣西界安民亭。南汶水從東北來注之。濟水又北汶水注之。戴延之所謂清口也。郭緣生齊述征記曰。清河首受洪水北流。濟或謂清則濟也。禹貢濟東北會于汶。今枯渠注巨澤。巨澤北則清水。清水與汶會也。李欽曰。汶水出太山萊蕪縣西。

南入濟是也。濟水又北逕梁山。東袁宏北征賦曰。背梁山截汶波。即此處也。劉澄之引是山以證梁父為不近情矣。山之西南有呂仲悌墓。河東岸有石橋。橋本當河。河移故側岸也。古老言此橋東海呂母起兵所造也。山北三里有呂母宅。宅東三里即濟水。公二十八年。平。魯。魯。公。孫。伯。齊。曰。公。羊。

濟水又北逕須胸城西。

城臨側濟水。故須國風姓也。春秋僖公二十一年。子魚曰。任宿須胸顓臾風姓也。實司太皞與有濟之祀。杜預曰。須胸在須昌縣西北。非也。地理志曰。

東觀漢記海曲呂母之子為縣令所殺。母破產結諸少年得數百人入海。自稱將軍。遂破海曲執縣宰斬之。以其首祭子冢。

按任宿須胸非等語。非子魚之言。子魚曰三字宜刪。

經 卷之八

非也... 謝... 謝...

壽張縣西北有胸城者是也。濟水西有安民亭亭，北對安民山。東臨濟水，水東即無鹽縣界也。山西有冀州刺史王紼碑。漢中平四年立。公二十一年，濟水又逕微鄉東。

春秋莊公二十八年，經書冬築郿。京相璠曰：公羊傳謂之微，在東平壽張縣西北三十里，有故微鄉。魯邑也。杜預曰：有微子冢。濟水又北，分為二水，其枝津西北出，馬謂之馬頰水者也。

又北過須昌縣西。京相璠曰：須胸一國，二城兩名。蓋遷都須昌，胸是

公羊作須胸左傳作須句

其本。秦以為縣。漢高帝十一年，封趙衍為侯國。濟水於縣趙溝水注之。

濟水又北逕漁山，東左合馬頰水。

漁山當作魚山

水首受濟，西北流歷安民山北，又西流趙溝出焉。東北注于濟，馬頰水又逕桃城。東春秋桓公十年，經書公會衛侯于桃丘，衛地也。杜預曰：濟北東阿縣東南有桃，即桃丘矣。馬頰水又東北流逕山南，山即吾山也。漢武帝瓠子歌所謂吾山平者也。山上有柳舒城，魏東阿王曹子建每登之，有終焉之志。及其終也，葬山西，西去東阿水四十里。其水又

山西下宋本無四字

東注于清濟謂之馬頰口也。泗水四十里其水又濟水自魚山北逕清亭東。曹子真對魯之南。魯之

春秋隱公四年公及宋公遇于清者也。京相璠曰

今濟北東阿東北四十里有故清亭即春秋所謂

清者也是濟水通得清之目焉亦水色清深用兼

厥稱矣是故燕王曰吾聞齊有清濟濟河以為固

即此水也。西北流經文冠山北又西流經黃山出

又北過穀城縣西。東去合馬水

濟水側岸有尹卯壘南去漁山四十餘里是穀城

縣界故春秋之小穀城也齊桓公以魯莊公二十

三年城之邑管仲焉。城內有夷吾井。魏土地記曰

縣有穀城山山出文石。陽穀之地春秋齊侯宋公

會于陽穀者也。穀有黃山臺黃石公與張子房期

處也。又有狼水出東南大檻山狼溪西狼溪西北

逕穀城西又北有西流泉出城東近山西北逕穀

城北西注狼水以其流西故即名焉。又西北入清

水城西北三里有項王羽之冢半許毀壞石碣尚

存題云項王之墓。皇覽云冢去縣十五里謬也。今

齊彭城穀陽城西南又有項羽冢非也。余按史遷記

魯為楚守。漢王示羽首。魯乃降。遂以魯公禮葬羽

按左傳文公十一年晉之滅潞也獲僑如之弟焚如齊襄之二年鄭瞞伐齊齊王子城父獲其弟榮如狸其首於周首之北門

左傳作三年憤作憤

於穀城寧得言彼也

濟水又北逕周首亭西

春秋文公十有二年左丘明云襄公二年王子成

父獲長狄僑如弟榮如埋其首於周首之北門即

是邑也今世謂之盧子城濟北郡治也京相璠曰

今濟北所治盧子城故齊周首邑也

又北過臨邑縣東

地理志曰縣有濟水祠也王莽之穀城亭也水有

石門以石為之故濟水之門也春秋隱公五年齊

鄭會于石門鄭車憤濟即於此也京相璠曰石門

齊地今濟北盧縣故城西南六十里有故石門去

水三百步蓋水瀆流移故側岸也

濟水又北逕平陰城西

春秋襄公十八年晉侯沈玉濟河會于魯濟尋渚

渠之盟同伐齊齊侯禦諸平陰者也杜預曰城在

盧縣故城東北非也京相璠曰平陰齊地也在濟

北盧縣故城西南十里平陰城南有長城東至海

西至濟河道所由名防門去平陰三里齊侯塹防

門即此也其水引濟故瀆尚存今防門北有光里

齊人言廣音與光同即春秋所謂守之廣里者也

又云巫山在平陰東北昔齊侯登望晉軍畏衆而歸師曠邢伯聞烏鳥之聲知齊師潛遯人物咸淪地理昭著賢於杜氏東北之證矣今巫山之上石室世謂之孝子堂濟水右迤過爲湄湖方四十餘里

濟水又東北至垣苗城西故洛當城也伏鞞北征記曰濟水又與清河合流至洛當者也宋武帝西征長安令栢遵鎮此故俗人有垣苗之稱河水自泗瀆口東北流而爲蒲魏土地記曰盟津河別流十里與清水合亂流而東

按爾雅疏亭巡曰水中有草木交會曰湄

又東北過盧縣北

逕洛當城北黑白異流涇渭殊別而東南流注也

濟水東北與湄溝合水上承湄湖北流注濟爾雅曰水草交曰湄通谷者微犍爲舍人曰水草木交合也郭景純曰微水邊通谷也釋名曰湄眉也臨水如眉臨目也

濟水又逕盧縣故城北

濟北郡治也漢和帝永元二年分泰山置蓋以濟水在北故也濟水又逕什城北城際水湄故邸閣也祝阿人孫什將家居之以避時難因謂之什城

濟水又東北與中川水合。

水東南出山在縣之分水縣溪一作汶源兩分。泉流半

解亦謂之分流交。半水南出太山入汶。半水出山

在縣西北流逕東太原郡南郡治山爐固北與漢

賓谷水合。水出南格馬山漢賓溪北逕盧縣故城

北陳敦戍南西北流與中川合。謂之格馬口。其水

又北逕盧縣故城東而北流入濟。俗謂之為沙溝

入水

濟水又東北右會玉水。

導源太山朗公谷。谷舊名琨瑞溪。有沙門竺僧朗

少事佛圖澄。碩學淵通。尤明氣緯。隱于此谷。因謂

之朗公谷。故車頻秦書云。苻堅時沙門竺僧朗嘗

從隱士張巨和遊。巨和常穴居。而朗居琨瑞山。大

起殿舍。連樓壘閣。雖素飾不同。並以靜外致稱。即

此谷也。水亦謂之琨瑞水也。其水西北流逕玉符

山。又曰玉水。又西北逕獵山東。又西北枕祝阿縣

故城東野井亭。西春秋昭公二十五年。經書齊侯

唁公于野井。是也。春秋襄公十九年。諸侯盟于祝

阿。左傳所謂督陽者也。漢興改之曰阿矣。漢高帝

春秋作祝柯

縣溪宋本作嶺溪

十一年封高邑為侯國王莽之安成者也故俗謂是水為祝阿澗水北流注于濟建武五年耿弇東擊張步從朝陽橋濟渡兵即是處也

濟水又東北灤水出焉

灤水出歷縣故城西南泉源上舊水涌若輪春秋

相公十八年公會齊侯于灤是也俗謂之為娥姜

水也以泉源有舜妃娥英廟故也城南對山山上

有舜祠山下有大穴謂之舜井抑亦茅山禹井之

比矣書舜耕歷山亦云在此所未詳也其水北為

大明湖西即大明寺寺東北兩面側湖此水便成

舊水疑作奮水一本無此二字姜一作英

淨池也池上有客亭左右楸桐負日俯仰目對魚

鳥極水木明瑟可謂豪梁之性物我無違矣湖水

引瀆東入西郭東至歷城西而側城北注湖水上

承東城歷祀下泉源競發其水北流逕歷城東又

北引水為流柘池州僚賓燕公私多萃其上分為

二水右水北出左水西逕歷城北西北為陂謂之

歷水與灤水會自水枝津合水首受歷水於歷城

東東北逕東城西而北出郭又北注灤水又北聽

水出焉灤水又北流注于濟謂之灤口也

濟水又東北華不注山

極字下疑脫望字

祀下疑作祠下

東北下當有逕字

齊單椒秀澤不連陵以自高虎牙桀立孤峰特拔以
刺天青崖翠發望同點黛山下有華泉故京相璠
曰春秋土地名也華泉華不注山下泉水也春秋
左傳成公二年齊頃公與晉卻克戰于鞏齊師敗
績逐之三周華不注逢丑父與公易位將及華泉
驂絙於木而止丑父使公下如華泉取飲齊侯以
免韓厥獻丑父卻子將戮之呼曰自今無有伐其
君任患者有一於此將為戮矣卻子曰人不難以
歿免其君我戮之不祥赦之以勸事君者乃免之
卽華水也北絕聽瀆二十里注于濟

又東北過臺縣北

巨合水南出雞山西北北逕巨合故城西耿弇之
討張步也守巨里卽此城也三面有城西有溪坑
坑西卽弇所營也與費邑戰斬邑於此巨合水又
北合關盧水關盧水導源馬耳山北逕博亭城西
西北流至平陸城與武原水合水出譚城南平澤
中世謂之武原泉北逕譚城東俗謂之有城也又
北逕東平陵縣故城西故陵城也後乃加平譚國
也齊桓之出過譚譚不禮焉魯莊公九年卽位又
不朝十年滅之城東門外有樂安任照先碑濟南

治也漢文帝十六年置為王國景帝二年為郡王
莽更名樂安郡其水又北逕巨合城東漢武帝以
封城陽頃王子劉發于為侯國其水合關盧水而
出注巨合水西北逕臺縣故城南漢高帝六年封
東郡尉戴野為侯國王莽之臺治也其水西北流
白野泉水注之水出臺城西南白野泉北逕留山西
北留而右注巨合水又北聽水注之水上承灤水
東流北屈又東北流注于巨合水亂流又北入于
濟合水南出嶽山西北入澠口合於澠水西入會之
濟水又東北合芹溝水

水出臺縣故城東南西北流逕臺城東又西北入
于濟水水出西南南甲山東北受南山西
又東北過管縣南水又南入西入

濟水東逕縣故城南漢景帝二年封齊悼惠王子
罷軍為侯國右納百脉水百脉水出土穀縣故城
西水源方百步百泉俱出故謂之百脉水其水西
又北流逕楊丘縣故城中漢孝景帝四年以封齊悼
惠王子劉安為楊丘侯世謂之章丘城非也城南
有女郎山山上有神祠俗謂之女郎祠左右民祀
焉其水西北出城北逕黃中固蓋賊所屯故固得

按漢表管共侯罷軍
經文管字當作管師
古注曰罷音皮波反

名焉。百脉水又東北流注于濟。濟水東又有楊渚。溝水逕於陵故城西南。西北逕土鼓城東。又西北逕漳丘城東。又北逕甯西而北流注于濟水也。又東過梁鄒縣北。隴水南出長城中。北流至般陽縣故城西南。與般水會。水出縣東南龍山。俗亦謂之爲左阜水。西北逕其城南。王莽之濟南亭也。應劭曰。縣在般水之陽。縣資名焉。其水又南屈西入隴水。北逕其縣西北。流至萌水口。萌水出西南。甲山東北逕萌山西。東北入于隴。隴水又西北至梁鄒東南。與魚子溝

隴水疑作隴水

水合。水南出長白山東。抑泉口。山即陳仲子夫妻之所隱也。孟子曰。仲子齊國之世家。兄戴祿萬鍾。仲子非而不食。避兄離母。家于於陵。即此處也。其水又逕於陵縣故城西。王莽之於陸也。世祖建武十五年。更封則鄉侯。侯霸爲侯國。其水北流注于隴水。隴水即古表水也。故京相璠曰。濟南梁鄒縣有表水者也。隴水又西北逕梁鄒縣故城南。又北屈逕其城西。漢高祖六年。封武虎爲侯國。其水北注。濟其城之東北。又有時水。西北注焉。又東北過臨濟縣南。

史記作武虎漢書作武虎

漢志注如淳曰被
一作疲音罷軍之
罷
按史記劉燕封披
陽侯索隱曰披音
皮劉氏音皮彼反

溼沃縣名屬千乘
郡

縣故狄邑也王莽更名利居漢記安帝永初二年
改從今名以臨濟故地理風俗記云有樂安太守
治晏謨齊記曰有南北二城隔濟南水城即被陽
縣之故城也北枕濟水地理志曰侯國也如淳曰
音減罷軍之罷也史記建元以來王子侯者年表
曰漢武帝元朔四年封齊孝王子敬侯劉燕之國
也今勃海僑郡治

濟水又東北迤為淵渚謂之平州

溼沃側有平安縣故城俗謂之會城非也案地理
志千乘郡有平安縣侯國也王莽曰鴻睦也應劭

曰博昌縣西南三十里有安平亭故縣也世尚存
平州之名矣濟水又東北逕高昌縣故城西案地
理志曰千乘郡有高昌縣漢宣帝地節四年封董
忠為侯國世謂之馬昌城此也
濟水又東北逕樂安縣故城南

伏琛齊記曰博昌城西北五十里有南北二城相
去三十里隔時濟二水指此為博昌北城非也樂
安與博昌薄姑分水俱同西北薄姑去齊城六十
里樂安越水差遠驗非充明班固曰千乘郡有樂
安縣應劭曰取休令之名矣漢武帝元朔五年封

南水一作
水南

減字疑衍

此也舊本
作北也疑
作非也

李蔡為侯國城西三里有任光等冢光是縣人不得為博昌明矣濟水又經薄姑城北後漢郡國志曰博昌縣有薄姑城地理書曰呂尚封於齊郡薄姑薄姑故城在臨菑縣西北五十里近濟水史遷曰胡公徙薄姑城內有高臺春秋昭公二十二年齊景公飲于臺上曰古而不死何樂如之晏平仲對曰昔爽鳩氏始居之季荝因之有逢伯陵因之薄姑氏又因之而後太公又因之臣以為古若不死爽鳩氏之樂非君之樂即於是臺也濟水又東北逕狼牙固西而東北流也

又東北過利縣西

地理志曰齊郡有利縣王莽之利治也晏謨曰縣在濟城北五十里

又東北過甲下邑入于河

濟水東北至甲下邑南東歷琅槐縣故城北地理風俗記曰博昌東北八十里有琅槐鄉故縣也山海經曰濟水絕鉅野注勃海入濟琅槐東北者也又東北河水枝津注之水經以為入河非也斯乃

河水注濟非濟入河

又東北入海

郭景純曰濟自滎陽至樂安博昌入海今河竭濟水仍流不絕經言入河二說並失然河水於濟潔之北別流注海今所輟流者惟潔水耳郭或以為濟注之事實非也尋經脉水不如山經之為密矣其一水東流者過乘氏縣南

河水分濟於定陶東北東南右合黃汲枝流俗謂之界溝也北逕元氏縣故城西又北逕景山東衛詩所謂景山與京者也毛公曰景山大山也又北逕楚丘城西郡國志曰成武縣有楚丘亭杜預云楚丘在成武縣西南衛懿公為狄所滅衛文公東

黃汲疑作黃溝

徙渡河野處漕邑齊桓公城楚丘以遷之故春秋稱邢遷如歸衛國志云即詩所謂升彼墟矣以望楚矣望楚與堂景山與京故鄭玄言觀其傍邑及山川也又東北逕成武城西又東北逕郟城東疑郟徙也所未詳矣又東北逕梁山城西地理志曰昌邑縣有梁丘鄉春秋莊公三十二年宋人齊人會于梁丘者也杜預曰高平昌邑縣西南有梁丘鄉又東北於乘氏縣西而北注河水河水又東南逕乘氏縣故城南縣即春秋之乘丘也故地理志風俗記曰濟陰乘氏縣故宋乘丘邑也漢孝景中

志云當作志亡

元五年封梁孝王子買爲侯國也地理志曰乘氏縣泗水東南至睢陵入淮郡國志曰乘氏有泗水此乃河濟也尚書有導河濟之說自陶丘北東至於菏水無泗水之文又曰道菏澤被孟豬孟豬在睢陽縣之東北闕駟十三洲記曰不言入而言被者明不常入也水盛方乃覆被矣澤水森漫俱鍾睢泗故誌有睢陵入淮之言以通苞泗名矣然諸水注泗者多不止此可以終歸泗水便得擅通稱也或更有泗水亦可是水之兼其目所未詳也又東過昌邑縣北

河水又東逕昌邑縣故城北地理志曰縣故梁也漢景帝中元六年分梁爲山陽國漢武帝天漢四年更爲昌邑國以封昌邑王賀賀廢國除以爲山陽郡王莽之鉅野郡也後更爲高平郡後漢沅州縣令王密懷金謁東萊太守楊震震不受是其慎四知處也大城東北有金城城內有沅州刺史河東薛棠像碑以郎中拜鄉令甘露降園熹平四年遷州明年甘露復降殿前樹從事馮巡主簿華操等相與褒樹表勒棠政次西有沅州刺史茂陽楊叔恭碑從事孫光等以建寧四年立西北有東太

山成人班孟堅碑建和十年尚書右丞拜沈州刺史從事秦闔等刊石頌德政碑咸列焉

又東過金鄉縣南

郡國志曰山陽有金鄉縣河水逕其故城南世謂之故縣城北有金鄉山也

又東過東緡縣北濟水又東逕漢平狄將軍扶溝侯淮陽米鮪冢

墓北有石廟濟水又東逕東緡縣故城北故宋地春秋僖公二十三年齊侯伐宋圍緡十三州記曰山陽有東緡縣鄒衍曰余登緡城以望宋都者也

後漢世祖建武十一年封馮異長子璋為侯國也

又東過方與縣北為河水濟水東逕重鄉城南

左傳所謂臧文仲宿於重館者也河水又東逕武

棠亭北公羊以為濟上邑也城有高臺二丈許其

下臨水昔魯侯觀魚於棠謂此也在方與縣故城

北十里經所謂河水也水又東逕泥母亭北春秋

左傳僖公七年秋盟于甯母謀伐鄭也河水又東

與鉅野黃水合濟濟別名也黃水上承鉅澤諸陂

澤有濛澱育陂黃湖水東流謂之黃水又有薛訓

渚水自渚歷薛村前分為二流一水東注黃水一

闕當作闔

泥母疑作甯母

育陂一作昔陂

按郡國志山陽郡有高平縣

史記注引皇覽闕家作闕家

水西北入澤即洪水也黃水東南流水南有漢荆
州刺史李剛墓剛字叔毅山陽高車人熹平元年
卒見其碑有石闕祠堂石室三間椽架高丈餘鏤
石作椽瓦屋施平天造方井側荷梁柱四壁隱起
雕刻為君臣官屬龜龍鳳之文飛禽走獸之像作
制工麗不甚傷毀黃水又東逕鉅野縣北何承夫
曰鉅野湖澤廣大南通洙泗北連清濟舊縣故城
正在澤中故欲置戍於此城之所在則鉅野澤
也衍東北出為大野矣昔西狩獲麟於是處也皇
覽曰山陽鉅野縣有肩髀冢重聚大小與闕冢等

高車當作高平

傳言蚩尤與黃帝戰剋之於涿鹿之野身體異處
故別葬焉黃水又東逕咸亭北春秋桓公七年經
書焚咸丘者也水南有金鄉縣之東界也金鄉數
山皆空中穴口謂之隧也戴延之西征記曰焦氏
山北數山有漢司隸校尉魯恭穿山得白蛇白兔
不葬更葬山南鑿而得金故曰金鄉山山形峻峭
冢前有石祠石廟四壁皆青石隱起自書契以來
忠臣孝子貞婦孔子及弟子七十二人形像像邊
皆刻石記之文字分明又有石牀長八尺磨瑩鮮
明叩之聲聞遠近時太尉從事中郎傅珍之諮議

參軍周安穆折敗石牀各取去。為魯氏之後所訟。二人並免官。焦氏山東即金鄉山也。有冢謂之秦王陵。山上二百步得冢口。塹深十丈。兩壁峻峭。廣二丈。入行七十步得堦門。門外左右皆有空。可容五六十人。謂之白馬空。堦門內二丈得外堂。外堂之後。又得內堂。觀者皆執燭而行。雖無他雕鏤。然治石甚精。或云是漢昌邑哀王家。所未詳也。東南有范巨卿冢。石柱猶存。巨卿名式。山陽之金鄉人。漢荊州刺史。與汝南張劭。長沙陳平子石交。號為死友矣。黃水又東南。逕任城郡之亢父縣故城西。

後漢郡國志亢父縣有都亭

按史記索隱曰胡陸縣屬山陽章帝改曰胡陸

夏后氏之任國也。漢章帝元和元年。別為任城。在北。王莽之延就亭也。縣有詩亭。春秋之詩國也。王莽更之曰順父矣。地理志東平屬縣也。世祖建武二年。封劉隆為侯國。其中謂之桓公溝。南至方與縣。入于荷水。荷水又東。逕秦梁。夾岸積石。一旦高二丈。言秦始皇東巡所造。因以名焉。又去縣水南。荷水又東。過湖陸縣南。東入於泗水。又去縣水南。

一曰一作里

澤水所鍾也。尚書曰。浮于淮。泗達于河。是也。東觀漢記曰。蘇茂殺淮陽太守。得其郡營。廣樂大司馬吳漢圍茂。茂將其精兵突至湖陸。與劉永相會。濟

陰山陽濟兵於此處也。突至賊劉興傑亦昧會齊

又東南過沛縣東北。劉大守將其營黃樂大石

濟與泗亂故沛納于稱矣。東觀漢記安平侯蓋延

傳曰延為虎牙大將軍與戰水軍反走溺水者半

後與戰連破之遂平沛。楚臨淮悉降。延令沛修高

祖廟置嗇夫祝宰樂人。因齋戒祠高廟也。一曰高

又東南過留縣北。劉國其中隄之故公黨南至水與

留縣故城翼佩泗濟宋邑也。春秋左傳所謂侵宋

呂留也。故繁休伯避地賦曰朝余發乎泗洲夕余

宿于留鄉者也。張良委身漢祖始自此矣。終亦取

封焉。城內有張良廟也。王莽時封於此。後二十六

又東過彭城縣北。睢水從西來注之。天以野夫家

濟水又南逕彭城縣之故城東北隅。不東過也。睢

水自西注之。城北枕水湄。水自西注之。城北枕水湄。

濟水又南逕彭城縣故城東。更難不尋而于皆

不逕其縣北也。蓋經誤證。水之流如良生

又東南過徐縣北。水之流如良生

地理志曰臨淮郡漢武帝元狩五年置治徐縣王

莽更之曰淮平縣曰徐調國也。春秋昭公三十年

吳子執鍾吾子。遂伐徐。防山以水之。遂滅徐。徐子

故城上本有之字

水軍一作永等即劉水也

奔楚。楚救徐弗及。遂城夷以處之。張華博物志錄
著作令史茅溫所為。送劉成國徐州地理志曰。徐
偃王之異言。徐君宮人娠而生兒。以為不祥。棄之
於水濱。孤獨母有犬。名曰鵠。倉獵於水側。得棄兒。
銜以來歸。獨母以為異。覆煖之。遂成兒。生時偃。故
以為名。徐君宮中聞之。乃更錄取。長而仁智。襲君
徐國。後鵠倉臨死。生角而九尾。實黃龍也。偃王昔
之徐中。今見有狗壟焉。偃王治國仁義著聞。欲舟
行上國。乃導溝陳蔡之間。得朱弓矢。以得天瑞。遂
因名為號。自稱徐偃王。江淮諸侯服從者三十六

昔之當作
葬之

按博物志云偃王葬
之徐梁界內

國。周王聞之。遣使至楚。令伐之。偃王愛民不闕。遂
為楚敗。北走彭城武原縣東山下。百姓隨者萬數。
因名其山為徐山。山上立石室。廟有神靈。民人請
禱焉。依文即事。似有符驗。但世代綿遠。難以詳矣。
今徐城外有徐君墓。昔延陵季子解劍於此。所謂
不違心許也。

又東至下邳。睢陵縣南入于淮。

濟水與泗水澤。洶東南流。至角城。同入淮。經書睢
陵誤耳。

澤洶宋本
作澤洶

水經

齊水與泗水異而東南流至魚台何人武經書

又東至平不縣則泗水入于泗水

不縣山精也

今余姓本在谷梁縣音或對季平

泗水外支唯事以水於鍾山此水

因各其山為斜山山立不室風有

為其山北支道流為魚梁東山下

水經第八

水經第九

周各之為南河又曰晉成書南河今南河

漢桑欽撰

後魏酈道元注

明吳瑄校

淇水

沁水

淇水

淇水

淇水

淇水

地宋本作北一作境御覽引此西南屈作屈曲左右下疑脫石字

交隍中散水霧合視不見底南峯北嶺多結禪栖之士東巖西谷又是剎靈之圖竹栢之懷與神心妙遠仁智之性共山水効深更為勝處也其水歷澗流飛清洞觀謂之清水矣谿曰瑤谿又曰瑤澗水又南與小瑤水合水近出西谿北窮谿東南流注之清水清水又東南流吳澤陂水注之水上承吳陂於修武縣故城西北修武故甯也亦曰南陽矣馬季長曰晉地自朝歌以北至中山為東陽朝歌以南至軹為南陽故應劭地理風俗記云河內殷國也周名之為南陽又曰晉始啓南陽今南陽

御覽引此作清冷洞觀

城是也秦始皇改曰修武徐廣王隱並言始皇改瓚注漢書云案韓非書秦昭王越長平西伐修武時秦未兼天下修武之名久矣余案韓詩外傳言武王伐紂勒兵於甯更名甯曰修武矣魏獻子田大陸還卒於甯是也漢高帝八年封都尉魏邀為侯國亦曰大修武有小故稱大小修武在東漢祖與滕公濟自玉門津而宿小修武者也大陸即吳澤矣魏土地記曰修武城西北二十里有吳澤水陂南北二十許里東西三十里西則蔡溝入焉水有二源北水上承河內野王縣東北界溝為長明

魏志張陽作張揚睢
固作睢圃

溝分枝津東逕雍城南寒泉水注之水出雍城西
北泉流南注逕雍城西春秋僖公二十四年王將
以狄伐鄭富辰諫曰雍文之昭也京相璠曰今河
內出山陽西有故雍城又東南注長明溝溝水又
東逕射犬城北漢大司馬張陽為將楊醜所害睢
固殺醜屯此欲北合袁紹典略曰睢固字白菟或
戒固曰將軍字菟而此邑名犬菟見犬其勢必驚
宜急去菟不從漢興平四年魏太祖斬之於此以
魏种為河內太守守之兖州叛太祖曰唯种不棄
孤及走太祖怒曰种不南走越北走胡不置汝也

置汝一作
汝置

魏志作唯其才也

漢志河內郡有州縣

射犬平禽之公曰難其才也釋而用之故長明溝
水東入石澗東流蔡溝水入焉水上承州縣北白
馬溝東分為之蔡溝東會長明溝水又東逕修武
縣之具亭北東入吳陂又次北有苟泉水入焉水
出山陽縣故修武城西南同源分派裂為二水南
為苟泉北則吳瀆二瀆雙導俱東入陂山陽縣東
北二十五里有陸真阜南有皇母馬鳴二泉東南
合注于吳陂也次陸真阜之東北得覆釜堆堆南
有三泉相去四五里參差合次南注于陂泉在濁
鹿城西建安二十五年魏封漢獻帝為山陽公濁

具亭宋本
作吳亭

鹿城卽是公所居也。陂水之北陂澤側有隤地也。春秋隱公十一年王以攢茅積十二邑與司寇蘇忿生者也。京相璠曰河內修武縣北有故隤城實中。今世俗謂之皮壇方四百步實中高八丈際陂北隔水一十五里俗所謂蘭丘也方二百步西一十里又有一丘際陂世謂之勑丘方五百步形狀相類疑卽古攢茅也。杜預曰二邑在修武縣北所未詳也。又東長泉水注之源出白鹿山東南伏流逕一十三里重源濬發於鄧城西北東南伏流世亦謂之重泉水也。又逕七賢祠東左右筠篁列植

隤地疑作隤城

皮壇宋本作皮壇

際陂宋本作際山

冬夏不變貞萋。魏步兵校尉陳留阮籍中散大夫譙國嵇康晉司徒河內山濤司徒琅邪王戎黃門郎河內向秀建威參軍沛國劉伶始平太守阮咸等同居山陽結自得之遊時人號之爲竹林七賢也。向子期所謂山陽舊居也。後人立廟於其處。廟南又有一泉東南流注于長泉水郭緣生述征記所云白鹿山東南二十五里有嵇公故居以居時有遺竹焉。蓋謂此也。其水又南逕鄧城東名之爲鄧瀆又謂之爲白屋水也。昔司馬懿征公孫淵還達白屋卽於此也。其水又東南流逕遺城北又東

南歷澤注于陂泉水東流謂之八光灑而東流注于清水謂之長清河而東周永豐城有丁公泉發于焦泉之右次東又得焦泉泉發于天門之左天井固石天門山石自空狀若門焉廣三丈高兩匹深丈餘更無所出世謂之天門也東五百餘步中有石穴西向裁得容人平得東南入徑至天井直上三匹有餘扳躡而昇至上東平西二百步南北七百步四面嶮絕無由昇陟矣上有比丘釋僧訓精舍寺十有餘僧給養難周多出下平有志者居之寺左右雜樹疎挺有一石泉方丈餘清水湛然

平得當作平行

東平一作平東

十有疑作有十

東常無增減山居者資以給飲北有石室二間舊是

二間古本作二口

隱者念一之所今無人矣泉發於北阜南流成漢

也世謂焦泉也次東得魚鮑泉次東得張波泉次

東得三淵泉梗柯參連女宿相屬是四川在重門

梗柯古本作梗河

城西並單川南注也重門城昔齊王芳為司馬師

廢之宮於此即魏志所謂送齊王于河內重門者

也城在共縣故城西北二十里城南有安陽陂次

東又得卓水陂穴東有北門陂陂方五百步在共

縣故城西漢高帝八年封旅罷師為共嚴侯國即

共和之故國也共伯既歸帝政逍遙于共山之上

按隋天文志梗河三星在大角北女宿即須女四星此蓋謂魚鮑張波三淵之三泉如梗河之參連并焦泉為四似女宿之相屬也

按史記年表云八年封盧罷師為共侯蓋曰莊此旅字當作旅即盧字古通用嚴避明帝諱莊子云共伯得乎共

首司馬彪注云厲王之難共伯即於王位十四年大旱屋焚召公卜之曰厲王為崇乃立宣王共伯復歸於宗道遂得意共山之首

山在國北所謂共北山也仙者孫登之所處袁彥伯竹林七賢傳嵇叔夜嘗採藥山澤遇之於山冬以被髮自覆夏則編草為裳彈一絃琴而五聲和其水三川南合謂之清川又南逕凡城東司馬彪袁崧郡國志曰共縣有汎亭周凡伯國春秋隱公七年經書王使凡伯來聘是也杜預曰汲郡共縣東南有凡城今在西南其水又西南與前四水總為一瀆又謂之陶水南流注于清水清水又東周新豐塢又東注也無入矣泉發於北阜南流於東東北過獲嘉縣北首資又命增北阜可室二一謂書長

漢書稱越相呂嘉及武帝元鼎六年巡行於汲郡中鄉得呂嘉首因以為獲嘉縣後漢封侍中馮石為侯國縣故城西有漢桂陽太守趙越墓冢北有碑越字彥善縣人也累遷桂陽郡五官將尚書僕射遭憂服闋守河南尹建寧中卒碑東又有一碑碑北有石柱石牛羊虎俱碎淪毀莫記清水又東周新樂城城在獲嘉縣故城東北即汲水新中鄉也又東過汲縣北汲水當作及郡

汲水當作及郡

縣故汲郡治晉太康中立城西北有石夾水飛湍濬急也人亦謂之礮溪言太公常釣於此也城東

門北側有太公廟。廟前有碑，碑云：太公望君河內汲人也。縣民故會稽太守杜宣白令崔瑗曰：太公甫生於汲，舊居猶存。君與高國同宗，太公載在經傳。今臨此國，宜正其位，以明尊祖之義。於是國老王喜廷掾鄭篤、功曹邵勤等咸曰：宜之。遂立壇祀。爲之位主。城北三十里有太公泉，泉上又有太公廟。廟側高林秀木，翹楚競茂。相傳云：太公之故居也。晉太康中，范陽虛無忌爲汲令，立碑於其上。太公避紂之亂，屠隱市朝，遯釣魚水，何必渭濱。然後磻溪，苟愜神心。曲渚則可，磻溪之名，斯無嫌矣。清

望君宋本作望者

邵舊本作

姆古牧字

漢書地理志
晉書地理志
水經

水又東逕故石梁下，梁跨水上，橋石崩，禡餘基尚存。清水又東與倉水合，水出西北方，上山西倉谷，谷有倉玉珉石，故名焉。其水東南流，潛行地下，又東南復出，俗謂之電水。東南歷姆野，自朝歌以南，南暨清水，土地平行。據臯跨澤，悉姆野矣。郡國志曰：朝歌縣南有牧野，竹書紀年曰：周武王率西矣。諸侯伐殷，敗之于姆野。詩所謂姆野洋洋，檀車煌煌者也。有殷大夫比干冢，前有石銘，題隸云：殷大夫比干之墓。所記唯此，今已中折，不知誰所誌也。太和中，高祖孝文皇帝南巡，親幸其墳，而加吊焉。

水經

卷之九

三

後漢郡國志上黨郡
遼縣注引山海經云
謁戾之山沁水出焉

附古考

南流注于河郭云在
遼

刊石樹碑列于墓隧矣。電水又東南入于清水。又
東南逕合城南。故三會亭也。以淇清合河故受名
焉。清水又屈而南逕屬皇臺東北南注之也。又
又東入于河。謂之清口。即淇河口也。蓋互受其名耳。地理志曰
清河水出內黃縣南無清水可來。所有者唯鍾是
水耳。蓋河徙南注。清水瀆移。唯流逕絕餘目。故東
川有清河之稱。相嗣不斷。目尚存。故東川曹公開
白溝。過水北注。方復故瀆矣。西北去土山。西食谷
沁水出上黨沮縣謁戾山。

沮當作涇
宋本作涇

沁水即洎水也。或言出穀遠縣羊頭山。世靡谷。三
源奇注逕瀉一隍。又南會三水。歷洛出左右。近溪
參差翼注之也。

南過穀遠縣東。又南過猗氏縣東。又東過冀州。東
穀遠縣王莽之穀近也。沁水又南逕猗氏縣故城。
東劉聰以詹事魯繇為冀州治此也。沁水又南歷
猗氏關。又南與羈羈水合。水出東北巨峻山。乘高
又瀉浪。觸石流響。世人因聲以納。稱西南流注于沁。
沁水又南與秦川水合。水出巨峻山東。帶引衆溪
積以成川。又西南逕端氏縣故城。東昔韓趙魏分

巨峻御覽
作巨峻

晉遷晉君於端氏縣。卽此是也。其水南流入于沁水。水又南與秦川水合。水出且刻山。東帶長泉。又南過陽阿縣東。世入因羣山。南流至于沁水。沁水南逕陽阿縣故城。西魏土地記曰：建興郡治陽阿縣。郡西四十里有沁水。南流沁水。又南與濩澤水合。水出澤城西白澗嶺下。東逕濩澤。墨子曰：舜漁濩澤。應劭曰：澤在縣西北。又東逕濩澤縣故城南。蓋以澤氏縣也。竹書紀年：梁惠成王十九年，晉取玄武濩澤者也。其水際城東注。又東合清淵水。水出其縣北。東南經澤城東。又南入于澤水。澤

考之史記漢表並無其人。惟琴操云：下和獻玉於楚王，封為陵陽侯。辭不受，退而作歌。

水又東得陽泉。水口出鹿臺山。山上有水，淵而不流。其水東逕陽陵城南。卽陽阿縣之故城也。漢高帝七年，封下訴為侯國。水歷焦燒山。東下與黑嶺水合。水出西北黑嶺下，卽開蹬也。其水東南流逕北鄉亭下。又東南逕陽陵城東。南注陽泉水。陽泉水又南注濩澤水。又東南又有上澗水。注之水道源西北輔山。東逕銅于崖。南歷柝城山。北山在濩澤南。禹貢所謂砥柱析城。至于王屋也。山甚高峻。上平坦。下有二泉。東濁西清。左右不生草木。數十步外多細竹。其水自山陰東入濩澤水。濩澤水又

下訴一作焦宋本作

東南注于沁水。沁水又東南，陽阿水左入焉。水北出陽阿川，南流逕建興郡，而其水又東南流，逕午壁亭，東而南入山，汭波漱石，澗澗入丈，環濤轂轉，西南流入于沁水。又南五十餘里，汾上下步逕，裁通小竹，細筍被于山渚，蒙籠拔密，奇為翳蒼也。

又南出山，過沁水縣北。

沁水南逕石門也，謂之沁口。魏土地記曰：河內郡野王縣西七十里，有沁水，左逕沁水城，西附城東南流也。石門是晉安平獻王司馬孚之為魏野王典農中郎將之所造也。案其表云：臣孚言，臣被明

其入野王縣西七十里
其入野王縣西七十里
其入野王縣西七十里

詔興河內水利，臣既到，檢行沁水，源出銅堤山，屈

曲周迴，水道九百，自太行以西，王屋以東，層巖高

峻，天時霖雨，衆谷走水，小口漂送，木門朽敗，稻田

汎濫，歲功不成。臣輒按行，去堰五里以外，方石可

得數萬餘枚。臣以為方石為門，若天亢旱，增堰進

水，若天霖雨，陂澤克溢，則閉石斷水，空渠衍澇，足

以成河。雲雨由人，經國之謀，暫勞永逸。聖王所許，

願陛下特出臣表，勅大司農府，給人工，勿使稽延，

以贊時要。臣孚言，詔書聽許。於是夾岸累石，結以

為門，用伐木門枋，故石門舊有枋口之稱矣。溉田

按宋本作
茂奇作最

御覽引此
九百下有
里字
小口宋本
作小石

御覽引此
閉石作閉
防

御覽引此
用伐作用
代

頃畝之數間二歲月之功事見門側石銘矣水西
 有孔山山上石穴洞開穴內石上有車轍牛跡者
 舊傳云自然成者非人功所就也其水南分為二
 水一水南出為朱溝水沁水又逕沁縣故城北蓋
 藉水以名縣矣春秋之少水也京相璠曰晉地矣
 又云少水今沁水也沁水又東逕沁水亭北世謂
 之小沁城沁水東右合小沁水水出北山臺澗淵
 南流為臺澗水南東入沁水沁水又東倍澗水注之
 水北出五行之山南流注于沁水
 又東過野王縣北

間二疑誤
 玉海引此
 亦作間二

沁水又東邗水注之出太行之阜山則五行之異
 名也淮南子曰武王欲築宮於五行之山周公曰
 五行嶮固德能覆也內貢迴矣使吾暴亂則伐我
 難矣君子以為能持滿高誘云今太行山也在河
 內野王縣西北上黨關也詩所謂徒始野王道傾
 蓋上黨關即此山矣其水南流逕邗城西故邗關
 也城南有邗臺春秋僖公二十四年王將伐鄭富
 辰諫曰邗武之穆也京相璠曰今野王西北三十
 里有故邗城邗臺是也今故城當太行南路道出
 其中漢武帝封李壽為侯國邗水又東南逕孔子

則宋本作
 即

邗關宋本
 作邗國

廟東廟庭有碑。魏太和元年，孔靈度等以舊字毀落。上求修復。野王令范衆愛河中太守元真刺史咸陽公高允表聞，立碑於廟。治中劉明駕呂次父主簿向班虎荀靈龜以宣尼大聖，非碑頌所稱宜立記焉。云仲尼傷道不行，欲北從趙鞅，聞殺鳴犢，遂旋車而反。及其後也。晉人思之於太行嶺南爲之立廟。蓋往時迴轅處也。余按諸子書及史籍之文，並言仲尼臨河而歎曰：丘之不濟命也。夫是非太行迴轅之言也。碑云魯國孔氏官於洛陽，因居廟下以奉蒸嘗。斯言至矣。蓋孔因遷山下，追思聖

河中宋本作河內
明宋本作別疑有脫字

祖。故立廟存饗耳。其猶劉累遷魯立堯祠於山矣。非謂迴轅於此也。邗水東南逕邗亭。西京相璠曰：又有亭在橋西南三十里。今是亭在邗城東南七八里。蓋京氏之所謬耳。或更有之。余所不詳。其水又南流注于沁。沁水東逕野王縣故城北。秦昭王四十四年，白起攻太行道絕而韓之野王降。始皇拔魏東地置東郡。衛元君自漢陽徙野王。卽此縣也。漢高帝元年爲殷國。二年爲河內。王莽之後隊縣曰平野矣。魏懷州刺史治。皇都遷洛。省州復郡。水北有華嶽廟。廟側有攢栢數百根。對郭臨川負

在橋一作在臺

漢陽當作濮陽

遷洛一作遷治

岡蔭渚青青彌望奇可翫也。懷州刺史頓丘李洪之之所經構也。廟有碑焉。是河內郡功曹山陽荀靈龜以和平四年造。天安元年立沁水。又東朱溝枝津入焉。又東與丹水合。水出上黨高都縣故城。東北阜下俗謂之源源水。山海經曰沁水之東有林焉名曰丹林。丹水出焉。即斯水矣。丹水自源東北流。又屈而東。注左會絕水。地理志曰高都縣有莞谷。丹水所出。東南入絕水。是也。絕水出泫氏縣西北楊谷。故地理志曰楊谷絕水所出。東南流左會長平水。水出長平縣西北小山。東南流逕其縣故

流左下舊本無會字

城。泫氏之長平亭也。史記曰秦使左庶長王齕攻韓取上黨。上黨民走趙。趙軍長平。使廉頗為將。後遣馬服君子趙括代之。秦密使武安君白起攻之。括四十萬衆降。起起坑之於此。上黨記曰長平城在郡之南。秦壘在城西。二軍共食。流水澗相去五里。秦坑趙衆。收頭顱築臺於壘中。因山為臺。崔嵬桀起。今仍號曰白起臺。城之左右。汾山亘隰。南北五十許里。東西二十餘里。悉秦趙故壘遺壁。舊存焉。漢武帝元朔二年。以封將軍衛青為侯國。其東南流注絕水。絕水又東南流逕泫氏縣故城北。竹

君子舊本作之子

舊存疑作猶存

書紀年曰晉烈公元年趙獻子城泫氏絕水東南與泫水會水導源縣西北玄谷東流逕一故城南俗謂之都鄉城又東南逕泫氏故城南世祖建武六年封萬普為侯國而東會絕水亂流東南入高都縣右入丹水上黨記曰長平城在郡南山中丹水出長平北山南流秦坑趙衆流血丹山由是俗名為丹水斯為不經矣丹水又東南流注于丹谷即劉越石扶風歌所謂丹水者也晉書地道記曰縣有太行關丹溪為關之東谷途自此去不復由關夫丹水又逕二石入北而各在一山角倚相望

南為河內北曰上黨二郡以之分境丹水又東南歷西巖下巖下有泉湧發洪源巨輪淵深不測蘋藻冬芹竟川含綠雖巖辰肅月燕麥暄萋丹水又南白水注之水出高都縣故城西所謂長平白水也東南流歷天井關地理志曰高都縣有天井關蔡邕曰太行山上有天井關在井北遂因名焉故劉歆遂初賦曰馳太行之嶮峻入天井之高關太元十五年晉征虜將軍朱序破慕容永於太行遣軍至白水去長子一百六十里白水又東天井溪水會焉水出天井關北流注白水世謂之北流

洪源宋本作洪流
巨輪一本作巨輪

泉白水又東南流入丹水謂之白水交丹水入東
南出山逕郟城西城在山際俗謂之期城非也司
馬彪郡國志曰山陽有郟城京相璠曰河內山陽
西北六十里有郟城竹書紀年曰梁惠成王元年
趙成侯偃韓懿侯若伐我葵卽此城也丹水又南
屈而西轉光溝水出焉丹水又西逕苑鄉城北南
屈東轉逕其城南東南流注于沁謂之丹口竹書
紀年曰晉出公五年丹水三日絕不流幽公九年
丹水出相反擊卽此水也沁水又東光溝水注之
也水首受丹水東南流界溝水出焉又南入沁水

又東南流逕成鄉城北又東逕中都亭南又合界
溝水水上承光溝東南流長明溝水出焉又南逕
中都亭西而南流注于沁水也

又東過周縣北

縣故周也春秋左傳隱公十有一年周以賜鄭公
孫段六國時韓宣子徙居之有白馬溝水注之水
首受白馬湖湖一名朱管陂陂上承長明溝湖水
東南流逕金亭西分爲二水一水東出爲蔡溝一

水南流于沁也

又東過邢丘

水逕

又韓詩外傳曰武王伐紂到邢丘更名邢丘曰懷。春秋時赤翟伐晉圍懷是也。王莽以為河內故河內郡治也。舊三河之地矣。韋昭曰河南河東河內為三河也。縣北有沁陽城沁水逕其南而東注也。水又東過武德縣南又東南至滎陽縣北東入于河。沁水於縣南水積為陂通結數湖有朱溝水注之。其水上承沁水於沁水縣西北自方口東南流奉溝水右出焉。又東南流右泄為沙溝水也。其水又東南於野王城西枝渠左水焉。以周城漑東逕野王城南。又屈逕其城東而北注沁水。朱溝自枝渠

方口疑作榜口

左水下疑有脫字

東南逕州城南。又東逕懷城南。又東逕殷城北。郭緣生述征記曰河之北岸河內懷縣有殷城。或謂楚漢之際殷王卬治之非也。余按竹書紀年云秦師伐鄭次于懷。城殷。殷即是城也。然殷之為名久矣。知非從卬始。昔劉聰以郭默為殷州刺史。督緣河諸軍事。治此朱溝。又東南注于湖。湖水又右納沙溝水。水分朱溝南派。東南逕安昌城。西漢成帝河平四年封丞相張禹為侯國。今城之東南有古冢。時人謂之張禹墓。余按漢書禹河內軹人。徙家邈。邈鴻嘉元年禹以老乞骸。自治冢。坐起祠堂於

平陵。平之肥牛亭近延陵。奏請之。詔為徙亭。哀帝建平二年薨。遂葬於彼。此則非也。沙溝又東。逕隰城北。春秋僖公二十五年取大叔於温。殺之於隰城。是也。京相璠曰。在懷縣西南。又逕殷城西。東南流入於陂。陂水又值東南。流入於河。先儒亦咸謂是溝為沛渠。故班固及闕駟並言沛水至武德入河。蓋沛水枝瀆條分。所在布稱。亦兼丹水之目矣。

淇水出河內隆慮縣西大號山。余對古書出字云。秦山海經曰。淇水出沮如。山水出山側。頽波瀨注。衝激橫山。山上合下開。可減六七十步。巨石礫砢交。

沛字一本俱作沛

許谷之水
十三
天五
白子
泉

積隍澗。傾澗奔盪。勢同雷轉。激水散氛。曖若霧合。又東北活。水注之。水出壺關縣東。珣臺下。石壁崇高。昂藏隱天。泉流發于西北隅。與金谷水合。金谷即玷臺之西溪也。東北會水。又東流注淇水。又逕南羅川。又歷之羅城北。東北與如臺水會。合水發西北。三女臺下。東北流注于淇。淇水又東北逕淇陽川。逕石城西北。城在原上。帶澗枕淇。淇水又東北。西流水注之。水出東大嶺下。西流逕石樓南。在北陵石上。練垂築立。亭亭極峻。其水西流水也。又東逕馮都壘南。世謂之淇陽城。在西北三十里。淇

濟御覽引此作莽

泉源水下當以十三卷五頁後九行水有二源接之自石也殿之至蓋天止九百一十三字應依宋本移在十三卷五頁後八行谷之石緇下

水又東出山分爲二水會立石堰遏水以沃白溝左爲宛水右則淇水自元甫城東南逕朝歌縣北竹書紀年晉定公二十八年淇絕于舊衛卽此也淇水又東屈而西轉逕頓丘北故關駟云頓丘在淇水南又屈逕頓丘西爾雅曰山一成謂之頓丘釋名謂一頓而成丘無高下小大之殺也詩所謂送子涉淇至于頓丘者也魏徙九原西河出軍諸胡置五軍於丘側故其名亦曰五軍也太和泉源水石也殿之東北接紫宮寺南對承賢門門南卽皇信堂堂之四周圖古聖忠臣烈士之容刊題其側

于字訛

所由下本無也字

綺分宋本作綺粉

憑當作馮

後魏書馮熙字晉國文明太后兄也官定州刺史建昌黎王在諸州鎮建佛圖精舍合七

是辯章卽彭城張僧達樂安蔣少遊于堂南對白臺臺甚高廣臺基四周列壁閣路自內而升國之圖錄秘籍悉積其下臺西卽朱明閣直侍之官出入所由也其水夾御路南流逕蓬臺西魏神瑞三年又毀建白樓樓甚高竦加觀榭於其上表裏飾以石粉晞曜建素赭白綺分故世謂之白樓也後置大鼓於其上晨昏伐以千椎爲城里諸門啓閉之候謂之戒晨鼓也又南逕皇舅寺西是太師黎昌憑晉國所造有五層浮圖其神圖像皆合青石爲之加以金銀火齊衆綵之上煒煒有精光又南

十二處孝文即位
為侍中太師

逕水寧七級浮圖西制甚妙工在寡雙又南遠出
郊郭弱柳蔭街絲楊被浦公私引裂用周圍挽長
塘曲池所在布濩故不可得而論也一水南逕白
登山西服虔曰白登臺名也去平城七里如淳曰
平城傍之高城若丘陵矣今平城東十七里有臺
即白登臺也臺南對罡阜即白登山也故漢書稱
上遂至平城上白登者也為匈奴所圍處孫暢之
述畫曰漢高祖被圍七日陳平使能畫作美女送
與冒頓閼氏恐冒頓勝漢其寵必衰說冒頓解圍
於此矣其水又逕寧先宮東獻文帝之為太上皇

水寧當作
永寧
西制宋本
作其制
遠出一作
遠出
園挽宋本
作圍繞

後魏書穆羅祿兄
壽為宜都王

也。所居故宮矣。宮之東次下有兩石柱是石虎鄴
城東門石橋柱也。按柱勒趙建武中造以其石作
工妙。徙之於此。余為尚書祠部與宜都王穆羅同
拜北郊親所逕見柱側悉鏤雲炬。上作蟠螭甚有
形勢。信為工巧。去子丹碑側遠矣。其水又南逕平
城縣故城東。司州代尹治皇都洛陽以為恒州水
左有大道壇廟始光二年少室道士寇謙之所議
建也。兼諸嶽廟碑亦多所署立其廟階五成四周
欄檻上階之上以木為員基令干相枝梧以板切
其上欄陛承阿上員制如明堂而專室四戶室內

穆羅當作
穆羅
逕見當作
經見
雲炬宋本
作雲炬

五成宋本
作三成
板切宋本
作板切
于疑牙字
之說

漢書武帝元鼎二年春起柏梁臺服虔注云用百頭梁作臺因名焉

有神坐坐右列玉磬皇輿親降受錄靈壇號曰天師宣揚道式暫重當時壇之東北舊有靜輪宮魏神廟四年造抑亦相梁之流也臺高廣超出雲間欲令上延霄客下絕囂浮太平真君十一年又毀之物不停固白登亦繼禡矣水右有三層浮圖真容驚架悉結石也裝制麗質亦盡美善也東郭外太和中闢人宕昌公鉗耳處時立祗洹舍於東畢椽瓦梁棟臺壁櫺陛尊容聖像及牀坐軒帳悉青石也圖制可觀所恨唯列壁合石疎而不密庭中有祗洹碑碑題大篆非佳耳然京邑帝里佛法豐

畢疑畢字之訛

宿鳥蓋天以上當移在十三卷八頁前七行也每月之前水盛北入當接在三卷八頁前六行通注河清之後

盛神圖妙塔築時相望法輪東轉茲為上矣其水自北苑南出歷京城內河干兩湄太和十年累石結岸夾塘之上雜樹交蔭郭南結兩石橋橫水為梁又南逕籍田及藥圃西明堂東明堂上圓下方四周十二戶九堂而不為重隅也室外柱內綺井之下施機輪飾縹仰象天狀畫北通之宿鳥蓋天水盛北入故渠自此始矣一水東流逕枋城南東與宛口合宛水上承淇水於元甫城西北自石堰東注宛城西屈逕其城南又東南流歷五軍東北得舊石沮故五水分流世號五穴口今惟通井為

北通之宿鳥應作北辰列宿象

通井宋本作通井

二、一水西注淇水謂之天井溝。一水逕五軍東分爲蓼溝。東入白祠陂。又南分東入同山陂。溉田七十餘頃。二陂所結卽臺陰野矣。宛水東南入淇水。淇水右合宿胥。故瀆瀆受河於頓丘。縣遮害亭。東黎山西北。會淇水。處立石堰。遏水。今更東北注。魏武開白溝。因宿胥。故瀆而加其功也。故蘇代曰。決宿胥之口。魏無虛頓丘。卽指是瀆也。淇水又東北流。謂之白溝。逕雍榆城南。春秋襄公二十三年。叔孫豹救晉。次于雍榆城者也。淇水逕其城東。東北逕同山東。又北逕其城東。東北逕帝嚳冢。西世謂之頓

白祠舊本
作白祀宋
本作白祀

丘臺非也。皇覽曰。帝嚳冢在東郡濮陽頓丘城南臺陰野中者也。又北逕白祠山東。歷廣陽里。逕顓頊冢。西俗謂之殷王陵。非也。帝王世紀曰。顓頊葬東郡頓丘城南廣陽里。大冢者是也。淇水又北逕頓丘縣故城西。古文尚書以爲觀地矣。蓋太庚弟五君之號曰五觀者也。竹書紀年。晉定公三十一年。城頓丘。皇覽曰。頓丘者。城門名。頓丘道。世謂之殷。皆非也。蓋因丘而爲名。故曰頓丘矣。淇水東北逕柱人山。山東牽城西。春秋左傳。定公十三年。公會齊侯衛侯于牽者也。杜預曰。黎陽東北有牽城。卽

隋圖經曰。柱人山谷
名山陽三山。或云紂
殺比干於此山。因
得名。古凡伯國地也。
隋書地理志云。汲郡黎
陽有大伾山。柱人山。

柱人當作
柱人
春秋作十
四年

此城矣淇水又東北逕石柱岡東北注矣

又東過內黃縣南為白溝

淇水又東北逕并陽城西世謂之辟陽城非也即

郡國志所謂內黃縣有并陽聚者也白溝又北左

合陽水又東北流逕內黃縣故城南縣右對黃澤

郡國志曰縣有黃澤者地理風俗記曰陳留有外

黃故加內史記曰趙廉頗伐魏取黃即此縣

屈從縣東北與洹水合

白溝自縣北逕戲陽城東世謂之義陽郭春秋昭

公十年晉荀盈如齊逆女還卒戲陽是也白溝又

北逕高城亭東又洹水從西南來注之又北逕問

亭東即魏界也應劭曰縣故城魏武侯之別都也

城內有武侯臺王莽之魏城亭也左與新河合洹

水枝流也白溝又東北逕銅馬城西蓋光武征銅

馬所築也故城得其名矣白溝又東北逕羅勒城

東又東北漳水注之謂之利漕口自下清漳白溝

淇河咸得通稱也

又東北過館陶縣北又東北過清淵縣西

白溝水又東北逕趙城西又北阿難河出焉蓋魏

將阿難所導以利衡瀆首有阿難之稱矣白溝又

將阿難所導以利衡瀆首有阿難之稱矣白溝又

東北逕空陵城西又北逕喬亭城西東去館陶縣故城十五里縣卽春秋所謂冠氏也魏陽平郡治也淇水又屈逕其縣北又東北逕平恩縣故城東地理風俗記曰縣故館陶之別鄉也漢宣帝元康三年置以封后父許伯爲侯國地理志王莽之延平縣矣淇水又東過清淵縣故城西又歷縣之西北爲清淵故縣有清淵之名矣世謂之魚池城非也淇水之東北逕榆陽城北漢昭帝封太常江德爲侯國文穎曰邑在魏郡清淵世謂之清淵城非也

又東北過廣宗縣東爲清河河清故北中云平景清河東北逕廣宗縣故城南順帝永元五年封皇太子萬年爲王國田融言趙立建興郡於城內置臨清縣於水東自趙石始也清河之右有李雲墓雲字行祖甘陵人好學善陰陽舉孝廉遷白馬令中常侍單超等立掖庭民女亳氏爲后家封者四人賞賜巨萬雲上書移列三府曰孔子云帝者諦也今尺一拜用不逕御者是帝欲不諦乎帝怒下獄殺之後冀州刺史賈瑤使行部過祠雲墓刻石表之今石柱尚存俗猶爲之李氏石柱清河又東

北逕界城亭東水上有大梁謂之界城橋英雄記
曰公孫瓚擊青州黃巾賊大破之還屯廣宗袁本
初自往征瓚合戰于界橋南二十里紹將鞠義破
瓚於界城橋斬瓚冀州刺史嚴綱又破瓚殿兵於
橋上卽此梁也世謂之鬲城橋蓋傳呼失實矣清
河又東北逕信鄉西地理風俗記曰甘陵西北十
七里有信鄉故縣也清河又北逕信成縣故城西
應劭曰甘陵西北五十里有信成亭故縣也趙置
水東縣於此城故亦曰水東城清河又東北逕清
陽縣故城西漢高帝置清河郡治此中元二年景

帝封皇子乘爲王國王莽之河平也漢光武建武
二年西河鮮于異爲清河太守作公廨未就而凶
後守趙高計功用二百萬五官黃秉功曹劉適言
四百萬錢於是異乃鬼見白日道從入廨與高及
秉等對共計校定爲適秉所割匿異乃書表自理
其略言高貴不尚節畝壟之夫而箕踞遺類研密
又失機婢妾其性媚世求顯偷竊銀艾鄙辱天官易
譏負乘誠高之謂臣不勝鬼言謹因千里驛聞待
高上之便西北去三十里車馬皆滅不復見秉等
皆伏地物故高以狀聞詔下還異西河田宅妻子

焉兼爲差代以旌幽中之訟漢桓帝延和元年改
清河爲甘陵王國以王妖言徙其年立甘陵郡治
此焉乘媯高之監出不無風言豈因千里轉聞於
又東北過東武城縣西宋應備齊書文瀾云天官是
清河又東北逕陵鄉西應劭曰東武城西南七十
里有陵鄉故縣也後漢封太僕梁松爲侯國故世
謂之梁侯城遂立侯城縣治也清河又東北逕東
武城故縣城西史記趙公子勝號平原君以解邯
鄲之功受封於此定襄有武城故加東矣清河又
東北逕復陽縣故城西漢高帝七年封右司馬陳

胥爲侯國王莽更名之曰樂歲地理風俗記曰東
武城西北三十里有復陽亭故縣也世名之曰檻
城非也清河水又東北流逕棗彊縣故城西史記
建元以來王子侯者年表云漢武帝元朔三年封
廣川惠王子晏爲侯國也應劭地理風俗記曰東
武西北五十里有彊城故縣也賈合則采與高障
又北過廣川縣東東北出東水經西

清水北逕廣川縣故城南闕駟曰縣有長河爲流
故曰廣川也水側有羌壘姚氏之故居也今廣川
縣治清河又東北逕歷縣故城南地理志信都之

屬縣也王莽更名曰歷寧也應劭曰廣川縣西北三十里有歷城亭故縣也今亭在縣東如此水濟尚謂之爲歷口渡也然南關曰歷首是河爲流又東過修縣南又東北過東光縣西

清河又東北左與張甲屯絳故瀆合阻深堤高鄣無復有水矣又逕修縣故城南屈逕其城東修音條王莽更名之曰治修郡國志曰故屬信都清河又東北左與黃漳板津故瀆合又東北逕修國故城東漢文帝封周亞夫爲侯國故世謂之北修城也清河又東北逕印閣城東城臨側清河晉修縣

如此當作而此

阻字疑衍

治城內有縣長魯國孔明碑清河又東至東光縣西南逕胡蘇亭者是世謂之羌城非也又東北右會大河故瀆又逕東光縣故城西後漢封耿純爲侯國初平二年黃巾三十萬人入北海公孫瓚破之於東光界追奔是水斬首三萬流血丹水卽是水也又東北過南皮縣西

清河又東北無棣溝出焉東逕南皮縣故城南又東逕樂亭北地理志之臨樂縣故城也王莽更名樂亭晉書地道志太康地記樂陵國有新樂縣卽此

志之疑作志云

城矣。又東逕新鄉城北。卽地理志高樂故城也。王莽更之曰爲鄉矣。無棣溝又東分爲二瀆。無棣溝又東逕於樂陵郡北。又東屈而北出。又東轉逕宛鄉故城南。又東南逕高成縣故城南。與枝瀆合。溝上承無棣溝。南逕樂陵郡西。又東南逕千童縣故城東。史記建元以來王子侯者年表曰：故重也。一作千鍾。漢武帝元朔四年封河間獻王子劉陰爲侯國。應劭曰：漢靈帝改曰饒安也。滄州治枝瀆。又南東屈東北。注無棣溝。無棣溝又東北逕一故城北。世謂之功城也。又東北逕鹽山東北入海。春秋

獻王舊本作靖王

僖公齊楚之盟於邵陵也。管仲曰：昔召康公賜命先君太公履。北至於無棣。蓋四履之所也。京相璠曰：舊說無棣在遼西孤竹縣。一說參差未知所定。然管仲以責楚無棣在此方之爲近。旣世傳以文且以聞見書之。清河又東北逕南皮縣故城西。十三州志曰：章武有北皮亭。故此曰南皮也。王莽之逆河亭。史記惠景侯者年表云：漢文帝後元年中封孝文后兄子彭祖爲侯國。漢建安中魏武擒袁譚於此城也。清河又北逕皮城東。左會潭地。別瀆謂之合。故謂之合城也。地理風俗記曰：南皮城北

潭地宋本作潭池疑作潭池疑故會上疑脫河字

五十里有北皮城也

又東北逕浮陽縣西

河東北浮水故瀆出焉按史記趙之南界有浮水焉浮水在南而此有浮陽之稱者蓋浮水出入津流同逆混并清漳二瀆河之舊道浮水故迹又自斯別是縣有浮水之名也首受清河於縣界東北逕高城縣之宛鄉城北又東逕章武縣之故城漢文帝後元中封孝文后弟竇廣國爲侯國王莽更名相章晉太始中立章武郡治此浮水故瀆又東逕篋山北魏氏土地記曰高城東北五十里有篋山

長七里浮瀆又東北逕柳縣故城南漢帝元朔四年封齊孝王子劉陽爲侯國地理風俗記曰高城縣東北五十里有柳亭故縣也世謂之辟亭非也浮瀆又東北逕漢武帝望海臺又東注于海應劭曰浮縣浮水所出入海朝夕往來日再今溝無復有水也清河又北分爲二瀆枝分東出又謂之浮瀆清河又北逕浮陽故城西王莽之浮城也建武十五年更封騎將軍平鄉侯劉歆爲侯國浮陽郡治又東北灣沱別瀆注焉謂之合河也又東北過濊邑北

又濊水出焉

又東北過鄉邑南

清河又東分爲二水枝津右出焉東逕漢武帝故臺北魏氏土地記曰章武縣東一百里有武帝臺南北有二臺相去六十里基高六十丈俗云漢武帝東巡海上所築又東注于海清河又東北逕姑邑南俗謂之新城非也

又東北逕窮河邑南

清河又東北逕窮河邑南俗謂之三女城非也東北至泉周縣北入溻洳水經曰筍簾泉周縣東南

籊疑作溝

與清河合者目下爲清河下邑也又東泉周泉出焉

周泉當作周水

又東北過漂榆邑入于海

清河又東逕漂榆邑故城南俗謂之角飛城趙記云石勒使王述煮鹽於角飛即城異名矣魏土地記曰高城縣東北一百里北盡漂榆東臨巨海民咸煮海水藉鹽爲業即此城也清河自是入于海

蕩水出河內蕩陰縣西山東

蕩水出縣西石尚山泉流逕其縣故城南縣因水以取名也晉伐成都王穎敗帝于是水之南盧林四

王起事曰惠帝征成都王穎戰敗時舉輦司馬八人輦猶在肩土軍人競就殺舉輦者乘輿頓地帝傷二夫百僚奔散唯侍中嵇紹扶帝士將兵之帝曰吾吏也勿害之衆曰受太弟命唯不犯陛下一人耳遂斬之血汗帝袂將洗之帝曰嵇侍中血勿洗也此則嵇延祖殞命之所

又東北至內黃縣入于黃澤

姜水出蕩陰西北韓大牛泉地理志曰縣之西山姜水所出也卷水又東逕韓附壁北又東流逕姜城北故姜里也史記音義曰牖里在蕩陰縣廣雅稱

三夫當作三矢

獄犴也夏曰夏臺殷曰姜里周曰囹圄皆圜土昔殷紂納崇侯虎之言囚西伯於此散宜生南宮括見文王乃演易用明否泰始終之義焉姜城北水積成淵方一十餘步深一丈餘東至內黃與防水會水出西山馬頭澗東逕防城北盧諶征艱賦所爲越防者也其水東南流注于姜水又東歷黃澤入蕩水地理志曰姜水至內黃入蕩者也蕩水又東與長沙溝水合其水導源里山北谷東流逕晉鄙故壘北謂之晉鄙城名之爲魏將城昔魏公子無忌矯奪晉鄙軍於是處故班叔皮遊居賦曰過

所爲當作所謂

蕩陰而弔晉鄙責公子之不臣者也淇水又東謂之宜師溝又東逕蕩陰縣南又東逕柱人山東北至內黃澤右入蕩水亦謂之黃雀溝是水秋夏則泛春冬則耗水又逕內黃城南陳留有外黃故稱內也東注白溝其水東南流至干黃水又東至黃

洹水出上黨泫氏縣

水出洹山山在長子縣也又籍東至內黃與洹水

東過隆慮縣北

縣北有隆慮山昔帛仲理之所遊神也縣因山以取名漢高帝六年封周竈為侯國應劭曰殤帝曰

史游急就章云春草雞翹尾翁濯顏師古注云雞翹雞尾之曲垂也又漢輿服志云鸞旂者編羽旄列繫幢翬世謂之雞翹

隆故改從林也縣有黃水出于神困之山黃華谷

地崖山高十七里水出木門帶帶即山之第三級

也去地七里縣水東南注壑直瀉巖下狀若雞翹

故謂之雞翹洪蓋亦天台赤城流也其水東流至

谷口潛入地下東北一十里復出名柳渚渚周四

五里是黃水重源再發也東流葦泉水注之出林

慮川北澤中東南流與雙泉合水魯般門東下流

入葦泉水葦泉水又東南流注黃水謂之陵陽水

又東入於洹水也昔昔即與葦水合也此矣

又東北出山逕鄴縣南

柱人當作

又洹水出山連逕殷墟北竹書紀年曰盤庚即位自
奄遷于此遂曰殷昔者項羽與章邯盟於此地矣
洹水又東枝津出焉東北流逕鄴城南謂之新河
又東分爲二水北逕東明觀下者慕容儁夢石虎
齧其臂寤而惡之購求其尸而莫知之後宮嬖妾
言虎葬東明觀下於是掘焉下度三泉得其棺剖
棺出尸尸僵不腐雋罵之曰死胡安敢夢生天子
也使御史中尉楊約數其罪而鞭之此蓋虎始葬
處也又北逕建春門石梁不高大治石工密舊橋
首夾建兩石柱螭短趺勒甚佳乘輿南幸以其作

短宋本作
距一本作

制華妙致之平城東側西屈北對射堂淶水平潭
碧林浦側可遊意矣其水際其西逕魏武玄武故
苑苑舊有玄武池以肄舟楫有魚梁釣臺竹木灌
叢今池林絕滅略無遺跡矣其水西流注于漳南
水又東北逕女亭城北又東北逕高陵城南東合
坳溝又東逕鷓鴣陂北與台陂水合陂東西三十
里南北注白溝河溝上承洹水北絕新河北逕高
陵城東又北逕斥丘縣故城西縣南角有斥丘蓋
因丘以氏縣故乾侯矣春秋經書昭公二十八年
始之晉次于乾侯也漢高帝六年封唐廣爲侯國

屈宋本作
浦側疑作
側浦

斥丘舊本
作亦丘

始之當作
公如

按史記斥丘侯唐厲

王莽之利丘矣。又屈逕其北城東北流注于白溝。洹水自鄴東逕安陽縣故城北。徐廣晉紀曰：石遵自孚城北入，斬張豹於安陽，是也。魏土地記曰：鄴城南四十里有安陽城，城北有洹水東流者也。洹水又東至長樂縣，左側則溝出焉。洹水又東逕長樂縣故城南。按晉書地理志曰：魏郡有長樂縣也。又東過內黃縣北，東入于白溝。其水西流去于城南。洹水逕內黃縣北，東流注于白溝，世謂之洹水也。許慎說文：呂忱字林，並云：洹水出晉魯之間。昔聲伯夢涉洹水，或與其瓊瓌而食之，泣而又與瓊瓌。

北城疑作城北

水盈其懷矣。從而歌曰：濟洹之水，贈我以瓊瓌，歸乎歸乎，瓊瓌盈吾懷乎。後言之。暮而卒。是水也。

王莽之利丘矣又屈其北水東注于
泗水自都東逕安陽縣故城徐廣曰
平城北入斬茨於安陽是也
南四十里有安陽城城北有泗水
又東至長樂縣左側則清出焉泗水
縣故城在長安書地理志曰魏郡有
又東逕河東襄陵也
魏平陽縣也晉書曰平陽之暮而平
水經第九矣汾而竭曰濟曰之木韻
亦以雙照觀平

水經第十 漳水

漳水南出南國北流至身于海漢 桑欽撰

注於海東北流也

後魏酈道元注

千之異名也桑木又北入章水明 吳瑄校

曰濁漳水一清漳水 郊中留尚于成尚于唱身

濁漳水出上黨長子縣西發鳩山之漳水焉

出麓谷與發鳩連麓而在南淮南子謂之發苞山

故異名互見也左則陽泉水注之右則散蓋水入

焉三源同出一山但以南北為別耳 襄公十八年

東過其縣南自西山東北流至襄陽北又東至身于

麓谷一作鹿谷

原水順

去三周文王以高公
於十代而平朝
德而保其甲申

劉向別錄云辛甲事
紂七十五諫而不聽
去之周文王以為公
卿封之長子漢志注
云長讀作長短之長

東又東堯水自西山東北流逕堯廟北又東逕長子
縣故城南周史辛甲所封邑也春秋襄公十八年
晉人執衛行人石買於長子。卽是縣也。秦置上黨
郡治此也。其水東北流入漳水。漳水東會于梁水。
梁水出南梁山北流至長子縣故城南。竹書紀年
曰梁惠成王十二年鄭取屯留尚子沮尚子卽長
子之異名也。梁水又北入漳水。
屈從縣東北流注。

陶水南出南陶北流至長子城東西轉逕其城北
東注于漳水。

沮一作沮
別作則

左傳注純音屯

又東過壺關縣北。北出漳水與於生水合而西流。
漳水東逕屯留縣南。又屈逕其城東。東北流有絳
水注之。絳水西出穀遠縣東。發鳩之谷。謂之絳水。
西出穀遠縣為濫水。屯留縣故城南。故留
子國也。潞氏之屬。春秋襄公十八年。晉人執孫蒯
於純留。是也。其水東北流入于漳。故桑欽云絳水
屯留西南東入漳。漳水又東。陳水注之。水出西發
鳩山東逕余吾縣故城南。漢光武建武六年封景
丹尚子為侯國。陳水又東逕屯留縣故城北。竹書
紀年梁惠成王元年韓共侯趙成侯遷晉桓子屯

水屯宋本
作水也

潘尼西道賦云羊羔
八持成象黃馬

留史記趙肅侯奪晉君端氏而徙居之此矣其水
又東流注于漳故許慎曰水出發鳩山入關從水
章聲也漳水逕壺關縣故城西又屈逕其城北故
黎國也有黎亭縣有壺口關故曰壺關矣呂后元
年立孝惠後宮子武為侯國漢有壺關三老公乘
與上書訟衛太子即邑人也縣在屯留東不得先
壺關而後屯留也漳水歷鹿臺山與鞞水合水出
銅鞮縣西北石磴山東流與專池水合出入持山
東北流入銅鞞水銅鞞水又東南逕女諫水西北
好松山東南流北則葦池水與公主水合而右注

鞞水上疑
鹿銅字
八持當作
八持

後魏地形志長子有
應城傾城幸城而前
漢地理志銅鞮縣有
上虎亭下虎聚則後
魏之傾城即漢之銅
鞮也

之南則榆交水與皇后水合而左入焉亂流東南
注于銅鞞銅鞞水李憲墓前有碑碑石破碎故李
氏以太和元年立之其水又東逕故城北城在山
阜之上下臨岫壑東西北三面岨袤二里世謂之
斷梁城即故縣之上虎亭也銅鞞水又東逕銅鞞
縣故城北城在水南山中晉大夫羊舌赤銅鞞伯
華之邑也漢高祖破韓王信於此縣也銅鞞水又
東南流逕項城西即縣之下虎聚也地理志曰縣
又有上虎亭下虎聚者也銅鞞又南逕胡邑西又東
屈逕其城南又東逕襄垣縣入于漳漳水又東北

項城一作
項城

按屯留與潞縣俱屬上黨郡

流逕襄垣縣故城南王莽之上黨亭軍水又東北
又東北過屯留縣潞縣北潞縣又南潞水又東
縣故赤翟潞子國也。其相豐舒有雋才而不以茂
德。晉伯宗數其五罪使荀林父滅之。闕駟曰有潞
水為冀州浸即漳水也。余按燕書王猛與慕容評
相遇於潞川也。鄆固山泉。鬻水與軍。入絹匹水二
石。佗大川可以為侵。所有巨浪長湍唯漳水耳。故
世人亦謂濁漳為潞水矣。縣北對故壁臺。漳水逕
其南。本潞子所立也。世名之為臺壁也。慕容垂伐
慕容永於長子軍次潞川。永率精兵拒戰。阻河自

宋本無屯留縣三字

臺壁疑作壁臺

固垂陣壁臺一戰破之。即是處也。漳水於是左右
黃須水口水出壁臺西張譚巖下。世傳巖赤則土
離兵害。故惡其變化無常。恒以石粉汗之。今白是
以俗目之為張譚巖。其水南流逕臺壁西。又南入
于漳。漳水又東北歷望夫山。山之南有石人竝於
山上。狀有懷於雲表。因以名焉。有洹水西出覆醜
山而東流與西湯溪水合出涅縣西山湯谷五泉
俱會。謂之五會之泉。交東南流。謂之西湯水。又東
南流注涅水。又東逕洹氏縣故城南。縣氏涅水也。東
與白鷄水出縣之西山東逕其縣北。東南流入涅

離宋本作雅

水湼水又東南與武鄉水會焉水源出武山西南
逕武鄉縣故城西而南出得清谷口水源出東北
長山清谷西南與鞞鞞白壁二水合南入武鄉水
又南得黃水口黃水三源同注一壑東南流與隱
室水合水流西北出隱室山東南注潢水又東入
武鄉水武鄉水又東南注于湼水湼水又東南流
注于漳水漳水又東逕碯陽城北倉石水入焉水
出林慮縣之倉石溪東北逕魯班門西闕昂藏石
壁霞舉左右結石修坊崇基仍存北逕偏橋東即
林慮之嶠嶺抱犢固也石磴西陞陟踵脩上五里

潢水一作湼水

晉書庾亮適林慮大頭山將下眩墜崖卒
後漢書云白馬氏勇
蕙抵冒貪貨死利居
於河池一名仇池方
百頃四面斗絕仇池
記云仇池百頃周圍
九千四百步天形四
方辟立千仞凡二十
道可攀緣而上

餘嶧路中斷四五丈中以木為偏橋劣得道行亦
言故有偏橋之名矣自上猶須攀蘿捫葛方乃自
津山頂即庚眩墜處也倉石溪水又北合白水溪
溪水出壺關縣東白木川東逕百畝城北蓋同仇
池百頃之稱矣又東逕林慮縣之石門谷又注于
蒼溪水蒼溪水又北逕碯陽城東而北流注于漳
水漳水又東逕葛公亭北而東去矣
又東過武安縣
漳水於縣東清水自涉縣東南來注流之世謂決
入之所謂交漳口也

道行宋本作通行

庚當作庚

又東出山過鄴縣西

漳水又東逕三戶峽爲三戶津張晏曰三戶地名也在梁期西南孟康曰津峽名也在鄴西四十里又東汗水注之水出武安縣山東南流逕于城北昔項羽與蒲將軍英布濟自三戶破章邯於是水汗水東注于漳水漳水又東逕武城南世謂之梁期城梁期在鄴北俗亦謂之兩期城皆爲非也司馬彪郡國志曰鄴縣有武城武城卽期城矣漳水又東北逕西門豹祠前祠東側有碑隱起爲字祠堂東頭石柱勒銘曰趙達武中所修也魏文帝述

征賦曰羨西門之嘉迹忽逕睇其靈宇漳水右與枝水合其水上承漳水於邯會西而東別與邯水合水發源邯山東北逕邯會縣故城西北注漳水故曰邯會也張晏曰漳水之別自城西南與邯山之水會今城旁猶有溝渠存焉漢武帝元朔二年封趙敬肅王子劉仁爲侯國其水又東北入于漳昔魏文侯以西門豹爲鄴令也引漳以溉鄴民賴其用其後至魏襄王以史起爲鄴令又堰漳水以灌鄴田咸成沃壤百姓歌之魏武王又竭漳水迴流東注號天井堰里中作十二塔塔相去三百步

令互相灌注。一源分爲十二流。皆懸水門。陸氏鄴中記云。水所溉之處。名曰晏陂澤。故左思之賦。魏都也。謂塏流十二。同源異口者也。魏武之攻鄴也。引漳水以圍之。獻帝春秋曰。司空鄴城圍周四十里。初淺而狹。如或可越。審配不出。爭利望而笑之。司空一夜增修。廣深二丈。引漳水以注之。遂拔鄴。本齊桓公所置也。故管子曰。築五鹿中牟。鄴以衛諸夏也。後屬晉。魏文侯七年。始封垝地。故曰魏也。漢高帝十二年。置魏郡。治鄴縣。王莽更名魏城。後分魏郡置東西都。都尉故曰三魏。魏武又以郡國

垝宋本作此

之舊。引漳流自城西東入。逕銅雀臺下。伏流入城。東注。謂之長明溝也。渠水又南。逕止車門下。魏武封於鄴。爲北宮。宮有文昌殿。溝水南北夾道。枝流引灌。所在通溉。東出石竇。下注之涅水。故魏武登臺賦曰。引長明灌街里。謂此渠也。石氏於文昌故殿處。造東西太武二殿。於濟北殿城之山。採文石爲基。一基下五百武直宿衛。屈柱趺瓦。悉鑄銅爲之。金漆圖飾焉。又徙長安雒陽銅人。置諸宮前。以華國也。城之西北有三臺。皆因城之爲基。巍然崇舉。其高若山。建安十五年。魏武所起。平坦略盡。春

殿城一作穀城

之爲當作爲之

秋古地云。葵丘地名。今鄴西臺是也。謂臺已平。或更有見意所未詳。其中曰銅臺高十丈。有屋百餘間。臺成命諸子登之。並使爲賦。陳思王下筆成章。美捷當時。亦魏武望奉常王叔治之處也。昔嚴才與其屬攻掖門。脩聞變。車馬未至。便將官屬步至宮門。太祖在銅雀臺望見之。曰彼來者必王叔治也。相國鍾繇曰。舊京城有變。九卿各居其府。卿何來也。脩曰。食其祿。焉避其難。居府雖舊。非赴難之義。時人以爲美談矣。石虎更增二丈。立一屋連棟。接檐。彌覆其上。盤迴隔之。名曰命子窟。又於屋上

檣宋本作

起五層樓。高十五丈。去地二十七丈。又作銅雀於樓巔。舒翼若飛。南則金雀臺高八丈。有屋一百九間。北曰水井臺。亦高八丈。有屋一百四十間。上有冰室。室有數井。井深十五丈。藏冰及石墨焉。石墨可書。又然之難盡。亦謂之石炭。又有粟窖及監以備不虞。今窖上猶有石銘存焉。左思魏都賦曰。三臺列峙而崢嶸者也。城有七門。南曰鳳陽門。中曰中陽門。次曰廣陽門。東曰達春門。北曰廣德門。次曰廡門。西曰金明門。一曰白門。鳳陽門三臺洞開。高三十五丈。石氏作層觀架其上。置銅鳳頭高一

雀當作虎

監一作鹽

達春一作建春

丈六尺東城上石氏立東明觀觀上加金博山謂之鏘天北城上有齊午樓超出羣榭孤高特立其城東西七里南北五里飾表以塼百步一樓凡諸宮殿門臺隅雉皆加觀榭層臺及宇飛檐拂雲圖以丹青色以輕素當其全盛之時去鄴六七十里遠望若亭巍若仙居魏因漢祚復都洛陽以譙之先人本國許昌為漢之所居長安為西京之遺迹鄴為王業之本基故號五都也今相州刺史及魏郡治漳水自豹祠北逕趙閱馬臺西基高五丈列觀其上石虎每講武於其下升觀以望之虎自於

齊午宋本
作齊斗

史記作是當為河伯
婦

臺上放鳴鏑之矢以為軍騎出入之節矣漳水又北逕祭陌西戰國之世俗巫為河伯取婦祭於此陌魏文侯時西門豹為鄴令約諸三老曰為河伯取婦卒來告知吾欲送女皆曰諾至時三老廷掾賦歛百姓取錢百萬巫覡行里中有好女者呪當為河伯婦以錢百萬聘女沐浴脂粉如嫁狀豹往會之三老巫掾與民咸集赴觀巫嫗年七十從女弟子豹呼婦視之以為非妙令巫嫗入報河伯投巫於河中有頃曰何久也又令三弟子及三老入白並投於河豹聲折曰三老不來奈何復欲使

廷掾豪長趣之。皆叩頭流血。乞不爲河伯取婦。淫祀雖斷。地留祭陌之稱焉。又慕容儁投石虎尸處也。田融以爲紫陌也。趙建武十一年造紫陌浮橋於水上。爲佛圖澄先造生墓於紫陌。建武十五年卒。十二月葬焉。卽此處也。漳水又對趙氏臨漳宮。宮在桑梓苑。多桑木。故苑有其名。三月三日及始蠶之月。虎帥皇后及夫人採桑於此。今地有遺桑。墉無尺雉矣。漳水又北。溢水入焉。漳水又東。逕梁期城南。地理風俗記曰。鄴北五十里有梁期城。故縣也。漢武帝元鼎五年封任破胡爲侯國。晉惠帝

永興元年。驃騎王浚遣烏丸渴末逕至梁期。侯騎到鄴。成都王穎遣將軍石超討末。爲末所敗於此。又逕平陽城北。竹書紀年曰。梁惠成王元年。鄴師邯鄲師於平陽者也。司馬彪郡國志曰。鄴有平陽城。卽此地也。

又東過列人縣南。

漳水又東。右逕丘丘縣北。卽裴縣故城南。王莽更名之曰。卽是也。地理風俗記曰。列人縣西南六十里有卽裴城。故縣也。漳水又東北。逕列人縣故城南。王莽更名之爲列治也。竹書紀年曰。梁惠成王八

年惠成王伐邯鄲。取列人者也。於縣右合白渠故瀆。白渠水出魏郡武安縣欽口。山東南流逕邯鄲縣南。又東與拘潤水合。水導源武始東山。白渠北俗猶為是水。為拘河也。白渠水又東。又有牛首水入焉。水出邯鄲縣西堵山。東流分為二水。洪湍雙逝。澄映兩川。漢景帝時。六國悖逆。命曲周侯酈寄攻趙。圍邯鄲。相捍七日。引牛首拘水灌城。城壞。王自殺。其水東入邯鄲城。逕温明尉南。漢世祖擒王郎。幸邯鄲。晝臥處也。其水又東。逕叢臺南。六國時。趙王之臺也。郡國志曰。邯鄲有叢臺。故劉劭趙

尉宋本作殿

郡賦曰。結雲閣於南宇。立叢臺於少陽者也。今遺基舊墉尚在其水。又東。歷邯鄲阜。張晏所謂邯山在東城下者也。曰單盡也。城郭從邑。故加邑。邯鄲之名。蓋指此以立稱矣。故趙郡治也。長沙舊傳稱桓楷為趙郡太守。嘗有遺囊粟於路者。行人掛囊粟於樹。莫敢取之。即於是處也。其水又東。流出城。又合成一川也。又東。澄而為渚。沁水東南涓注。拘潤水又東。入白渠。又東。故瀆出焉。一水東為澤。渚。曲梁縣之雞澤也。國語所謂雞丘矣。東北通登湖。白渠故瀆南出。所在枝分。右出即邯溝也。歷邯溝

涓宋本作流

登宋本作澄

縣故城東蓋因溝以名縣也地理風俗記曰卽裴城西北二十里有邯溝城故縣也又東逕肥鄉縣故城北竹書紀年曰梁惠王八年伐邯取肥者也晉書地道記曰太康中立以隸廣平也渠道交徑互相纏縻與白渠同歸逕列人右會漳津今無水地理志曰白渠東至列人入漳是也

又東北過斥漳縣南

應劭曰其國斥鹵故曰斥漳漢獻帝建安十八年魏太祖鑿渠引漳水東入清洹以通河漕名曰利漕渠漳津故瀆水舊斷溪東北出涓流濞注而已

玉篇云濞莫歷切淺水也

尚書所謂覃懷底績至于衡漳者也孔安國曰衡橫也言覃漳水橫流也又東北逕平恩縣故城西應劭曰縣故館陶之別鄉漢元帝元康三年置以封后父許伯爲侯國王莽更曰延平也

又東北過曲周縣東又東北過鉅鹿縣東

衡漳故瀆東北逕南曲縣故城西地理志廣平有曲周縣應劭曰平恩縣北四十里有南曲亭故縣也又逕曲周縣故城東地理志曰漢武帝建元四年置王莽更名直周余按史記大將軍酈商以高祖六年封曲周縣爲侯國又考史記同是知曲周

以名宋本作以氏

梁惠下宋本有成字

舊縣非始孝武蓋商冀州人在縣市補履數年人奇其不老求其術而不能得也。衡漳又北逕巨橋。祇閣西舊有大梁橫水故有巨橋之稱。昔武王伐紂發巨橋之粟以賑殷之饑民。服虔曰巨橋倉名。鉅鹿水之大橋也。今臨側水湄左右方一二里中狀若丘墟蓋遺囿故窖處也。衡水又北逕鉅鹿縣故城東。應劭曰鹿者林之大者也。尚書曰堯將禪舜納之大麓之野。烈風雷雨不迷。致之以昭華之玉而縣取目焉。路溫舒縣之東里人乃爲里監門使。溫舒牧羊澤中。取蒲牒用寫書。卽此澤也。鉅鹿郡

治秦始皇二十五年滅趙以爲鉅鹿郡。漢景帝中元年爲廣平郡。武帝征和三年以封趙敬肅王子爲廣平侯國。世祖中興更爲鉅鹿也。鄭玄注尚書引地說云大河東北流過絳水千里至大陸爲地。腹如志之言大陸在鉅鹿。地理志曰水在安平信都。鉅鹿與信都相去不容此數也。水土之名變易世失其處。見降水則以爲絳水。故依而廢讀。或作絳字非也。今河內北共山淇水共水出焉。東至魏郡黎陽入河。近所謂降水也。降讀當如城降于齊師之降。蓋周時國於地者。惡言降。故改之共耳。又

今河所從去大陸遠矣館陶北屯氏河其故道與
余按鄭玄據尚書有東過洛汭至于大伾北過降
水至于大陸推次言之故以淇水為降水共城為
降城所未詳也稽之羣書共縣故本共和之故國
是有共名不惡降而更稱禹著山經淇出沮洳淇
澳衛詩列目又遠當非改絳革為今號但是水導
源共出北玄欲因成降議故以淇水為降水耳即
如玄引地說黎陽鉅鹿非千里之逕直信都於大
陸者也唯屯氏北出館陶事近之矣按地理志云
絳水發源屯留下亂章津是乃與章俱得通稱故

共縣下故
字疑衍

共出宋本
作共山

水流間關所在著目信都復見絳名而東入于海尋
其川脉無他殊瀆而衡漳舊道與屯相亂乃書有
過降之地說與千里之誌即之途致與書相鄰河
之過降當應此矣下至大陸不異經說自甯迄于
鉅鹿出于東北皆為大陸語之纏絡厥勢眇矣九
河既播八牧代絕遺跡故稱往往時存故鬲般列
於東北徒駭瀆聯漳絳同逆之狀粗分陂障之會
猶在案經考瀆自安故目矣漳水又歷經縣故城
西水有故津謂之薄落津昔袁本初還自易京上
巳屆此率其賓從襍飲於斯津矣衡漳又逕沙丘

臺東紂所成也。在鉅鹿故城東北七十里。趙武靈王與秦始皇並死於此矣。又逕銅馬祠。東漢光武廟。更始三年秋，光武追銅馬於館陶，大破之，遂降之。賊不自安，世祖令其歸營，乃輕騎行其壘，賊乃相謂曰：「蕭王推赤心置人腹中，安得不投死乎？」遂將降人，分配諸將，衆數十萬人。故關西號世祖曰「銅馬帝也」。祠取名焉。廟側有碑，述河內脩武縣張導字景明，以建和三年爲鉅鹿太守，漳津汎濫，土不稼穡，導披按地圖，與丞彭參掾馬道嵩等，原其逆順，揆其表裏，脩防排通，正水路，功績有成，民用

嘉賴。題云漳河神壇碑，而俗老者猶謁斯廟爲銅馬劉神寺，是碑頃因震裂，餘半不可復識矣。又逕南宮縣故城西。漢惠帝元年，以封張越人子買爲侯國，王莽之序中也。其水與隅醴通爲衡津，又有長蘆淫水之名，絳水之稱矣。今漳水旣斷，絳水非復纏絡矣。又北絳瀆出焉，今無水。故瀆東南逕九門城南，又東南逕南宮城北，又東南逕繚城縣故城北。十三州志曰：經縣東五十里有繚城，故縣也。左逕安城南，故信都之安城鄉也。更始二年，和城太守邳彤與上會信都，南安城鄉，上大悅，卽此

處也。故瀆又東北逕辟陽亭。漢高帝六年封審食其為侯國。王莽之樂信也。地理風俗記曰：廣川西南六十里有辟陽亭，故縣也。絳瀆又北逕信都城，東散入澤渚。西至于信都城，東連于廣川縣之張甲故瀆，同歸于海。故地理志曰：禹貢絳水在信都，東入于海也。

又北過堂陽縣西

衡水自堰分為二水，其一水北出逕縣故城西，世祖自信都以四千人先攻堂陽，降水者也。水上有梁，謂之旅津，渡商旅所濟故也。其右水東北注出

石門，門石崩禿，餘基殆在，謂之長蘆水，蓋變引葭之名也。長蘆水東逕堂陽縣故城南，應劭曰：縣在堂水之陽，穀梁傳曰：水北為陽也。今於故縣城南更無別水，唯是水東出，可以當之。斯水蓋包堂水之兼稱矣。長蘆水又東逕九門波，故縣也。又東逕扶都縣故城南，世祖建武三十年封寇恂子楫為侯國，又東屈北逕信都縣故城西，信都郡治也。漢高帝六年置景帝二年為廣川，惠王越國王莽更為新博縣，曰新博亭。光武自薊至信都是也。明帝永平十五年更名樂成，安帝延光中改曰安平，城內

波宋本作波疑當作

新博舊本同作新博下

有漢冀州從事安平趙徵碑。又有魏冀州刺史陳留丁紹碑。青龍三年立。城南有獻帝南巡碑。其水側城北注。又北逕安陽城東。又北逕武陽城東。十州志曰：扶柳縣東北有武陽城故縣也。又北爲博廣池。池多名蟹。佳蝦。歲貢。王朝以充膳。廩。又北逕下博縣故城東。而北流注于衡水也。又東北過扶柳縣北。又東北過信都縣西。蓋曰堂水。扶柳縣故城在信都城西。衡水逕其西。縣有扶澤。澤中多柳。故曰扶柳也。衡水又北逕昌成縣故城。西地理志曰：信都有昌成縣。漢武帝以封城陽項

王子劉差爲侯國。闕駟曰：昌成本名阜成矣。應劭曰：堂陽縣北三十里有昌城故縣也。世祖之下堂陽。昌城人劉植率宗親子弟據邑以奉世祖。是也。又逕西梁縣故城東。地理風俗記曰：扶柳縣西北五十里有梁城故縣也。世以爲五梁城。蓋字狀致謬耳。衡漳又東北逕桃縣故城北。漢高祖十二年封劉襄爲侯國。王莽改之曰桓分也。合斯浹故瀆。斯浹水首受大白渠。大白渠首受綿蔓水。綿蔓水上承桃水。水出樂平郡之上艾縣。東流。世謂之曰桃水。東逕靖陽亭南。故關城也。及北流至井陘關。

下注澤發水亂流東北逕常山蒲吾縣西而桃水
出焉南逕蒲吾縣故城西又東南流逕桑中縣故
城北世謂之石勒城蓋趙氏增成之故擅其目又
謂之高功城也地理志曰侯國也桃水又東南流
逕綿蔓縣故城北王莽之綿延也世祖建武二年
封郭况爲侯國自下通謂之綿蔓水綿蔓水又東
流逕樂陽縣故城西而略井陘山水水出井陘山
世謂之鹿泉水也東北流屈逕陳餘壘而俗謂之
故壁城昔在楚漢韓信東入餘拒之於此不納左
車之計悉衆西戰信遣奇兵自間道出立幟於其

壘師奔失據遂死泚上其水又屈逕其壘南又南
逕城西東注綿蔓水綿蔓水又屈從城南俗名曰
臨清城非也地理志曰侯國矣王莽更之曰申苗
者也東觀漢書曰光武侯鄧禹發房子兵二千人
以姚期爲偏將軍別攻真定宋子餘賊援樂陽稟
肥壘者也綿蔓水又東逕烏子堰枝津出焉又東
爲之大白渠地理志所謂首受綿蔓水者也白渠水
又東南逕開縣故城北地理志曰常山之屬縣也
又東爲成郎河水上有大梁謂之成郎橋又東逕
耿鄉南世祖封前將軍耿純爲侯國世謂之宜安

史記高漸離擊筑而
歌宋子傳客之間於
秦始皇帝

城又東逕來子縣故城北又謂之宋子河漢高帝
八年封許爽為侯國王莽更名宜子昔漸離擊筑
傳工自此入秦又東逕敬武縣故城北按地理志
曰鉅鹿之屬縣也漢元帝封女敬武公主為湯沐
邑闕駟十三州記曰楊氏縣北四十里有武亭故
縣也今其城實中小邑耳故俗名之曰敬武壘即
古邑也白渠又東謂之斯浹水地理志曰大白渠
東至曲陽入浹河者也東分為二水枝津右出焉
東南流謂之百尺溝又東南逕和城北世謂之初
丘城非也漢高帝十一年封郎中公孫耳為侯國

按史記年表有貴侯
呂漢表貴侯合傳功
封同此云呂博互異
未詳也志鉅鹿有貴
縣無有縣

又東南逕育城西漢高帝六年封呂博為侯國百
尺溝東南散流逕歷鄉東而南入泚湖東注衡水
也斯浹水自枝津東逕育城北又東積而為陂謂
之陽縻淵淵水左納白渠枝水俗謂之祗水水承
白渠於藁縣之烏子堰又東逕肥累縣之故城南
又東逕陳臺南臺甚寬廣今上陽臺屯居之又東
逕新豐城北按地理志云鉅鹿有新市縣侯國也
王莽更之曰樂市而無新豐之目所未詳矣其水
又東逕昔陽城南世謂之曰直陽城非也本鼓聚
矣春秋左傳昭公十五年晉荀吳帥師伐鮮虞圍

祗水一作
泚水

鼓。三月鼓人請降。穆子曰：猶有食邑，不許。軍吏曰：獲城而弗取，勤民而頓兵，何以事君？穆子曰：獲一邑而教民怠，將焉用邑？邑以賈怠，不如完舊。賈怠無卒，棄舊不祥。鼓人能事其君，我亦能事吾君。率義不爽，好惡不愆，城可獲而民知義，所有死義而無二心，不亦可乎？鼓人告食竭，力盡而後取之。克鼓而返，不戮一人。以鼓子鳶鞮歸。既獻而返之。鼓子又叛。荀吳略東陽，使師僞糴，負甲息急於門，襲而滅之。以鼓子鳶鞮歸。使沙佗守之者也。十三州志曰：今其城昔陽亭是矣。京相璠曰：白狄之別也。下

食邑一作食邑

曲陽有鼓聚，故鼓子國也。白渠泝水又東，逕曲陽城北。又逕安鄉縣故城南。地理志曰：侯國也。又東逕育縣，入斯浚水。斯浚水又東，逕西梁城南。又東北逕樂信縣故城南。地理志曰：鉅鹿屬縣，侯國也。又東入衡水。衡水又北，爲袁譚渡。蓋譚自鄴往還所由。故濟得厥名。又北入下野，經魯以爲漸，衡水又東北入又東北過下博縣之西。又開門，臨爲莫力，中興故基衡水又北，逕鄆縣故城。東竹書紀年：梁惠成王三十年，秦封衛，按于鄆。改名曰商。卽此是也。故王莽改曰秦聚也。地理風俗記曰：縣北有鄆，阜蓋縣氏

之。又右逕下博縣故城西。王莽改曰閏博。應劭曰：太山有博，故此加下。漢光武自呼沱南出，至此失道，不知所以。遇白衣老父曰：信都為長安，守去此八十里。世祖赴之。任光開門納為漢氏中興，始基之矣。尋求父老不得，議者以為神。衡漳又東北，歷下博城西，逶迤東北，注謂之九爭。西逕樂鄉縣故城南，王莽更之曰樂丘也。又東，列葭水注也。又東北，過阜城縣北，又東北，至昌亭，與零池河會。經敘阜城於下博之下，昌亭之上，考地非比於事。為同勃海阜城，又在東昌之東，故知非也。漳水又

閏舊本作呼沱一作呼沱

零池一作零池注與後皆同

東北逕武邑郡，南魏所置也。又東逕武強縣北，又東北逕武隧縣故城。南按史記：秦破趙將扈輒於武隧，斬首十萬，即於此處也。王莽更名桓隧矣。白馬河注之水上，承零池，東逕樂鄉縣北，饒陽縣南。又東南逕武邑郡北，而東入衡水，謂之交津口。衡漳又東逕武邑縣故城北，王莽之順桓也。晉武帝封子於縣，以為王國，後分武邑武隧，觀津為武邑郡。治此，衡漳又東北，右合張平口，故溝上承武強淵。淵之西南之側，水有武強縣故治，故淵得其名焉。東觀漢記曰：光武拜王梁為大司空，以為侯國。

西南下之字疑衍

耆宿云邑人有行於途者見一小蛇疑其有靈持而養之名曰擔生。長而吞噬人。里中患之。遂捕繫獄。擔生負而奔。邑淪為湖。縣長及吏咸為魚矣。今縣治東北半許。落水淵水。又東南結而為湖。又謂之郎君淵。耆宿又言縣淪之日。其子東奔。又陷於此。故淵得郎君之目矣。淵水北通謂之石虎口。又東北為張平澤。澤水所泛。北決堤口。謂之張刀溝。北注衡河。謂之張平口。亦曰張平溝。水溢則南注。宋耗則輟流。衡漳又逕東昌縣故城北。經所謂昌亭也。王莽之田昌也。俗名之曰東相。蓋相昌聲韻合。故致

半許宋本作半里許

宋本無溝水溢三字

茲誤矣。西有昌城。故目是城為東昌矣。衡漳又東北左會雩池。故瀆謂之合口。衡漳又東北分為二川。當其水沃處。名之曰李聰渙。

水沃舊本作水沃

又東北至樂成陵。縣別出北。

衡漳於縣無別出之瀆。縣北者乃雩池別水分雩池。故瀆之所纏絡也。衡漳又東分為二水。左出為向氏口。溝水自始決入也。衡漳又東逕弓高縣故城北。漢景帝封韓信兄子韓曠當為侯。國王莽之樂成亭也。衡漳又東北右合柏梁澁水。上承李聰渙。東北為柏梁澁。東逕扶領縣故城南。漢武帝元

自始宋本作自此

朔三年封廣川王子劉嘉為侯國地理風俗記云
脩縣西北八十里有蒲領鄉故縣也又東北會桑
杜枝津又東北逕弓高城北又東注衡漳謂之柏
梁口衡漳又東北右會桑杜溝溝上承從陂世盧
達從薄亦謂之訶摩河東南通清河西北達衡水
春秋兩泛漳澤津渚今觀津城北方二十里盡為
澤藪蓋水所鍾也其瀆逕觀津縣故城北樂毅自
燕降趙封之於此邑號望諸君王莽之朔定亭也
又南屈東逕竇氏青山南側隄東出青山即漢文
帝竇后父少翁冢也即是縣人遭秦之亂魚釣隱

桑杜宋本作桑社

身墜淵而死景帝立后遣使者填以葬父起大墳

故名舊本作故民

於觀津城東南故名號曰青山也又東逕董仲舒
廟南仲舒廣川人也世猶謂之董府君祠春秋禱
祭不輟舊溝又東逕脩市縣故城北漢宣帝本始
四年封清河綱王子劉寅為侯國王莽更之曰居
寧也俗謂之溫城非也地理風俗記曰循縣西北
二十里有脩市城故縣也又東會從陂陂水南北
十里東西六十步子午潭漲淵而不流亦謂之桑
杜淵從陂南出夾隄東派逕循縣故城北東合清
漳漳泛則北注澤盛則南播津流上下互相逕道

逕道疑作逕通

從陂陂北出東北分爲二川北逕弓高城西而北
注柏梁澆一川東逕弓高城南又東北陽津清水
出焉左瀆北入衡漳謂之陽決口衡水東逕阜城
縣故城北樂城縣故城南河間郡治地理志曰故
趙也漢文帝二年別爲國應劭曰在兩河之間也
景帝九年封子德爲河間王是爲獻王王莽更名
郡曰朔定縣曰陸信褚先生曰漢宣帝地節三年
封大將軍霍光兄子山爲侯國也漢章帝封子開
於此漢桓帝追尊祖父孝王開爲孝穆王以其邑
奉山陵故加陵曰樂陵也今城中有故池方八十

清水宋本作溝水

步舊引衡水北入城注池池北對層臺基隍荒蕪
示存古意也

又東北過成平縣南合清河

舊本無合清河三字

衡漳又東逕建成縣故城南按地理志故屬勃海
郡褚先生曰漢昭帝元鳳三年封丞相黃霸爲侯
國也成平縣故城在北漢武帝元朔三年封河間
獻王子劉禮爲侯國王莽之澤亭也城南北相直
衡漳又東右會楊津溝水自枝水東逕阜城南地
理志勃海有阜城縣王莽更名吾城者非經所謂
阜成也建武十五年世祖更封大司馬王梁爲侯

枝水一作澤水

國陽津溝水又東北逕建成縣左入衡水謂之陽
津口衡漳又東左會雩池別河故瀆又東北入清
河謂之合口又逕南皮縣之北皮亭而東北逕浮
陽縣西東北注之

又東北過章武縣西又東北過平舒縣南東入海

清漳自章武縣故城西故瀆也枝瀆出焉謂之

瀆水東北逕叅后亭分為二瀆應劭曰平舒縣西

又南五十里有叅后亭故縣也世謂之平虜城枝水

又東注謂之蔡伏溝又東積而為淀一水逕亭北又

逕東平舒縣故城南代郡有平舒城故加東地理

志曰勃海之屬縣也魏土地記曰章武郡治故世
以為章武故城非也又東北分為二水一右出為
澗一水北注呼池謂之瀆口清漳亂流而東注于
海

清漳水出上黨沾縣西北少山大黽谷南過縣西又

從縣南屈

淮南子曰清漳出揭戾山高誘云山在沾縣今清

漳出沾縣故城東北俗謂之漳山漢分沾縣為樂

平郡治沾縣水出樂平郡沾縣界故晉太康地記

曰樂平縣舊名清漳縣漢之故矣其山亦曰鹿谷

呼池一作
漳池

故矣宋本
作故名

山水出大要谷南流逕沾縣故城東不歷其西也
 又南逕昔陽城左傳昭公十二年晉荀吳偽會齊
 師者假道於鮮虞遂入昔陽杜預曰樂平沾縣東
 有昔陽城者是也其水又南得梁榆水口水出梁
 榆城西大嶷山水有二源北水東南流逕其城東
 南注南水南水亦出西山東逕文當城北又東北
 逕梁榆城南即闕與故城也秦伐韓闕與惠文王
 使趙奢敵之奢納許歷之說破秦於闕與謂此也
 司馬彪袁松郡國志並言涅縣有闕與聚盧諶征
 艱賦曰訪梁榆之虛郭弔闕與之舊平桓亦云闕

按桓字似是松字謂
 表松也

敵之宋本
 作救之

虛郭宋本
 作虛郭
 桓字疑誤

與今梁榆城是也漢高帝八年封馮解散為闕氏

解散宋本
 作解散

侯國其水右合此北水又東南入于清漳清漳又
 東南與轅水相得轅水出轅河縣西北轅山南流
 逕轅河縣故城西南東流至粟城注于清漳也
 東過涉縣西屈從縣南

按地理志云魏郡之屬縣也漳水於此有涉之稱
 名因地變也

東至武安縣南黍窖邑入于濁漳

此下疑脫
 注宋本亦
 無

水經第十卷之十一

水經第十

水經第十卷之十一

水經第十卷之十一

水經第十卷之十一

水經第十卷之十一

水經第十卷之十一

水經第十卷之十一

水經第十卷之十一

水經第十卷之十一

水經第十卷之十一

水經第十卷之十一

水經第十卷之十一

水經第十卷之十一

水經第十卷之十一

水經第十卷之十一

水經第十卷之十一

水經第十卷之十一

水經

卷之十一

十一

建續宋本作連續

二館謂於期荆
軻並有一城

水北出子莊關南流逕五公城西屈逕其城南五
公猶王興之五子也光武即帝位封為五侯元才
北平侯益才安喜侯顯才蒲陰侯仲才新市侯季
才為唐侯所謂中山之五王也俗又以五公各居
矣。二館之城澗曲泉清山高林茂風煙披薄觸目
怡情方外之士尚憑依舊居取暢林木其水東南
入于易水易水又右會女思谷水水出西南女思
澗東北流注于易謂之三會口易水又東屈關門
城西南即燕之長城門也與樊石山水合水源西
出廣昌鄉縣之樊石山東流逕覆釜山下東流注

林木一作
林水

于易水易水又東歷燕之長城又東逕漸離城南
蓋太子丹館高漸離處也易水又東逕武陽南蓋
易自寬中歷武夫關東出是兼武水之稱故燕之
下都擅武陽之名左得濡水枝津故瀆武陽大城
東南小城即故安縣之故城也漢文帝封丞相申
屠嘉為侯國城東西二里南北一里半高誘云易
水逕故安城南外東流即斯水也誘是涿人事明
東經證今水破城東南隅世又謂易水為故安河武
陽蓋燕昭王之所城也東西二十里南北十七里
故傳逮述遊賦日出北薊歷良鄉登金臺觀武陽

兩城遼郭舊迹冥茫蓋謂是處也易水東流而出於范陽

東過范陽縣南又東過容城縣南

易水逕出范陽縣故城秦末張耳陳餘為陳勝略

地燕命趙蒯通說之范陽先下是也漢景帝中元

三年封匈奴降王代為侯國王莽之通順也易水

又東與濡水合出故安縣西北窮獨山南谷東流

與源泉水合水發北溪東西流注濡水濡水又東

南逕樊於期館西是其授首於荆軻處也濡水又

東南流逕荆軻館北昔燕丹納田生之言尊軻上

卿館之於此二城並廣一里許俱在罡阜之上上

邪而下方濡水又東逕陽城西北舊竭濡水枝流

南入城逕相冢西冢巨城側耶水塘也四周塋城

深廣有若城焉其水側有數陵墳高壯望若青丘

詢之古老訪之史籍並無文證以私情求之當是

燕都之前故墳也或言燕之墳塋斯不然矣其水

之故瀆南出屈而東轉又分為二瀆一水東注金

臺陂一水逕故安城西側城南注易水夾塘崇峻

邃岸高深左右百步一釣臺參差交跨迢遞相望

更為佳觀矣其一水東出金臺陂東西六七十步南

更為佳觀矣其一水東出金臺陂東西六七十步南

東水合於故安西北

燕命一作命燕

西流一作西北

田生宋本作田光

罡當作岡

陽城上疑脫范字

時宋本作時

有金北五十步側陂西北有釣臺高丈餘方可四十步陂北十餘步有金臺臺上東西八十許步南北加減高十餘丈昔慕容垂之為范陽也戍之即此臺北有蘭馬臺並悉高數丈秀峙相對翼臺左右水流經通長廡廣宇周施浦渚棟堵咸淪柱礎尚存是其基構可得而尋意欲圖還上京阻行旅造次不獲遂心訪諸耆舊咸言昭王禮賓廣延方士至如郭隗樂毅之徒鄒衍劇辛之儔宦遊歷說之民自遠而屆者多矣不欲令諸侯之客伺隙燕邦故修連下都館之南垂言燕昭創之於前子丹踵

高丈餘御覽引此云高十丈

御覽作周旋陂浦宋本作周旋被浦

之於後故彫牆敗館尚傳鐫刻之名雖無紀可憑察其古跡似符傳矣濡水自堰又東逕紫池堡西屈而北流又有渾塘溝水注之水出道縣西白馬山南溪中東南流入濡水濡水又東至塞口古纍石堰水處也濡水舊枝分南入城東大陂陂方四里今無水陂內有泉淵而不流際池北側俗謂聖如泉濡水又東得白楊水口出道縣之西山白楊嶺下東南流入濡水時人謂之虎眼泉也濡水東合檀山水水道出縣西北檀山西南南流與石泉水會水出石泉固東南隅水廣二十許步深三丈固在

御覽作雖無經記可憑察其古迹似符宿傳矣道舊本作首漢地志作迺

口出疑作水出

衆山之內平川之中四周絕澗阻水八丈有餘石
高五丈石上赤土又高一丈四壁直立上廣四十
五步水之不周者路不容軌僅通人馬謂之石泉
固。固上宿有白楊寺是白楊山神也寺側林木交
蔭叢柯隱景沙門釋法澄建刹於其上更爲思亥
之勝處也其水南流注于檀水故俗有并溝之稱
焉其水又東南流歷故安縣北而南注濡水又東
南流於容城縣西北大利亭東南合易水而注巨
馬水也故地理志曰故安縣閭鄉易水所出至范
陽入濡水闕駟亦言是矣又曰濡水合渠許慎曰

稱馬一作稱矣

容城一作容成

許氏說文云濡水出涿郡故安東入涿

濡水入深深渠二號即巨馬之異名然二易俱出
一鄉同入濡水南濡北易至涿郡范陽縣會北濡
又並亂流入涿是則易水與諸水互攝通稱東逕
容城縣故城北渾濤東注至勃海平舒縣與易水
合闕駟曰涿郡西界代之易水而是水出代郡廣
昌縣東南郎山東北燕王仙臺東臺有三峯甚爲
崇峻騰雲冠峯高霞翼嶺岫壑冲深合煙罩霧者
舊言燕昭王求仙處其東謂之石虎置范曄漢書
云中山簡王馮之窆也後其葬採涿郡山石以樹
墳瑩陵隧碑馭並出此山謂之石虎山山有所遺

入涿古作入涿疑當作入涿容城一作容成

合一作合

二石虎。後人因以名。罌之東麓，卽泉源所導也。經所謂閭鄉曲，其水東流有慈水。南會渾波，同注俗謂之爲雹河。司馬彪郡國志曰：雹水出故安縣，世祖令耿況擊故安西山賊吳耐，蠡符雹上十餘營，皆破之。卽是水者也。易水又東逕孔山，北山下有鍾乳穴，穴出佳乳，採者篝火尋路，入穴里許，渡一水，潛通流注，其深可涉，於中衆穴奇分，令出入者疑迷，不知所趣。每於疑路，必有歷記。返者乃尋孔以自達矣。上又有大孔，壑達洞開，故以孔山爲名也。其水又東逕西故安城，其所閭鄉城也。歷逕荆

閭鄉曲經文作閭鄉西山

路古本作炒一作沙

陘北者，舊云燕丹餞荆軻於此，因而名焉。世代已遠，非所詳也。遺名舊傳，不容不詮。庶廣後人傳聞之聽。易水又東流，屈逕長城西，又東流南，過武遂縣南新城。縣北史記曰：趙將李牧伐燕，取武遂方城是也。俗又謂水爲武遂，津津北對長城門，謂之城是也。分門史記趙世家云：孝成十九年，趙與燕易，以龍允汾門與燕。燕以葛城武陽與趙，卽此也。亦曰分門門，又謂之梁門矣。易水東分爲梁門，陂易水又東，梁門陂水注之。水土承易水於梁門，東入長城，東北入陂。陂水北接范陽，陂在范陽城西十里。

分門門誤朱謀璋據郡國志改正

方一十五里俗亦謂之爲鹽臺陂陂水南通梁門
淀方三里淀水東南流出長注易謂之范水易水
自下有范水通目又東逕范陽縣故城南卽應劭
所謂范水之陽也易水又逕樊輿縣故城北漢武
帝元朔五年封中山靖王子劉條爲侯國王莽更
名握符矣地理風俗記曰北新城縣東二十里有
有樊輿亭故縣也易水東逕容城縣故城南漢高
帝六年封趙將夕於深澤景帝中元三年以封匈
奴降王攜徐盧於容城皆爲侯國王莽更名深澤
易水又東渥水注之其水上承二陂於容城縣東

有有一作有東

夕一作夜

史記作唯徐盧吳依漢書改之

又南謂之大渥澱小渥澱水南流注易水謂之渥同
口水側有渾渥城易水逕其南東合滄水故桑欽
曰易水出北新城西北東入滄自下滄易五受通
稱矣易水又東逕易京南漢末公孫瓚害劉虞於
薊下時童謠云燕南垂趙北際唯有此中可避世
瓚以易地當之故自薊徙臨易水謂之易京城在
易城西四五里趙建武四年石虎自遼西南達易
京以京鄣至固令二萬人廢壞之今者地壁夷平
其樓基尚存猶高一匹餘基上有井世名易京樓
卽瓚所堡也故瓚所與子書云袁氏之攻狀若鬼

西北一作城北

小爾雅云二丈為兩倍兩為匹是四丈為一匹也

燕策史記俱無宋
如意事唯陶淵明
詠荆軻詩云漸離
擊悲筑宋意唱高
聲與此有之

漢地理志安次縣
屬渤海郡今東安
縣

鄭縣在今任邱縣
北

東州亦屬渤海郡
在今河間縣境內

神衝梯舞于樓上。鼓角鳴于地中。卽此樓也。易水
又東逕易縣故城南。昔燕文公徙易。卽此城也。闕
駟稱燕太子丹遣荆軻刺秦王。與賓客知謀者。祖
道於易水上。燕太子稱荆入秦。太子與知謀者皆
素衣冠送之。於易水之上。荆歌起爲壽。歌曰。風蕭
蕭兮易水寒。壯士一去兮不復還。漸離擊筑。宋如
意和之。爲壯聲。士髮皆衝冠。爲哀聲。士皆流涕。疑
於此也。余按遺傳舊跡。多在武陽。似不餞此也。漢
景帝中元三年。封匈奴降王僕隳爲侯國也。
又東過安次縣南。

漢功臣表
黜注音恒
吳本改作
黜誤

易水逕縣南。鄭縣故城北。東至文安縣。與零池合。
史記蘇秦曰。燕長城以北。易水以南。正謂此水也。
是以班固闕駟之徒。咸以斯水謂之南易。

又東過東州縣南。東入于海。

經書水之所歷。泂次注海也。

泂水出代郡靈丘縣高氏山。水中自厭南。出泂水。其

卽溫夷之水也。出縣西北高氏山。山海經曰。高氏

之山。泂水出焉。東流經于河者也。其水東南流。山

上有石銘。題言冀州北界。故世謂之石銘。陘也。其

水又南逕曰候。候塘川名也。又東合溫泉水。水出

東州古本
作泉州誤

氏山海經
作是

溫夷當作
嘔夷

經宋本作
注

西北暄谷其水温熱若湯能愈百疾故世謂之温泉焉東南流逕興豆亭北亭在南原上欹傾而不正故世以欹城目之東流注于涇水又東泉水注之水導源莎泉南流水側有莎泉亭東南入于涇水又東逕靈丘縣故城南水中自源南注涇水應劭曰趙武靈王葬其東南二十里故縣氏之縣古屬代漢靈帝光和元年中山相臧泉上請別屬也地理志曰靈丘之號在武靈王之前矣又按司馬遷趙敬侯二年敗齊於靈丘則名不因靈王事如漢注涇水自縣南流入峽謂之隘門設隘於峽以

泉舊本作吳

二年史記作九年敗作伐

沿革字未詳善言習射之事後魏書北海王名詳獻文皇帝之子也

譏禁行旅歷南山高峰隱天深溪埒谷其水泂澗西轉逕御射臺南臺在北阜上臺南有御射石碑南則秀鄣分霄層崖刺天積石之峻壁立直上車駕泂革每出所游藝焉涇水西流又南轉東屈逕北海王祥之石碣南御所屈石柱北而南流者也南過廣昌縣南曲則涇水自西來出之水出恒山涇水東逕嘉牙川川有一水南來注之水出恒山之北麓雖川三合逕嘉牙亭東而北流注于涇水水險隘是為深峭勢均詩人高罨之病良馬傳嶮之

詳吳本改為祥誤宋本作東南過廣昌縣南一作又南

行軒故關受其名焉。關水出西南長溪下，東北歷關注涇。涇水南山上起，御坐於松園，建祗洹於東圃。東北二面岫鄣高深，霞峰隱日。水望澄明，淵無潛甲。行李所逕，鮮不徘徊忘返矣。

又東南過中山，上曲陽縣北。恒水從西來注之。涇水自倒馬關南流，與大嶺水合。水出山西南大嶺下，東北流出峽。峽右山則有祗洹精廬，飛陸陵山。丹盤虹梁，長津泛瀾，縈帶其下。東北流注于涇。涇水又屈而東，合兩嶺溪水。水出恒山北阜，東北流歷兩嶺間。北嶺雖層陵雲舉，猶不若南巒峭秀。自

華陽國志曰：環峽山本名邛笮，其巖阻峻，迴曲九折，乃至山上凝冰夏結，冬則劇寒。

水南步遠，峰石磴透迤。沿途九曲，歷睟諸山，咸為劣矣。抑亦羊腸邛來之類者也。齊宋通和，路出其間。其水東北流注于涇水，又東左合懸水。水出山原岫盤谷，輕湍濬下，分石飛懸水一匹，有餘直灌山際。白波奮流，自成潭渚。其水東南流，楊湍注于涇。涇水又東流，歷山世謂是處為鴻頭，疑即晉書地道記所謂鴻上關者也。關尉治北平，而畫塞於望都。東北去北平不遠，兼縣上所拯也。涇水於是左納鴻上水，水出西北近溪，東南流注于涇水也。又東過唐縣南。

水經 卷之十一

又滌水又東逕左人城南應劭曰中人城西北四十里亦或謂之爲唐水也水出中山城之西如北城內有小山在城西側水銳上若委粟焉疑卽地道記所云望都縣有委粟關也俗以山在邑中故亦謂之中山城以城中有山之木因復謂之爲廣唐城也故中山記以爲中人城又以爲鼓聚殊爲乖謬矣言城中有山故曰中人山也中山郡治京相璠曰今中山望都里二十里有故中人城望都城東有一城名堯始城本無中人之傳璠或以爲中人所未詳也中山記所言中人者城東去望都故

宋本無如字

者城疑作城者

城一十餘里二十里則減但苦其不東觀矣異說咸爲爽矣今此城於盧奴城北如西六十里城之西北泉源所導西逕根山北郎唐音讀近實兼唐水之傳稱西流歷左人亭注滌水又東左會一水水出中山城北郎中阜下亦謂之唐水也然於城非西在又名之謂雹水又兼二名焉西南流入滌並所未詳蓋傳疑耳滌水又東恒水從西來注之自下滌水兼納恒川之通稱焉卽禹貢所謂恒衛旣從也滌水又東右苞馬溺水水出上曲陽城東北馬溺水東北流逕伏亭晉書地道記曰望都縣有

根當作狼

在疑作北

馬溺關中山記曰八渡馬溺是山曲要害之地一
一關勢帶接疑斯城卽是關尉宿治異目之來非
所詳矣馬溺水又東流注于涇涇水又東逕中人
亭南春秋左傳昭公十三年晉荀吳率師侵鮮虞
及中人大獲而歸者也涇水又東逕京丘北世謂
之京南對漢項王陵涇水北對君子岸岸上有哀
王子憲王陵坎下有泉源積水亦曰泉上岸涇水
又東逕白土北南卽靖王子康王陵三墳並列者
是矣涇水又東逕樂羊城北史記稱魏文侯樂羊滅中
山蓋其故城中山所道也故城得其名涇水又東

逕唐縣故城南北二城俱在涇水之陽故曰涇水
逕其東城西又有一水導源盧奴縣之西北是城
西平城之地泉湧而出俗亦謂之爲唐水也東流
至唐城西北隅竭而爲湖俗謂之唐池蓮荷被水
勝遊多萃其上信爲嬉處也其水南入小溝下注
涇水自上歷下通禪唐川之兼稱焉應劭地理風
俗記曰唐縣西四十里得中人亭今於此城取中
人鄉則四十也唐水在西北入涇與應符合又言
堯山者在南則無山以擬之爲非也關駟十三州
志曰山治盧奴唐縣故城在國北七十五里駟所

郡國志唐縣有中
人亭注引博物記
云唐關在中人西
北百里中人在縣
西四十里

西四十里
北百里中八百里
八百里中八百里
唐國志書

說此則非也。史記曰：帝嚳氏沒，帝堯氏作，始封於唐。望都縣在南。今此城南對盧奴故城，自外無城以應之。考古今知事義全違，俗名望都故城則八十許里，距中山城則七十里。驗途推邑，宜為唐城。城北去山五里，與七十五里之說相符。然則俗謂之都香山，即是堯山。在唐東北望都界，皇甫謐曰：堯山一名豆山，今山於城北而如東，斬絕孤峙，唐牙榮立。山南有堯廟，是即堯所登之山者也。地理志曰：堯山在南，今考此城之南又無山以應之，是故先後論者咸以地理之說為失。又即俗說以唐城

今知疑作知今

唐牙疑作虎牙

為望都城者，自北無城以擬之，假復有之，途程紆山河之狀，全乖古證。傳為疎罔，是城西北豆山西足，有一泉源東北流，逕豆山下，合蘇水，亂流轉注東入滙，是豈唐水平所未詳也。又於是城之南如東一十餘里，有一城，俗謂之高昌縣城，或望都之故城也。故縣目曰望都縣，在唐南昌皇甫謐曰：相去五十里，稽諸城地，猶十五里，蓋書誤耳。此城之東有山孤峙，世以山不連陵，名之曰孤山，孤都聲相近，疑即所謂都山也。帝王世紀曰：堯母慶都所居。張晏曰：堯山在北，堯母慶都山在南，登堯山見

紆下疑脫遠字

唐南昌當作高昌南

都山。故望都縣以為名也。唐亦中山城也。為武公之國。周同姓。其後桓公不恤國政。周王問太史。餘曰。今之諸侯孰先亾乎。對曰。天生民而令有別。所以異禽獸也。今中山淫昏康樂。逞慾無度。其先亾矣。後二年果滅。魏文侯以封太子擊也。漢高祖立中山郡。景帝三年為侯國。王莽之常山也。魏皇始二年破中山。立安州。天興三年改曰定州。治水南。奴縣之故城。周之衰也。國有赤狄之難。齊桓霸諸侯。疆理邑土。遣管仲攘戎狄。築城以固之。地理志曰。盧水出北平。疑為踈闕駟應劭之徒。咸亦言

後漢書紀注引此
注云水黑曰盧不
流曰奴

是矣。余按盧奴城內西北隅有水淵而不流。南北一百步。東西百餘步。水色正黑。俗名曰黑水池。或云黑水口。盧不流曰奴。故城北藉水以取名矣。池水東北際水有漢王故宮處。臺殿觀榭皆上國之制。簡王尊貴。壯麗有加。始築兩宮。開四門。穿城北。累石竇。通涿唐水流于城中。造魚池。釣臺。戲馬之觀。歲久頽毀。遺基尚存。今悉加上為剎。利靈圖。池之四周。民居駢比。填徧穢陋。而泉源不絕。暨趙石建武七年。遣北中郎將始築小城。興起北榭。立宮造殿。後燕因其故宮。建都中山。小城之南。更築隔

口盧當作
曰盧

城北一作
北城

加上疑作
加土

山白頰余

城興復宮觀。今府榭猶傳故制。昔耿昭伯歸世祖於此處也。滏水之右，憲水池注之上，承城內憲水池。自漢及燕，涿滏水逕石竇，石竇既毀，池道亦絕。水潛流出城，潭積激漲。渭水東北注于滏，滏水又東逕漢哀王陵北冢，有二墳，故世謂之兩女陵，非也。哀王是靖王之孫，康王之子也。滏水又東，右會長星溝。溝在上曲陽縣西北，長星渚渚水東流，又合洛光水。水出洛光涓，東入長星水，亂流東逕恒山下。廟北，漢末喪亂，山道不通，此舊有下階，神殿中世以來，歲書法族焉。晉魏改有東西二廟，廟前有碑闕。

憲宋本作盧下同

激一作微渭宋本作涓以其潛流故涓然細也

滏水出洛光涓

壇場相列焉。其水東逕上曲陽縣故城北，本岳牧朝宿之邑也。古者天子巡狩，常以歲十一月至于北岳。侯伯皆有湯沐邑，以自齋潔。周昭王南征，不還，巡狩禮廢，邑郭仍存。秦罷井田，因以立縣。縣在山曲之陽，是曰曲陽。有下，故此為上矣。王莽之常山亭也。又東南流，胡泉水注之，受胡泉，逕上曲陽縣南。又東逕平樂亭北，左會長星川，東南逕盧奴城南。又東北，川渠之左，有張氏墓冢，有漢上谷太守議郎張平仲碑。光和中，立川渠，又東北合滏水。水有窮通，不常津注。

又東逕安喜縣南

縣故安險也其地臨嶮有井塗之難漢武帝元朔五年封中山靖王子劉應為侯國王莽更名寧嶮漢章帝改曰安喜中山記曰縣在唐水之西山高岸嶮故曰安嶮邑豐民安改曰安喜秦氏建元中唐水汎長高岸崩頽城角之下有大積木交橫如梁柱焉後燕之初此木尚在未知所從余考記稽疑蓋城池當初山水渰盪漂淪巨椓阜積於斯沙息壤加以城池地板築既興物固能久耳滙水又東逕鄉城北有舊盧奴之鄉也中山記曰盧奴有三鄉

汎長宋本作汎漲

城池宋本作成地

斯其一焉後隸安喜城郭南有漢朝時孝子王立碑

又東過安國縣北

滙水歷縣東分為二水一水枝分東南流逕解瀆亭南漢順帝陽嘉元年封河間孝王子淑於解瀆亭為侯國孫宏即靈帝也又東南逕任丘城南又東南逕安郭亭南漢武帝元朔五年封中山靖王子劉傳富為侯國其水又東南流入于平池滙水又東北流逕解瀆亭北而東北注之矣

平池宋本作滙池

又東過博陵縣南

泗水東北逕蠡吾縣故城南地理風俗志曰縣故
饒陽之下鄉者也自河間分屬博陵漢安帝永初
七年封河間王開子翼為都鄉侯順帝永建五年
更為侯國也又逕博陵縣故城南即古陸城漢武
帝元朔二年封中山靖王子劉貞為侯國者也地
理風俗記曰博陵縣史記蠡吾故縣矣漢質帝本
初元年繼孝冲為帝追尊父翼陵曰博陵因以為
縣又置郡焉漢末罷還安平晉太始年復為郡今
謂是城為野城泗水又東北逕侯世縣故南城又
東北逕陵陽亭東又北左會博水水出望都縣東

南城疑作城南

南流逕其縣故城南王莽更名曰順調矣又東南
潛入地下博水又東南於瀆重源湧發東南逕三
梁亭南疑即古勺梁也竹書紀年曰燕人伐趙圍
濁鹿趙靈王及代人救濁鹿敗燕師于勺梁者也
今廣昌東嶺之東有山俗名之曰濁鹿羅地地不
遠土勢相隣以此推之或近是矣所未詳也博水
又東南逕穀梁亭南又東逕陽城縣散為澤渚渚
水渚漲方數里匪直蒲筍是豐實亦偏饒菱藕至
若孿童卍角弱年女子一作童或單舟採菱或疊舸折艾
長歌陽春愛深淶水掇拾者不言疲謠詠者自于

勺梁古本作勺燕竹書但云敗燕師于勺吳本改作勺梁是也

潘張宋本作渚張

角古本作及當是少字之訛艾當作艾當下疑脫相和二字

時行旅過矚亦有慰於羈望矣。世謂之為陽城澱也。陽城縣故城近在西北，故陂得其名焉。郡國志曰：蒲陰縣有陽城者也。今城在縣東南三十里。其水又伏流，循瀆屈清梁亭西北，重源又發博水。又東逕自隄亭南，又東逕廣望縣故城北。漢武帝元朔二年，封中山靖王子劉忠為侯國，又東合嶠溝。溝上承清梁陂，又北逕清源城東，即將梁也。漢武帝元朔二年，封中山靖王子劉朝平為侯國，其水東北入博水。博水又東北，左則濡水注之。水出蒲陰縣西昌安郭南。中山記曰：郭東有舜氏甘泉，有舜

嶠古本作

及二妃祠。稽諸子傳記，無聞此處。世代又遠，異說之來，於是乎在矣。其水自源東逕其縣故城南，在渚迴湍，率多曲復，亦謂之為曲逆水也。張晏曰：湍水於城北曲而西流，是受此名。故縣亦因水名而氏曲逆矣。春秋左傳：哀公四年，齊國夏伐晉，取曲逆，是也。漢高帝擊韓王信，自代過曲逆，上其城，望室宇甚多，曰：壯哉，吾行天下，唯雒陽與是耳。詔以封陳平為曲逆侯。王莽更名順平。濡水又東與蘇水合，水出縣西南，近山東北，流逕堯始亭南，又東逕其縣入湍。湍水又東得蒲水口，水出西北蒲陽

又遠宋本作云遠

山西南流積水成淵東西一百步南北百餘步深而不測其水又東南流水側有古神祠世謂之爲百祠亦曰蒲上祠所未詳也又南逕安陽亭東晉書地道記曰蒲陰縣有安陽關蓋安陽關都尉治世俗名斯川爲安陽壙蒲水又東南歷壙逕安陽關下名關壙爲唐頭坂出關北流又東流逕夏屋故城實中嶮絕竹書紀年曰魏殷臣趙公孫哀伐燕還取夏屋城曲逆者也其城東側因河仍墉築一城世謂之寡婦城賈復從光武追銅馬五幡於北平所作也世俗音轉故有是名矣其水又東南流

逕蒲陰縣故城北地理志曰城在蒲水之陰漢章帝章和二年行巡北岳以曲逆名不善因山水之名改曰蒲陰焉水右合漁水魚水出北平縣西南魚山山石善巨焉水發其下故世俗以物色名川又東流注于蒲水又東入濡故地理志曰蒲水蘇水並從縣東入濡水又東北逕樂城南又東入博水自下博水亦兼濡水通稱矣春秋昭公七年齊與燕會于濡水杜預曰濡水出高易縣東北至河間鄭縣入易水是濡水與零池溢易互舉通稱矣地理志曰博水東至高陽入河博水又東北徐水注

魚山以下
九字疑有
訛誤

鄭縣宋本
作鄭縣

之水西出廣昌縣東南大嶺下世謂之廣昌嶺嶺
高四十餘里二十里中委折五迴方得達其上嶺
故嶺有五迴之名下望層山盛若蟻蛭實兼孤山
之稱亦峻嶮也徐水三源奇發齊瀉一澗東流北
轉逕東山下水西有御射碑徐水又北流西屈逕
南巖下水陰又有一碑徐水又隨山南轉逕東崖
下水際又有一碑凡此三銘皆翼對層巖巖鄣深
高壁立霞跣石文云皇帝以太延元年十二月車
駕東巡逕五迴之嶮途覽崇岸之竦峙乃停駕路
側援弓而射之飛矢踰于巖山刊石用讚元功夾

峻嶮疑作峻嶮

霞時宋本作霞時

碑竝有層臺二所卽御射處也碑陰皆列樹碑官
名徐水屈東北逕郎山又屈逕其山南岑山岑競

岑山之岑疑行

舉若豎鳥翅立石嶄巖亦如劔杪極地嶮之崇峭

漢武之世戾太子以巫蠱出奔其子遠遁斯山故

世有郎山之名山內有郎山碑事具文徐水又逕

郎山君子中觸鋒將軍廣南廟前有碑晉惠帝永

康元年八月十四日壬寅發詔錫君父子法祠其

碑劉曜光初七年前潁丘太守郎宣北平太守陽

平邑振等共修舊碑刻石樹頌焉徐水又逕北平

縣縣界有漢熹平四年幽冀二州以代子詔書遣

以代子語有訛脫蓋是二州爭境事聞於朝耳

具下一本有于字廣南疑作廟南疑作中子疑作中子

冀州從事王球幽州從事張眼郡縣分境立石標
界具揭石文矣徐州又東南流歷石門中世俗謂
之龍門也其山上合下開開處高六丈飛水歷其
間南出乘崖傾瀾泄注七丈有餘湊盪之音奇爲
壯猛觸石成井水深不測素波白激濤襄四陸瞰
之者驚神臨之者駭魄矣東南出山逕其城中有
故碑是太白君碑郎山君之元子也其水又東流
漢光武追銅馬五幡於北平破之順水北乘勝追
北爲其所敗短兵相接光武自投崖下遇突騎王
豐於是授馬進保范陽順水蓋徐水之別名也徐

傾瀾一作
傾澗

水又東逕蒲城北又東逕清苑城又東南與沈水

與沈下疑
脫水合二
字

出蒲西俗謂之泉頭水也地理志曰北平縣有沈

水東入河卽是水也東逕其城又東南左入徐水

地理志曰東至高陽入河今不能也徐水又東左

合會曹水出西北水也寧縣曹河澤東南流左合

會疑作曹
出西北水
疑作水出
西北

岐山之水水出岐山東逕邢安城北又東入南曹

河曹水又東南逕北新城縣故城南河南又逕北

新城故城北此王莽之朔寧縣也曹水又東入于

徐水水又東南逕二故城北俗謂之祭過城所未詳

也徐水又東流入博水地理志曰徐水出北平東至

今曹河徐河唐河
並合易水經雄縣
達直沽入于海

高陽入于博又東入涇地理志曰博水自望都東
至高陽入于河

又東北入于易

涇水又東北逕依城北世謂之依城河他說無依

城之名即古葛城也郡國志曰高陽有葛城燕以

與趙者也

阿陸也建武二年更封岸將軍任光為侯國涇水

東北至長城注于易水者也

水經第十一

入于博古
本作入于
河

封岸宋本
作封左

水經第十二

漢 桑欽撰

後魏酈道元注

吳 琯校

聖水出上谷

聖水

故燕也秦始皇二十三年置上谷郡王隱晉書地

道志曰郡在谷之頭故因以上谷名焉王莽改名

朔調也水出郡之西南聖水谷東南流逕大防嶺

之東首山下有石穴東北洞開高廣四五丈入穴

聖水今琉璃河

轉更崇深。穴中有水者。舊傳言昔有沙門釋惠彌者。好精物隱。嘗篝火尋之。傍水入穴。三里有餘。穴分爲三。穴殊小。西北出。不知趣詣。一穴西南出。入水。逕五六日方還。又不測窮深。其水夏冷冬溫。春秋有白魚出穴。數日而返。人有採捕食者。美珍常味。蓋亦丙穴嘉魚之流類也。是水東北流入聖水。聖水又東逕玉石山。謂之玉石口。山多珉玉燕石。故以玉石名之。其水伏流里餘。潛源東出。又東頽波瀉澗。一丈有餘。屈而流也。

東過良鄉縣南

聖水南流。歷縣西。轉又南。逕良鄉縣故城西。王莽之廣陽也。有防水注之。水出縣西北。大防山南。而東南流。逕羊頭阜。下俗謂之羊頭溪。其水又東南流。至縣東。入聖水。聖水又南。與樂水合。水出縣西北。大防南山。東南流。歷縣西。而東南流。注聖水。又東。過其縣故城南。又東。逕聚聖南。蓋藉水而懷稱也。又東。與挾河合。水出良鄉縣西。甘泉原東谷。東逕西鄉縣故城北。王莽之移風也。世謂之都鄉城。又按地理志。涿郡有西鄉縣。而無都鄉城。蓋世傳之非也。又東。逕良鄉城南。又東北。注聖水。世謂之扶

二下宋本
有一字

挾河宋本
作俠河
泉原一作
泉源

扶宋本作

活河又名之曰非潔之溝也

非潔一作非理

又東過長鄉縣北

聖水自涿縣東與桃水合首受涑水於徐城東南

良鄉西分洹水世謂之南涉溝即杭水也東逕迺

縣北又東逕涿縣故城下與涑水合世以為涑水

又亦謂之桃水出涿縣故城西南奇溝東八里大

坎下數泉同發東逕桃仁墟北或曰因水以名墟

則是桃水也或曰終仁之故居非桃水也余按地

理志桃水上承涑水此水所發不與志同謂終為

是又東北與樂堆泉合水出堆東東南流注于涑

水涑水又東北逕涿縣故城西流注于桃應劭曰

涿郡故燕漢高帝六年置其南有涑水蓋氏焉闕

駟亦言是矣今於涿城南無水以應之所有唯西

南有是水矣應劭又云涑水出上谷涑鹿縣余按

涑水自涑鹿東注濕水濕水東南逕廣陽郡與涑

郡分水漢高祖六年分燕置涿郡涑之為名當受

涑水通稱矣故郡縣氏之但物理潛通所在分發

故在上谷為涑耶水山川阻闊並無汭注之理所

在受名者皆是經隱顯相關遙情受用以此推之

事或近矣而非所安也桃水又東逕涿縣故城北

按十三卷注云涑水枝分入洹水者謂之涑耶水

洹當作垣下同杭疑作范涑之為范陽郡蓋取於此通字

王莽更名垣翰晉太始元年改曰范陽郡今郡理
涿縣故城城內東北角有晉康王碑城東有范陽
王司馬虓廟碑桃水又東北與洹水會水上分涑
水於良鄉縣之桃水世謂之北涉溝故應劭曰垣
水出良鄉東逕垣縣故城北史記音義曰河間有
武垣縣涿有垣縣漢景帝中元三年封匈奴降王
賜爲侯國王莽之垣翰亭矣世謂之垣城非也又
東逕頃亦地名也故有頃上言世名之頃前河又
東洛水注之水上承鳴澤渚渚方一十五里漢武
帝元封四年行幸鳴澤者也服虔曰澤名在迺縣

司馬一作
司寇

賜古本作
勝

北界卽此澤矣西則獨樹水水注之出迺縣北山
東入渚北有甘泉水注之出良鄉西山東南逕西
鄉城西而南注澤渚水又東逕西鄉城南又東逕
垣縣而南入垣水垣水又東逕涿縣北東流注于
桃故應劭曰垣水東入桃闕駟曰至陽鄉注之今
按經脉而不能屈也桃水東入陽鄉東注聖水聖
水又東廣陽水注之水出小廣陽西山東逕廣陽
縣故城北又東福祿水注焉水出西山東南逕廣
陽縣故城南東入廣陽水亂流東南至陽鄉縣右
注聖水聖水又東南逕陽鄉城西不逕其北矣縣

故涿之陽亭也地理風俗志曰涿縣東五十里有陽鄉亭後分爲縣王莽時更名章武卽長鄉縣也按太康地記涿有長鄉而無陽鄉矣聖水又東逕長興城南又東逕方城縣故城李牧伐燕取方城是也魏封劉放爲侯國聖水又東左會白祀瀟溝水出廣陽縣之婁城東東南流左合婁城水水出平地導泉東南流右注白祀水亂流東南逕常道城西故鄉亭也西去長鄉城四十里魏少帝璜甘露二年所封也又東南入聖水聖水又東南逕韓城東詩韓奕章曰溥彼韓城燕師所完王錫韓侯

其追其貊奄受北國鄭玄曰周封韓侯居韓城爲侯伯言爲獫狁所逼稍稍東遷也王肅曰今涿郡方城縣有韓侯城世謂寒號非也聖水又東南流右會清淀水水發西淀東流注聖水謂之劉公口也

又東過安次縣南東入于海

聖水又東逕勃海安次縣故城南中平二年桓帝封荊州刺史王敏爲侯國又東南流注于巨馬河而不達于海也

巨馬河出代郡廣昌縣涑山

卽涑水也。有二源俱發涑山。東逕廣昌縣故城南。王莽之廣屏。魏封樂進爲侯國矣。涑水又東北逕西射魚城。東南而東北流。又逕東射魚城南。又屈逕其城東。竹書紀年曰：荀瑤伐中山，取窮魚之丘。窮射字相類，疑卽此城也。所未詳矣。涑水又逕三女亭西，又逕樓亭北。左屬白澗溪水，有二源合注一川。川石皓然，望同積雪，故以物色受名。其水又東北流，謂之石曹水。伏流地下，溺則通津。委注謂之白澗口。涑水又東北桑谷水注之。水南發溪北，注涑水。涑水又北逕小鬻東，又東逕大鬻南。蓋霍

溺疑作溢

晉書霍原字休明，燕國廣陽人。山居積年，門徒百數。元康年，徵賢良，不到。後王浚稱制，謀僭使人問之，原不答。時有謠曰：「天子在何許，近在豆田中。」浚以豆爲藿，收原斬之。

原隱教授處也。徐廣云：原隱居廣陽山，教授數千人。爲王浚所召，雖千古世懸，猶表二鬻之稱。旣無碑頌，竟不知定誰居也。涑水又東北歷紫石溪口，與紫水合。水北出聖人城北，大豆下東南流。左會壘，砢溪水蓋山崩委澗，積石淪隍，故溪澗受其名矣。水出東北西南流，注紫石溪水。紫石溪水又逕聖人城東，又東南右會檐車水。水出檐車砢東南流，逕聖人東南城南，流注紫石水。又南注于涑水。涑水又東南逕榆城南，又屈逕其城東，謂之榆城。河涑水又南逕藏刀山下，層巖壁立，直長千霄，遠

東北下一本有又東流三字

壘砢一作壘砢

檐車砢一作檐石砢

直長宋本作直上

望崖側有若積乃鑲鑲相比咸悉西首涑水東逕
徐城北出焉世謂之沙溝水又東督亢溝出焉一
水東南流即督亢溝也一水西南出即涑之故瀆
矣水盛則長津弘注水耗則通波潛伏重源顯於
迺縣舊則川矣

東過迺縣北

涑水上承故瀆於縣北垂重源再發結爲長潭潭
廣百許步長數百步左右翼帶消流控引水自成
淵渚長川漫下十一許步東南流迺縣故城東漢
景帝中元三年以封匈奴降王隆疆爲侯國王莽

宋本作又
東合督亢
溝

水上疑脫
一其字

更名迺屏也謂之巨馬河亦曰渠水也又東南流
袁本初遣別將崔臣業攻固安下退還公孫瓚追
擊之於巨馬水死者六七千人即此水也又東南
逕范陽縣故城北易水注之

又東南過容城縣北

巨馬水又東酈亭溝水注之水上承督亢溝水於
迺縣東東南流歷紫淵東余六世祖樂浪府君自
涿之先賢鄉爰宅其陰西帶巨川東翼茲水枝流
津通纏絡墟圃匪直田漁之贍可懷信爲遊神之
勝處也其水東南流又名之爲酈亭溝其水又西

魚豢典略
作崔巨業

南轉歷大利亭南入巨馬水又東逕容城縣故城北又東督亢溝水注之水上承涑水於涑谷引之則長津委注過之則微川輟流水德含和變通在我東南流逕迺縣北又東逕涿縣酈亭樓桑里南卽劉備之舊里也又東逕督亢澤澤苞方城縣縣故屬廣陽後隸於涿郡國志曰縣有督亢亭孫暢之述畫有督亢地圖言燕太子丹使荆軻齎入秦秦王殺軻圖亦絕滅地理書上古聖賢冢地記曰督亢地在涿郡今故安縣南有督亢陌幽州南界也風俗通曰沆漭也言乎淫淫漭漭無崖際也沆

白溝今在新城縣南巨馬河之下流也

澤之無水斥鹵之謂也其水自澤枝分東逕涿縣故城南又東逕漢侍中盧植墓南又東散為澤渚督亢澤也北屈淮于桃水督亢水又南謂之白溝水南逕廣陽亭西余而南枝溝溝水西受巨馬河東出為枝溝又東注白溝白溝又南入于巨馬河巨馬河又東南逕益昌縣濩澗水右注之水上承護陂於臨鄉縣故城西東南逕臨鄉南漢封廣陽王子須為侯國地理風俗記曰方城南十里有臨鄉城故縣也城南十里淀水又東南逕益昌縣故城西南入巨馬水巨馬水東逕益昌縣故城南漢

進于宋本作注于

一本無風俗二字

封廣陽頃王子嬰為侯國王莽之有秩也地理風俗記曰方城縣東八十里有益昌城故縣也又東入丈溝水注之水出安次縣東北平地泉東南逕安次城東東南逕東州縣故城西又南右合寧池河枯溝溝自安次西北東逕常道城東安次縣故城西晉司空劉琨所守以拒石勒也

又東南至又南十六字宋本俱作注文應從之

又東南至泉州縣西南東入八丈溝又南入巨馬河亂流東注也又東過勃海東平舒縣北東入于海地理志曰涑水東南至容城入于海河即濡水也蓋升以明會矣巨馬水於平舒北南入于寧池而同歸於海也

升以宋本作互以

水經第十二會突六百里水於平流其南入于海也

同歸於海也



